

Шавкат Рассоқов

ЎЗЛИКНИ
АНГЛАШ ЗАВҚИ

ёхуд

Сизни ўзгартирадиган китоб



Шавкат Рассоқов



ЎЗЛИКНИ АНГЛАШ ЗАВҚИ



ёхуд

Сизни ўзгартирадиган китоб

*Cho‘lpon nomidagi nashriyot-matbaa ijodiy uyi
Тошкент — 2014*

УЎК: 159.9
КБК 84(5Ў)7
Р18

Масъул муҳаррир — Муҳиддин Омон

Р18 **Раззоқов Ш.** Ўзликни англаш завқи:/Ш. Рассоқов. — Т.:
 Cho'lpox nomidagi NMIU, 2014. — 96 б.
 ISBN 978-9943-05-631-2

УЎК: 159.9
КБК 84(5Ў)7

ISBN 978-9943-05-631-2

© Шавкат Рассоқов, 2014
© Cho'lpox nomidagi NMIU, 2014



ҚАЛБНИ ЎЗГАРТИРАДИГАН КИТОБ

Азиз китобхон, ўйлаймизки, Сиз сўнгги йилларда оламга машҳур мутафаккирлар, донишмандлар ҳамда психолор олимларнинг илмий тавсиялари, ҳаётий тажрибалари асосида тайёрланаётган, инсон шахсияти, руҳий олами, ижтимоий муносабатларининг шаклланиши ва умуман борлиққа муносабати борасидаги китобларни кузатиб бормоқдасиз.

Бинобарин, ҳар бир киши муайян ёшга кириб, ақлини танигандан сўнг, ўз туйгуларини, тафаккур тарзини, теграсидаги кишиларга, оиласига, яқинларига муносабатларини бир қур назардан ўтказиб олишга эҳтиёж сезади.

Ва шу эҳтиёж ҳосиласи ўлароқ, бу оламда, ижтимоий маконда ўз мақомини аниқлайди. Айни шу изланишлари жараённида «Мен ўзи кимман, қандай одамман? Ота-онага қобил фарзанд бўла олдимми, ўз фарзандларим олдиаги оталик-оналик бурчимни тўкис адo этяпманми? Бу ёруғ дунёга нега келганман, мақсадим, маслагим нималардан иборат? Ўтган йиллар ичида нималарни ўйқотиб, нималарни қўлга киритдим? Келажагимни қандай қуришим лозим? Инсоний баҳт-саодат, баркамоллик деган тушунчаларга қай даражада дахлим бор?» – дея ўйланиб қолади. Ва бу ниҳоятда табиий ва инсон умрининг мазмунини белгилаб бергувчи жараёндир.

Амалиётчи психолог Шавкат Рассоқовнинг «Ўзликни англаш завқи ёхуд Сизни ўзгартирадиган китоб» номли ушбу китоби Сиз азизларга ўз-ўзингизни, аниқроғи ўзлигингиши таниб олишингизда бефараз кўмакчи ва дастуруламал бўлади, деган умиддамиз.

Зеро, муаллиф мазкур асарида ҳеч бирингиздан зифирча фарқ қиласидиган, худди сиз яшаётган замон ва маконда, айнан Сизнинг шаҳрингизда, эҳтимол маҳалла ёки қишлоғингизда умргузаронлик қиласидиган ўз қаҳрамонининг ажойиб ва гаройиб саргузаштлари, аниқроғи унинг ақлли ҳамсуҳбати бўлган «Инсоннинг руҳий-психологик ҳолатини кузатиш, таҳлил ва шарҳлаш орқали тадқиқ этиш мақсадида» ихтиро қилинган робот билан бир неча ой мобайнида давом этган мулоқотлари воситасида ҳеч қандай танбеҳу дашномларсиз, ваъзхонлигу панд-насиҳатларсиз Сизни ўзлигингиши кашф

этишга, бу фоний дунёда аслида кимлигингизни билиб олишга даъват қилиб аввало қалбингизни, кейин эса феълингизни таҳрир қилади, барча Қусурлардан тозалайди, ўй-фикрларингизни, ўзлигингиз ва умуман шахсиятингизни яхши томонга ўзгартиришга муваффақ бўлади.

Бундай бироз баландпарвозроқ, баъзи бир реклама роликлари-даги каби ғайриоддий таърифу тавсифимизга ишонгингиз келмаяп-тими? Унда марҳамат, Сизни ўзгартирадиган китоб саҳифалари мутолаангиз учун мунтазир...

*Муҳиддин Омон – Ўзбекистон Ёзувчилар
уюшмаси аъзоси, шоир, таржимон, ношир.*



«Кечаги кундан ўрганинг, бугунни яшанг, эртадан умид қилинг. Энг муҳими – савол беришдан тўхтаманг».

Альберт Эйнштейн

ТАНИШУВ

Дўстимни излаб ишхонасига бордим. Жойида йўқ экан. Унинг кабинетига кириб бироз кутишга тўри келди. Чеккада турган курсига ўтириб хонани кўздан кечира бошладим ва бир бурчакда турган одам шаклидаги роботни кўриб қолдим. Дўстим янги машина устида ишлайтганлигини айтган эди. Лекин бу ускуна робот эканлиги ҳаёлимга келмаган экан. Темирдан ясалган бўлса ҳам кўзлари худди тирик одамникуга ўхшайди. Тикилиб қараган сайин, қизиқишим ортаверди. Бир фурсат маҳлиё бўлиб уни томоша қилдим.

Нимагадир кайфиятим кўтарилди ва ўрнимдан туриб икки букилиб: – Ассалому алайку-ум! – деб роботга таъзим қилдим. Ҳали гавдамни кўтаришга ҳам улгурмаган эдим-ки, «Ваалайкум ассалом», деган гулдураган овоздан сесканиб кетдим. Не кўз билан кўрайки, гапираётган – робот экан.

– Мен роботман. Сен кимсан? – деди робот, бирданига жон кирган кўзларини чараклатиб.

Астағифурulloх... Бунча кўзлари одамнинг ичига кириб кетмаса. Бир амаллаб эсимни ўнглаб олдим ва ўзим билмаган ҳолда:

– Мен одамман, – деб жавоб бердим, интиқиб.

Роботдан садо чиқмади. Нима бало, дўстим бу роботга келган меҳмонлар билан ҳазиллашиб учун фақат биргина гап ўргатиб кўйганмикин? Агар шундай бўлса, ҳазил менга ёқмади. Ўзимни худди кала-ка қилингандек сездим ва роботга қараб пичинг қилиб кўйдим:

– Ҳов қўғирчоқ, бирор билан гаплашиш учун лампочкалар та-килган симёғоч эмас, одам бўлиш керак, тушундингми?!

Лекин бир дақиқа ўтар-ўтмас уялганимдан юзим қизарганини сездим, чунки кўзини мендан узмасдан қараб турган робот яна тилга кирди ва у айтган гапдан кейин оғзим бир фурсат очиқ қолди.

– Мен шунчаки жавобингни таҳлил қилаётган эдим, – деди у. Тўғри, сен одамсан. Лекин бугунги кунда Ер юзида одамлар сони 7 миллиарддан ошган. Сенинг улардан нима фарқинг бор? Сен кимсан?

Очиқ қолган оғзимни бир амаллаб юмдим, лекин аъзои-бадданимни совуқ тер босди. Ўзини яккаю ягона ва бетакрор деб ҳисоблаб юрган одамга бунақа гаплар худди мих қоқаётганды болғани нохос бармоғига ургандек таъсир қилас экан. Азбаройи Худо, ўзимни йўқотиб қўйдим. Лекин негадир буни роботга сездирмасликка ҳаракат қилиб, соҳта табассум билан:

— Мен эркакман, — дедим.

Жавобимга нима дейиши мумкинлигини ўйлаб турганимда у яна тилга кирди.

— Бу гапингдан ҳам аслида кимлигингни англаб бўлмайди, — деди у. Чунки одамлардан ташқари барча тирик жонзотлар ҳам икки жинсга бўлинган ва бу маънода уларнинг сендан фарқи фақат паспорти йўқлигига. Сен кимсан?

Бу сафар бироз энсам қотгандек бўлди ва мен ўз исми-шарифими ни айтдим. Робот яна бир дақиқа ўйланниб қолди ва луқма ташлади:

— Бугунги кунда сенинг исминг ва фамилияниг билан яшаб юрганлар сони фақат Ўзбекистоннинг ўзида роппа-роса 179 та. Сен уларнинг қайси бирисан?

Ўйланниб қолдим. Бироқ бу ўйланганим имтиҳонда берилган, умрингда эшитмаган масала устида ўйлашга ўхшаб кетарди. Чунки робот айтиётганди бу «фанинг» «ф» ҳарфи билан ҳам таниш эмасдим. Худди буни сезгандек робот бир пас жим турди-да, кейин бир маромда, лўнда-лўнда қилиб гапира бошлади:

— Исми-шарифинг, касби-коринг, феъл-атворинг, одатларинг, қизиқишлиаринг ҳам сенинг кимлигингни билдирамайди. Нега деганда «фалончиман», фалон жойда ишлайман, фалон ишлар қилганман» дейдиганлар ҳам, сеникидай билим ва тажрибага эга бўлганлар ҳам, сенга ўхшаб турмуш кечирадиганлар ҳам сон-саноқсиз. Ҳаттоқи, одамзод тарихида яккаю-ёлғиз ҳисобланган буюк шахсларни ҳам бошқа бирор билан адаштириш мумкин. Тарихда иккита Искандар Зулқарнайн, учта Сукрот, тўртта Афлотун яшаб ўтган. Сен кимсан?

Роботнинг саволига жавоб бериш у ёқда турсин, қаердалигимни ҳам унтутиб қўйдим. Қанча вақт ўтганини билмадим, ниҳоят нима деяётганимни ўзим ҳам яхши англамаган ҳолда:

— Шунчаки яхши одамман, — дедим ва ўйламай отган гапим нишонга тегар деган умид билан кўз тагидан аста унга қараб қўйдим. Лекин нишон умуман бошқа томонда экан шекилли, унинг чиройли кўзлари чақнаб:

— Бунга гумоним йўқ, — деди. Лекин мен сендан қандай эканлигингни эмас, кимлигингни сўрайпман. Қолаверса, дунёдаги энг ёвуз кимсалар ҳам ўзини «яхши одамман» деб ҳисоблайди. Шу вақтгача «Мен ёмон одамман» деб фақат Хўжа Насриддин айтига олган. Сен эса

Хўжа Насрилдинга ўхшамайсан. Шундай экан, кел, яхшию ёмонларни, хушфөъл ва бадфеълларни, машҳур ва оддийларни ҳам тинч қўйалик. Шахсан сен кимсан?

Бу темир-терсак тағин ҳазил ҳам қиласи-я. Тўрт томонга тарқалиб, мендан тобора узоқлашиб бораётган фикрларим ниҳоят тўхтаб мен томонга ўгирилишиди. Майли, мана сенга ҳазил.

— Мен севгилимнинг ёриман, — дедим ясама қувноқ оҳангда ва унга қараб тиржайиб қўйдим.

Робот жимиб қолди. Бу сафар робот тушунмаган нарсага тил теккиздим назаримда. Ҳа, тўғри-да, мия ўрнига микросхема, юрак ўрнига гидравлика ўрнатилган машина севги нималигини, ёр кимлигини қаердан билсин.

— Ҳой, япониялик қариндош, — дедим заҳархандалик билан. Дамингиз ичингизга тушиб қолди, нима бало ёки дисководингиз ишдан чиқдими?

Лекин пичинг ва заҳархандалик ҳатто темирни ҳам гапиришга мажбур қиласи-я. Ичидан худди пашиша «зингиллаши»га ўхшаган сас чиқариб турган робот бир-икки дақиқадан кейин тилга кирди ва суҳбатимизни тўхтаган жойидан давом эттириди:

— У ҳолда сен севимли ёр бўлишдан олдин Ким бўлгансан? Қолаверса, вақт ўтиб, «Мен севикли ёрман» деб айтишга уяладиган ёшга етганингдан кейин Ким бўласан?

Бу гап менга ёқмади. Жавоб бермадим. Одам шаклидаги бу фалати мосламадан кўрқа бошлиганимни сездим ва бундай шароитда жуфтакни ростлаш энг маъқул ишдек туюлди. Секин эшик томонга бурилдим ва оёқ учida бир икки қадам ташлаган эдим робот кетимдан гап отди:

— Балки сен ўзингни «Худонинг бандасиман, мусулмонман» деб ҳисобларсан?

Бу гап диққатимни тортиб, баданимга жон киритгандай бўлди. Тўхтаб аста унга қарадим. «Ўзинг биларкансан-ку, ярамас, нима қилардинг мени шунча қийнаб?» — дедим ичимда. Нимага олдинроқ шуни айтмабман, деб турган эдим у гапини давом эттириди:

— Сенга бу гап маъқул бўлганга ўхшайди. Жуда яхши. Демак сен ўзингни Аллоҳнинг итоаткор қулиман, деб ҳисоблайсан. Бу дегани сен Парвардигорнинг амрларига бўйсунасан. Яъни: шукрни биласан, тилинг ёки кўлинг билан бошқаларга озор етказмайсан, дунё неъматларига ҳирс қўймагансан, нафсингга қул эмассан, бирорларни гийбат қилиб бошқаларга ҳасад қилмайсан, ёлғон гапирмайсан, бирорнинг ҳаққини емайсан, ҳеч кимга нафрат билан қарамайсан. Шундайми?

Мен лом-мим дея олмадим. Мендан садо чиқмаганидан кейин робот бу мавзуга ҳам нуқта қўйди:

— Агар шундай бўлса сен фариштасан ва сен Ерда эмас, осмонда бўлишинг керак эди. Лекин сен Ерасан, унда сен кимсан?

Мен тошдек қотиб туравердим, у эса ўзининг ҳеч қандай эъти-
розга жой қолдирмайдиган мулоҳазаларини давом эттириди:

— Эҳтимол, сен ўзингни «ота-онамнинг фарзандиман» дерсан? Ундан бўлса ўзингни дунёда эмас, мамлакатда эмас, лоақал ўз маҳаллангдаги барча «фарзандман» деб юрганларнинг энг муносабиман, деб айта оласанми? «Юрагимнинг энг нозик жойидан тутдинг-ку, номард», деб кўнглимдан ўтказдим.

— Ахир сен ўзингни дунёда ягона, энг муносаб, энг яхши, энг ақлли деб ҳисоблайсан-ку, — давом этди у. — Хўш, сенинг бошқалар орасида ягоналигинг, бетакрорлигинг нимада? Атрофинингдагилар сени бошига кўтариб юришибдими ёки қандай ажойиб одам эканлигинги билмаганликлари туфайли қадрингга етишмаяптими? Майли, сенинг қадрингга етмаганларни қўйиб турайлик. Хўш, Сен ўзинг учун кимсан?

Мен индамадим, чунки бунақанги савол умримда хаёлимга келмаган. Лекин нима учун тўғри гап түққанингга ёқмаслигини бир зумда аниқ тушуниб етдим ва ўзимни худди кўчанинг қоқ ўртасида ялонгоч ҳолда қолган одамдек сезиб, саросимага туша бошладим.

— Ажабо, — деди мендан жавоб чиқмаслигини сезган робот, — наҳотки сен ўзингни кимлигингни билмасанг, наҳотки бу тўғрида ўйлаб кўрмаган бўлсанг? Бу тўғрида ўйлашга ҳали эртами ёки аксинча, энди кеч бўлдимикин? Ҳақиқатан ҳам бир сабаби бордир. Лекин ҳайратланарлиси — сен бу тўғрида ўйлаб кўрмаганингда эмас, ўзингнинг кимлигингни билмасдан туриб, бошқаларнинг кимлигини билишинингда, уларнинг устидан ҳукм чиқара олишингда, яъни яхшини ёмондан, ақллини ақлсиздан, тўғрини нотўғридан ажратса олишингда. Ёки сен бундай қилмайсанми?

Робот гапни қаерга бураётганлигини унчалик англамадим ва яқин орада ит борлигини сезган мушукдек кўзларимни ҳар томонга аланглатиб туравердим.

— Ҳа, сени билмадиму, лекин кўпчилик одамлар бир умр шундай қилиб келишади, — давом этди у. Болалигидан бошлаб «яхши» дўст ахтаришади, «ёмонларни» эса нафақат рад қилиш, балки пайти келганда, кучи етса адабини ҳам беришга ҳаракат қилишади. Одамларнинг аксарияти кимнинг Ким эканлигини жуда яхши биламан, деб ўйлашади, айниқса ўз яқинларини. Улар ўз оға-инилари ва фарзандларини нафақат Ким эканлигини, балки келажакда Ким бўлиши кераклигини ҳам аниқ биламан, деб ҳисоблашади. Кези келганда ўз тасаввурни бўйича уларга «тўғри тарбия бериш»га «тўғри йўлга солиш»га ҳам

Карыкат қилишади. Ўзининг кимлигини билмасдан туриб яқинларини кимлигини билишлари ҳали ҳолва. Улар ҳатто етти ёт бегона бўлган լушимларини ҳам Ким эканлигини яхши билишади. Аниқ билмасалар уларга нафрат билан қарамаган бўлардилар.

Мен тарашадай қотиб қолдим, чунки роботнинг гаплари камина-ла ҳам тегишли эди.

У кўзларини чақнатиб, ҳар бири юрагимга пичоқдек санчилаётган гапларини давом эттирид:

— Одам жуда антиқа мавжудот, чунки ўзи билмаган соҳада ҳакам-чик қила олади, ўз уйида эса ўзини ҳакамлар ҳайъатининг раиси деб ҳисоблайди. «Соҳани» билмаслиги рост, чунки ўзини кимлигини билмайди. Ўзини билмаган одам ўз яқинларининг кимлигини қандай қилиб билиши мумкин?

Мен яна индамадим. Умримда биринчи бор оғзим қуриб, тилим томофимга ёпишиб қолганини аниқ сездим, бу худди ёмон туш кўрганингда хавфли жойдан қочиш керак бўлган пайтда балчиқдан оёғингни кўтариб ололмагандек бўлар экан.

— Кимлигингни билмасдан туриб қандай яшаяпсан, умрингни, бебаҳо вақтингни нималарга сарфляяпсан? Қаерга ва нима мақсадда шошаяпсан? Бугун ўзингни ким эканлигингни билмасдан эртага Ким бўлмоқчисан? Ёки келажакда «фалончи» бўлмоқчимисан? Лекин эртага фалончи бўлиш учун, бугун Ким эканлигингни билишинг керак-ку! Чунки келажакда баҳайбат фил бўлишни орзу қилаётган кичкина маймунча эртага филга айланишига ишониш қийин. Шунинг учун кел, пуч ёнғоқларни санашига вақт сарфламайлик. Сен кимсан? Ўзингнинг кимлигингни билмасдан туриб, бошқалар сени ким деб ҳисоблашини истайсан?

Аъзойи баданим музлаб кетди, пешонамни эса тер босди. Робот менга бошдан оёқ разм солди, кейин менга раҳми келгандай қилиб, бироз пастроқ товушда фикрини давом этди:

— Сен бу саволларга эртами-кечми, барибир жавоб топсанг керак. Сабаби фил ва маймунлардан фарқли ўлароқ сенга ақл-заковат деган неъмат шуни билиш учун ва келажакда ҳақиқатан ҳам бетакрор эканлигингни намоён этиш учун берилган. Сен ҳозирча ўзингнинг кимлигингни билишни истамаслигинг, бу тўғрида бош қотирмаслигинг мумкин, албатта. Бу сенинг ихтиёрингда. Лекин гап шундаки, ўзини кимлигини билмаганлар азал-азалдан ўзини билганларнинг хизматини қилиш ёки уларга тақлид этишдан бошқа ишга ярамаган, ўзининг эмас, бошқаларнинг ақли билан ҳаёт кечиришган ва охироқибат бундай одамларнинг дунёга келгани ҳам, кетгани ҳам ҳеч кимни қизиқтиргмаган. Сенинг ҳаётинг ҳам шундай кечишига рози бўлар-мидинг?

Шу вақтгача қоққан қозиқдай турған бұлсам, бу гаплардан кейин «қоққан қозиқ» ерга, бошим эса елкам ичига кириб кетди, десам ҳам бўлади.

— Бу ҳол сени қониқтирадими? — яна сўради робот.

Бошимни «қоқилган ердан» чиқарип секин унга қарадим. У ҳамон мендан кўзини узмай, жавоб кутарди.

— Бундай ҳаёт сени қониқтирадими?

Индамасам у эрталабгача шу саволни такрорлайверадигандек тујолди. Мен «йўқ» деган маънода бошимни аста ирғатиб қўйдим.

— Майли, ўйлаб кўр, кимдир келаяпти..., хоҳласанг кейин гаплашамиз, — деб унинг чақнок кўзлари учиб, қўғирчоқларникидай нурсиз қотиб қолди.

Ҳақиқатан ҳам, бир дақиқа ўттар-ўтмас хонага дўстим кириб келди. У ҳойнаҳой менинг юз-кўзимда, одатда, менга хос бўлмаган қандайдир аломатларни пайқади шекилли, чунки ҳол-аҳвол сўрашганимиздан кейин, менга кўз қири билан бир муддат тикилиб қараб:

— Тинчликми? — деб сўради.

Мен беихтиёр рўпарамдаги бурчақда турған роботга қараб:

— Ҳа, ҳа, ҳаммаси жойида, — деб минғиллаб қўйдим.

Гапимиз ҳеч қовушмади. Тўғрисини айтсам, нима учун келганлигим эсимдан чиқди. Шунчаки хайрлашиб кетаверишим дўстимда руҳий аҳволим тўғрисида шубҳа түғдириши аниқ эди. Бироқ, қанчалик тиришмайин, биронта тутуриқли гап тополмадим. Ниҳоят бор журъатимни йиғиб:

— У, анақа..., бизни эшитмаяптими? — деб, роботга ишора қилдим.

Дўстим менга худди «қовун тушириб қўйган» биринчи синф боласига қарагандай нигоҳ ташлаб:

— Эсинг жойидами, бу бор-йўғи электрон ускуна-ку, эшитмаяптими деганинг нимаси?! — деди ажабланиб. Қолаверса, бу шунчаки экспериментал нусха, ҳали тайёр эмас. У Шароф Бошбековнинг роботидай* бўлиши учун ҳали анча вақт керак. Нимага сўрайapsan ўзи?

Мен ноилож тутлиқиб торгиниб робот билан «бир-икки арзимас гапларни» гаплашганимизни ва унга шунчаки қизиқиб қолганлигими ни айтишга мажбур бўлдим ва онда-сонда келиб, робот билан сұхбатлашиб турсам бўладими? — деб сўрадим.

У менга узоқ тикилиб, ўйланиб қолди, кейин: — Майли, техника ишқибози, мен ҳар куни соат учдан тўртгача лабораторияда бўламан, бекор вақтинг кўп бўлса келиб гаплашавер, лекин роботга ва бошқа ускуналарга қўл теккизма, хўпми? — деб ўрнидан турди.

* Бу ерда Ш. Бошбековнинг «Темир хотин» асарига ишора қилинган.

Анча енгил тортдим. Дүстим билан илиқ хайрлашиб, «зёр йигитсан-да!» деб, елкасига бир уриб, хонадан чиқиб кетдим.

БИЛИМИ БОР, АҚЛИ ЙҮҚ

Үйга келганимдан кейин ҳам, әртаси куни ишхонада ҳам робот-нинг гаплари хаёлимдан нари кетмади. Ўйлаб, ўйимга ета олмадим, машмаша ва ҳангомаларга тұла, лекин туваклари йүқ өзгіліктердегі үшшаб беҳуда айланып-түштік түрлерге қарастырылғанда нимадир үзгарды ва бу үзгариш құпоп даңғалчы роботнинг мен ҳазм қила олмаган гаплари билан боғлиқ зор. Ҳазм қилинмаган нарса азоб беришими эса ошқозоним үргаттан.

Орадан бир ҳафта үтди. Нихоят бир амаллаб, алламбало баҳоналар қилиб ишхонадан қочдым да «йүлга чиқдим» деб дүстимга құнғириқ қилиб роппа-роса соат учда унинг ишхонасига кириб бордим.

Котиба қызы мени қүриши билан, «хабарим бор» дегандек үрнидан туриб хонани очиб берди да мен ичкарига кириб, эшикни ёпиб, бир курсини олдым-да, роботнинг рүпарасига ўтириб олдым. Хона жим-жит, фақат девор соатининг чиққиляши эшитилади, холос.

— Мен келдим! — дедим, ёрини интизор қилиб қўйган ошиқ оҳангизда. Роботнинг кўзларига жон кирди да атрофга аланглаб, хонада мендан бошқа ҳеч ким йўқлигини қўриб, менга тикилиб қолди.

— **Мен роботман, сен кимсан?** — деди робот.

Ия, бу қанақаси бўлди?! Мен бу ярамаснинг гапларидан кечалари уйқум қочиб, ўзимни қўярга жой тополмай, суҳбатимизни давом эттиришни зориқиб кутиб юрсаму, бу бўлса мени танимади ҳам. Бирдан миямга бир фикр келдию, ўз лапашанглигимга ачиниб кетдим. Ахир бу робот дегани бор-йўғи бир жонсиз ускуна-ку, у худди магнитофонга үшшаб бир ёзувни такрорлайверади, холос. Мен бўлсам у билан суҳбат қурмоқчиман. Эҳ, каллаварам...

Шу пайт робот ўз саволини такрорлади:

— **Мен роботман, сен кимсан?**

Жаҳлим чиқиб кетди да роботга қараб бор овозим билан бақирдим:

— Менга қара зий, компьютер билан калькуляторнинг боласи! Сени онгли равишда фикр юргизадиган мўъжиза деб юрсам, сен бир лапарни қайта-қайта такрорлайверадиган оддий магнитофон экансан-ку. Мен бўлсам лаққа тушиб ўтирибман-а, туёғингни үрнида нима бўлса үшани шиққиллат! Тушундингми?! —деб сапчиб үрнимдан турдим.

— Шошмай тур, — деди робот, ўзининг ҳеч қандай ҳис-туйғуни акс эттирмайдиган, тоғарадан чиққан сасга үшшаган овози билан. Менинг операцион тизимимни тўлғазиши вақти максимум даражада

ўрнатилганилиги сабабли процессорим бирданига ишга тушиши қийин. Мен сени танидим. Сен билан 168 соат олдин гаплашган эдик. Хайрлашишдан олдин мен сенга: «Ўзини кимлигини билмаганлар азал-азалдан ўзини билганинг хизматини қилиш, ёки уларга тақлид этишдан бошқа ишга ярамаган, ўзининг эмас, бошқаларнинг ақли билан яшашган ва бундайлар дунёга келгани ҳам, кетгани ҳам ҳеч кимни қизиқтиргамаган. Бундай ҳол сени қониқтирадими?», – деб сўрадим. Сен эса «йўқ» деган манода бошингни сарак-сарак қилиб қўйдинг. Тўғрими?

«Операцион тизими» нималигини билмадиму, лекин унинг олдида ўзимни бироз нокулай сездим.

– Кечирасан, – дедим, курсига ўтириб, – Сени хафа қилиб қўйдим шекилли.

– **Мен хафа бўлишни билмайман, – деди робот, – чунки ҳеч қачон хато қилмайман.**

– Хато қилмайсан!?

– Ҳа.

– Сенинг ақдингга лол қолган эдим, ҳали нуқсонларим ҳам йўқ дегин?

– Йўқ, – деди робот, – сен мени нотўғри тушундинг. Мен бирорга бераётган маълумотларимда хато қилмайман. Қолаверса, ўзим ва ўз имкониятларим тўғрисида аниқ ахборотга эгаман, шунинг учун мени бирор танқид қилиши, камситиши ёки, аксинча, мақташида мени қизиқтириши мумкин бўлган ҳеч қандай янги маълумот бўлмайди. Ақлга келсак, менда умуман ақл йўқ, мен шунчаки жуда кўп маълумот ва жуда кўп ахборотга эгаман. Сенда эса ақл бор, лекин ахборот ва маълумот жуда оз.

– Ана холос, – дедим «а» ҳарфида дудукланиб, – Ўтган сафар «Сен кимсан?» деб адои тамом қилгандинг, энди бўлса менда ақл бору, ахборот ва маълумот озлигини қаердан била қолдинг?

Робот одатдагидек лўнда-лўнда қилиб гапира бошлади:

– Биринчи марта, «Сен кимсан?» деб сўраганимда, «одамман» деб жавоб бердинг, одамларнинг кўпчилигида эса ақл бор. Шунинг учун, «сенда ақл бор» деганимда, мен фақат сени эмас, одам зотини назарда тутиб айтдим. Сенда жуда оз ахборот ва оз маълумот бор деб эса «Сен кимсан?» деган саволимга жавоб бера олмаганинг учун айтдим.

– Майли, – дедим, бироз энсам қотиб, – агар сен айтганингдек шунча кўп нарса билсанг менинг кимлигимни ўзинг айтиб қўяқол!

– Мен буни билмайман, – деди робот.

Робот билан илк бор гаплашганимиздан буён миямдаги барча фикрлар алғов-далғов бўлиб кетган бўлса, энди калламда ҳеч вақо қолмаганилигини кўзгуда кўргандай кўрдим. Бу иблис мени калака

қилаяптими ёки мен ҳақиқатан ҳам ҳеч балони билмайманми? Ундаи десам, олий маълумотли мутахассисман, озми-кўпми ҳаётий тажрибага эгаман. Бу бўлса ўзи билмаган нарсани мендан сўраб, мени аҳмоққа чиқарип ўтириби...

Шу тарзда ўйлаб туриб, ўзимга ўзим аччиғим келди, кейин яна жаҳлим қўзғаб, ўзимни тутолмаганимдан қон босимим ошиб кетаёт-ганлигини ҳис қилдим. Жаҳлим чиққан пайтда худди шиширилаёт-ган шарга ўхшайман, ичимдагини тўкиб-сочмасам ёрилишим аниқ.

— Менга қара, темир қўғирчоқ, — дедим зарда билан. Билмас экансан, унда нега нуқул «сен кимсан, сен кимсан» деб менга ёпишиб олдинг?! Сенга нима керак ўзи?!

— Менга ҳеч нарса керак эмас, — жавоб берди робот. — Сенга ёпишиб олганим ҳам йўқ. Ўтган сафар ўзинг биринчи бўлиб менга салом бердинг. Мен сени суҳбатга тортганим йўқ. «Сен кимсан?» деб сўраганим эса, ҳақиқатдан ҳам кимлигингни билмоқчи эдим, холос. Гаплашиш учун, ким билан мулоқот қилаётганимни аниқлашим керак-ку.

Бунга эътиroz билдириш қийин эди. Хатоимни тушуниб ўзимни босишга уриндим, лекин танамда мадорим қолмади ҳисоб. Чунки робот билан бўлаётган даҳанаки жангимиз мен учун яна нокаут билан тугаган эди. Устимда ўнгача санайдиган рефери бўлмаса ҳам эсимни йиғиб олишга ҳаракат қилдим. Шамол айланиб юрган калламда битта, кичкинагина, зўрга нафас олаётган фикр пайдо бўлди: «Агар бу одам шаклидаги консерва банкаси щунча кўп нарса билса, — ўйлардим мен, — демак ундан ўзи менга берган саволларга жавоб ҳам топа олишим мумкин-ку». Вазиятни юмшатиш учун гапни узоқроқдан бошладим.

— Сен... ҳақсан. Кел, энди ўтган ишга саловот, мен сендан ҳечам хафа эмасман. Ҳўп десанг, иккаламиз дўст бўламиш.

— Сен билан дўстлаша олмайман, — деди робот.

— Нега?!

— Чунки кимлигингни билмайман.

— Ҳой, ноинсоф, яна ўша гапми?! Агар мен ўзимнинг кимлигими билмасам, кел, буни биргаликда аниқлайлик!

— Қанақасига?

— Ахир ўзинг айтдинку: «Менда ахборот, маълумот кўп, сенда эса ақл бор», деб, тўғрими?

— Тўғри.

— Демак, иккаламиз биргаликда барча саволларга жавоб топишимиз мумкин бўлади.

— Розиман, — деди робот, — бунинг учун мен нима қилишим керак?

— Ҳа, бу бошқа гап, — дедим топқырлигимга хурсанд бўлиб. — Хўп дессанг, энди мен савол бераман, сен жавоб берасан, келишдикми?

— Келишдик, — деди робот, — лекин сенга, яъни бизга, керак бўладиган маълумотларнинг барчаси ҳам менда бўлмаслиги мумкин.

— Э-э-э, йў-ў-ўқ, — хушомад қилдим мен роботга, — менимча сен ҳамма нарсани биласан.

— Биринчидан, — деди робот, — бизга керакли бўлган маълумотларнинг барчасини дунёда ҳеч бир компютер ёки робот ўзига сифдира олмайди, уларни фақат китоблардан топиш мумкин. Иккинчидан, сен билан бир-бирилизни тўғри тушунишимиз учун ҳар бир сўзингни шошмасдан, ўйлаб гапиришингга тўғри келади.

— Керак бўлса, — дедим мен, роботнинг гапини бўлиб, — зарур китобларни топиб, қунт билан ўқишга тайёрман, бунга гап бўлиши мумкин эмас. Лекин «ўйлаб гапир» деганинг нимаси, сенга ёқмайдиган сўз айтмадим шекилли?

— Учинчидан, — давом этди робот, — эшитган ҳар бир сўзинг шошмасдан мағзини чақишига ҳаракат қилишини ва вақтни беҳуда сарфламасликни истасанг, гапни бўлмасликка одатланишингга тўғри келади. Қолаверса, менга «ёқадиган» ёки «ёқмайдиган» гап йўқлигини сенга айтиб ўтдим. «Ўйлаб гапир» деганда эса мен ҳозиргина сен ишлатган «ҳамма нарсани биласан» деган иборани назарда тутяпман. Гап шундаки, мен ҳеч нарсани билмайман, «билади» деб фақат одам тўғрисида айтиш мумкин, у ҳам бўлса ҳамма одамларга нисбатан эмас. Масалан, сен нимани биласан?

Робот яна жигимга тега бошлади шекилли, хато қилмайман деб:

— Арифметикани биламан! — дедим.

— Жуда яхши, ундан йўқ бўлса энг катта сонни айт-чи?

— Буни ҳар бир мактаб боласи билади, — дедим мен, «рақибимни» мот қилишига имкон пайдо бўлганлигига сал кайфиятим кўтарилиб, — энг катта сон бу миллион, триллион, бицилион ва ҳоказо.

— Йўқ, — деди робот, — энг катта сон — бу тўққиз, тўққиздан катта сон йўқ, ундан кейин Ал-Хоразмий кашф қилган «ноль» келади, ҳолос. Яна нимани биласан?

Мен жимиб қолдим. Робот ҳам «одамгарчилик» юзасидан бироз сукут сақлаб туриб, гапини давом эттириди:

— Менимча, сен ҳатто ўз она тилингни ҳам «биламан» деб айта олмайсан, чунки сен ўзбек тилида гапиришни биласан, ҳолос. Ўзбек тилидаги барча сўзларни ва уларнинг маъносини билсангнина бу тилини биламан, деб айтишинг мумкин. Қолаверса, масаланинг иккинчи томони ҳам бор, «билиш» сўзи бир жиҳатдан «иш-бил», «билиш» деган маънони англатади. Яъни «билиш» сўзи қуруқ сас, товуш эмас, балки маълум бир ишни, ҳаракатни назарда тутади. Масалан,

сен ўз соғлигинг учун нима фойдалию, нима заарали эканлигини биласанми?

— Бил...сам... керак, — деб, тилим дарров тишларим ортига бекиниб олди.

— Тўғри, — деди робот, — сен буни биламан, деб ҳисоблайсан, аслида эса заарали одатларга берилиш, кўп овқат ейиш, кам ҳаракат қилиш соғлиққа зиён етказиши тўғрисида шунчаки эшитгансан холос, аммо қандай зиён етказишини аниқ билмайсан. Лекин, тўғриси ни айтганда буни билишнинг ўзи кифоя килмайди, энг қийини соғлиқ сенга нимага кераклигини билишда. Буни билганлар эса ичкилик ёки кашандаликка берилмайди, нафсини тияди, ялқовлик ва ҳузур қилишга ўч бўлган танасининг бекор қолишига йўл қўймайди. Аслида ҳамма бало одам зоти «икки жаҳон оввораси» бўлганлигида. Унинг талаб-истакларга тўла кўнгли бор ва эҳтиёжларга тўла танаси бор. Бироқ одам кўпинча, уларни бир-биридан ажратишни, яъни истак ва эҳтиёжнинг фарқини билмай қолади. Масалан, одатда, оила эҳтиёжлари унчалик кўп бўлмайди, уларни қондириш ҳам қийин эмас. Лекин сенинг ва оила аъзоларинг истакларини қондиришга бугун топаётган пулингдан ўн баробар кўп маблағ ҳам етмайди.

Умуман олганда, ўзини кимлигини билгандан кейингина одам зоти бирор нарсани «биламан» деб айтишта қодир бўла олади. Таажжубки, одамникiday ақд-заковоти бўлмаган жонзотларнинг барчаси ўзини кимлигини яхши билишади. Масалан, бўрининг ташқи кўриниши итдан фарқ қилмаса ҳам у ҳеч қачон қўлга ўрганмайди, чунки у ўзининг бўрилигини билади, яъни фақат ўз табиати, танасининг талаби билан яшайди.

Одам зоти учун эса, нимагадир ўзини билиш жуда қийин кечади, ҳолбуки бу иш ҳеч ҳам қийин эмас. Масалан, эркак ўзининг эркаклигини билсагина аёл ва қиз болани камситиш ёки хўрлашдан, унга зарар етказишдан номус қиласди.

— Тўхта, — дедим мен роботга, сен айтиётган гапларни англаб олишга ултурмаяпман. Сенингча, мен «биламан» деб ҳисоблайдиган билимларимга амал қилсангина, уларни ҳақиқатан ҳам билган бўламан, шундайми?

— Шундай бўлса керак, — деди робот, — сен ҳозиргина айтган сўзлар мендаги маълумотлар орасида йўқ, лекин борлари сенинг фикрингни тасдиқлайди.

— Масалан?

— Масалан: «Ўз билимига амал қилмаган одам, устига ақлли китоблар юкланган эшакка ўхшайди»¹ ёки «Икки киши дунёдан ҳасрат

¹ Ўзбек халқ матали.

билин ўтди: бири – йиғди, емади, иккинчиси – билди, қилмади¹ ва ҳоказо.

Роботнинг бу гаплари бироз руҳимни кўтарди. Озгина, нинанинг кўзидаи бўлса-да, биздаям бор экан-ку акаси. Шу вақтгача ҳеч ким айтмаган фикрни айтиш ҳазилми сизга!

– Хўп, – дедим мен, – каминани ҳар бир гапни олдин ўйлаб, кейин гапиришга ўргатдим деб ҳисоблайвер, айниқса «билиман» деб энди ҳеч қачон бўлар-бўлмас, йўл-йўлакай айтмайдиган бўлдим. Энди асосий масалага қайтсан. Мен ўзимнинг кимлигимни билиш учун нима қилишим керак?

- Эҳтимол, ўрганишинг керакдир, – деди робот.
- Нимани?
- Ўзингни.
- Қандай қилиб?

– Кузатиб, ўйлаб, фикрлаб, хulosса қилиб. Мен, масалан ўйлаш, фикр юритиши ёки қандайдир маълумотлардан хulosса чиқаришга қодир эмасман, фақат кўп маълумотларни саралаб шулардан бирини танлашиб мумкин. Бундай ишни ҳатто оддий қарғалар ҳам қила олади. Сенда эса фикрлаш ва хulosса қилиш имконияти бор.

– Тахминан тушундим, – дедим мен, аслида ҳеч нарса тушунмаган бўлсам ҳам, – лекин нимадан бошлашим керак?

- Масалан, танангдан, – жавоб берди робот.
- Сени тушунмаяпман, – дедим мен, фикрларим тобора чалкашиб бораётганлигини сезиб.

Тушунтиришга ҳаракат қиласман, – деди робот ўзининг бефарқ, жонсиз овози билан. Айт-чи, шахсан сенинг танангдан бошқа ҳеч ким билан адаштиришга йўл қўймайдиган қандай белгилар бор, деб ҳисоблайсан?

- Танамдаги холларимми?
- Йўқ, шошилма, ўйлаб кўр.
- Бармоқ изларим, – дедим мен, детектив фильмларни эслаб.
- Тўғри, – деди робот, – бундан ташқари кўз қорачифинг, қонингдаги малекулалар тузилиши, тилингдаги чизиқлар, танангнинг ҳиди ва ниҳоят, бир идишдан олинган икки томчи сув ҳам бир-бирига ўхшамаганидек, сенинг феъл-атворинг ҳам бошқа ҳеч кимниги ўхшамайди. Шу вақтгача Ер юзида яшаб ўтган 107 миллиард одамларнинг биронтасида бу белги ва сифатлар сеникига ўхшамаган. Сенингча нимага шундай?

Узоқ ўйга ботдим, лекин роботнинг бу саволига нима деб жавоб беришни била олмадим. У ҳам мени қийин аҳволга тушганлигимни

¹ Сайфи Саройи – шоир, таржимон.

сезгандек, ўртамиздаги жимликни бузмади. Ниҳоят, хаёлимдан ўтган фикрларни бир амаллаб бирин-кетин тилимга чиқара бошладим:

— Бундан келиб чиқадики, сен айтган белгилар бўйича мен ҳеч кимга ўхшамайман, маълум жиҳатдан мен бетакрорман, дунёда якаю ягонаман... Ташқи кўринишим ҳам бошқа ҳеч кимниги ўхшамайди. Феъл-атворга келсак, шу ёшга кириб менинг кўнглимни ёки сўзларимни тўғри тушунгандан биронта «икки оёқли» топилмади. Демак, бу ерда қандайдир ҳикмат бўлса керак. Балки табиат одамларни бетакрор қилиб яратишидан ҳам бирон мақсад кўзлагандир? Нима дейсан?

— **Бесабаб ва тасодифан ҳеч нарса содир бўлмайди**, — деди робот, — **жонзотлар дунёсида эса бемақсад ҳеч бир ҳаракат қилинмайди**.

— Мени Табиат бетакрор қилиб яратишидан қандай мақсад кўзланган бўлиши мумкин?

— Бу саволга менда жавоб йўқ, — деди робот, — буни фақат одамнинг ўзигина билишга қодир.

— Ахир қандай қилиб? — дедим мен қизишиб, — ҳеч бўлмаганда бирон-бир йўл кўрсат!

— Ҳаракат қилиб кўраман, — деди робот. — Айтайлик, сен ўзингни Табиатга қандай алоқанг бор, деб ҳисоблайсан?

— Қандай алоқанг бор? — деганинг нимаси, маълум жиҳатдан мен Табиат фарзандиман, унинг бир қисмиман, десам ҳам бўлади (Табиатнинг гултожиман, дейишимга сал қолди).

— **Жуда яхши, демак Табиатнинг сени яратишдан кўзлаган мақсадини тушуниш учун ўзингни ўрганишинг, тушунишинг ва билишинг керак, холос.**

— Оббо, яна ўша гап... Ахир мен бир нарсани тушуна олмаяпман. Ўзимнинг нимамни ўрганаман? Ўзимни жуда яхши биламан-ку?

ТУХУМНИ ЧАҚМАСДАН ҚОВУРИБ БЎЛМАЙДИ

Робот «бип-бип» деб овоз чиқариб қўйди. Бироз кутиб турдим, лекин ундан ўзга садо чиқмади. Нима бало, учиб қолдимикин? Кўзлари ҳам назаримда бироз ғилайлашгандек. Бирдан гап нимадалигини тушундим.

«Биламан» деган сўзни ўйлаб гапиришга ваъда берганимдан буён пиёладаги чой совийдиган вақт ҳам ўтгани йўқ, устига-устак «ўзимни биламан» деб қўйибман...

— Бўпти-бўпти, — дедим мен роботга, кийимидағи йиртиқни яширишга уринаётган одамдек шошиб, — аслида ўзимнинг қайси томонларимни ўрганишим мумкин? — деб сўрамоқчи эдим, нимадан бошлашим керак?

- Масалан, муносабатдан, — деди күзлари жойига келган робот.
 - Қанақа муносабатдан?
 - **Үзингга бўлган муносабатингдан**, — деди у, — чунки «ҳамма гап муносабатда». Үзингга нисбатан қандай муносабатдасан?
 - Одам ўзига нисбатан қандай муносабатда бўлиши мумкин, — ҳайрон бўлдим мен, — албатта яхши муносабатда бўлади-да!
 - Менимча, — деди робот, — сенда бошқалар номидан гапириш хукуқи йўқ. Шунинг учун кел, бир бошдан ва шахсан сен тўғрингда гаплашайлик. Үзингга бўлган муносабатингни эса ташки кўринишингдан бошлаймиз. Сен ўз ташки кўринишингга қандай муносабатдасан?
 - Биласанми, — дедим мен ўйланиб, — ташки кўриниш масаласи... бироз нозик масала...
 - Нимаси нозик?
 - Нима десам экан, — деб чайнала бошладим мен, — ҳамма одамлар чиройли ва қадди-қомати келишган бўлишни исташади (яна бошқалар номидан гапирдим шекилли), лекин...
 - Нима лекин? — сўради, бу сафар хатоимни кечирган олийжаноб робот.
 - Лекин, ҳамма ҳам бундай бўла олмайди.
 - Сен яна ҳамманинг номидан гапира бошладинг, — деди қитмир ва номига олийжаноблик қилган робот, — сен ўз ташки кўринишингга қандай муносабатдасан, ўзингни чиройли ва қадди-қомати келишган деб ҳисоблайсанми?
 - Унчалик эмас, — дедим камтаринлик билан.
 - Нима унчалик эмас?
 - Нима, нима!.. Масалан, бўй-бастим унчалик эмас!
 - Бўйи-бастинг «унчалик» эмас экан, «қанчалик» бўлса рози бўлардинг?
 - Масалан, 180–185 сантиметрлар атрофида бўлса.
 - Сен бу рақамларни қаердан олдинг? — сўради робот.
 - Қаердан бўларди, аёлларга шундай бўйли эркаклар ёқади.
 - Буни сенга аёллар айтганми?
 - Йўғе, ўзим бил..., — дедим-у, суксиз тилимни тишлиб олдим, — яъни кўпчилик шундай ҳисоблайди, демоқчиман.
- Робот савол беришдан чарчамади. Мен ҳам бўш келмасдан бу тегмир қутига одамлар ўртасида ташки кўриниш масаласида маълум бир талаблар борлигини, маълум «эталонлар», яъни андозалар ўрнатилганини тушунтиридим. Айниқса, аёллар қадди-қомати келишганлигининг эталони, намунаси бўлган «90 x 60 x 90» деган ўлчов борлигини тушунтиришда алоҳида жонбозлик кўрсатдим. Робот эса менинг гўзалик тўғрисидаги илмий асосланган «маърузамни» охиригача тинглаб, яна ўзининг бу масаладаги гўллигини намоён қила бошлади.

- Бундай эталонларни, яъни андозаларни ким ўрнатган?
- Одамлар, — жавоб бердим мен дадиллик билан.
- Сенга бундай эталонлар ўрнатылғанлыги ёқадими?
- Йүқ.
- Нега?
- Чунки мен бу эталонлар талабларига унчалик тұгри келмайман.
- Демак, — деди әзма робот, — бошқалар ўрнатган эталонлар сенга ёқмайды, лекин шунга қарамасдан уларға тұгри келмаганлигиндең азият чекасан, қийналасан. **Бошқача қилиб айтганда, сен ўз «эталонларинг»** эга бўлишдан кўра, нотўғрилигига қарамасдан, бошқалар томонидан маъқулланган тайёр эталонларга мос келишга ва уларга амал қилиб яшашга интиласан, шундайми?

Робот узоқ гапирди.

Назаримда у менинг болалик ва ёшлиқ давримни худди кино экранида кўриб турғандек эди. Мактабда ўқиб юрган пайтларим бақувват ўспириналарга ҳавас қилғанларим, бўйим тезроқ ўссин, деб худди ошқовоқдек токнинг зангиға қўлларимда мадор қолмагунича осилиб турғанларим, яширинча ҳар куни бўйимни ўлчаганларим, ҳадеб сочимни ҳўллаб тараганларим ва ҳар сафар кўзгуга қараганимда қошу қовоғим, картошкага ўхшаган бурним, ҳабашларникдай бўртиб чиққан лабларим, ҳатто бечора шалпанг кулоқларимдан ҳам ўпкалаб, жигибирион бўлғанларим, бари, худди кекагидай кўз олдимдан ўтди. Роботнинг фикрича, ота-онамдан бошлаб атрофимдаги қариндошларим ва тенгдошларим ҳам ташқи кўринишим билан боғлиқ изтиробларим кучайишига салмоқли ҳисса қўшишган экан.

— Хуллас, — якун ясади робот, — ҳозир ҳам сени ўз ташқи кўринишинг қониқтиrmайди. Бошқача қилиб айтганда, ўз ташқи кўринишингга бўлган муносабатинг сени қувонтирадиган даражада эмас, шундайми?

— Ҳа, — дедим мен, зўрга товуш чиқариб.

— Ундей бўлса, — деди жонсиз сухбатдошим, — энди ўз ҳаётингга, турмушингта бўлган муносабатинг тўғрисида ўйлаб кўр. У сенга ёқадими, ундан мамнунмисан, ўзингни «баҳтли одам», деб ҳисоблайсанми?

— Худога шукур, — дедим мен бироз қаддимни ростлаб, — ҳеч кимдан кам жойим йўқ. Эл орасида ўзимга яраша обрў-эътиборим бор. Ўзимни баҳтлиман деб айта олмайману, аммо... ҳаётим ёмон дейишга ҳам асосим йўқ.

— Сенинг баҳтинг — бошқалардан кам бўлмасликда, «ўзингта яраша» обрў-эътиборга эга бўлишда, деб ўйлайсанми?

— Йўқ, — дедим мен бироз ўйланиб, — лекин ўз тенгқурларинг орасида «тенг» бўлиб юриш одам учун жуда муҳим, айниқса эркак

учун. «Қаторда норинг бўлсин...» деган гап бор. Қолаверса, бошқалардан кам бўлсанг, сени ҳеч ким тан олмайди.

Робот кўзларини юмиб, бир дақиқа бошини этиб турди, кейин бирдан сўради:

— Сен фақат ўзингдан кам бўлмаганларни тан оласанми?

— Йўғ-е, — дедим беихтиёр.

— Унда нимага бошқалардан кам бўлсанг, сени ҳеч ким тан олмайди, деб ҳисоблайсан?

Роботнинг саволига қандай жавоб беришни била олмай бошим қотиб қолди. Бу «палакат» ўз саволлари билан мени яна бурчакка тиқиб қўйди. Бу «бурчакдан» бир амаллаб чиқиш учун миямга биринчи бўлиб келган гапларни айти бошладим:

— Сен одам бўлсанг, мени тушунган бўлардинг..., — деб гап бошладиму, негадир машхур фильмдаги Иван Васильевичнинг «Одамга ўхшаб гапирсанг тушунаман-да...» деган сўзлари эсимга тушиб ортга чекиндим ва гапни бошқа томонга бураман, деб баттар чалғидим: — Ишқилиб, мен ўзимни бирордан баланд ҳам, паст деб ҳам ҳисобламайман, ҳаётим эса яхшиям, ёмон ҳам эмас, демоқчи эдим, холос.

— Бундан келиб чиқади-ки, сен ўзингни ўртача одам деб ҳисоблайсан, шундайми?

— Шундай деса ҳам бўлади, — жавоб бердим мен.

— Яъни, — деди робот, — бошқалардан деярли фарқим йўқ, демоқчисан, тўғрими?

Роботнинг бу саволини эшитиб, у билан бўлган биринчи сұхбатимиз эсимга тушди. Ўйлаб қарасам, шунча гапдан кейин ҳам биз деярли бир қадам ҳам олдинга силжимадик. Яна ўша гап, бошқалардан нима фарқинг бор, яъни *кимсан ўзи?* деган саволга жавоб йўқ эди. Бузоқ айланниб, сомонхонага қайтиб келди...

Робот мени ухлаб қолмаганлигимга амин бўлиш учун саволини такрорлади:

— Демак, сен бошқалардан фарқим йўқ демоқчисан, шундайми?

Мен бошимни иргаб қўйдим, чунки, кўпинча, фикримдан олдинроқда чопиб юрадиган тилим бу сафар айланмай қолди.

Роботнинг эса яна чакаги очилди:

— Сенга ўз ташқи кўринишинг унчалик ёқмайди. Турмушингдан, ҳаётингдан ва умуман ўзингдан мамнун эканлигинг сезилмайди, яъни мактаб тилида айтганда ўзингга «5» баҳо қўёлмайсан. Донолар фикрича «Модомики, ўзингни аввало ўзинг баланд баҳоламас экансан, дунё ҳам сен учун юқорироқ нарх қўймайди». Руҳшунослар эса «Одам ўзига нисбатан қандай муносабатда бўлса, бошқаларга ҳам худди шундай муносабатда бўлади», деб ҳисоблашади.

Бу гап менга нимагадир оғир ботгандек бўлди ва мен осилган бошимни жўжакхўроздай кўтариб, дўқ қилиб қўйдим:

— Бу билан нима демоқчисан?

— Айтганимдан бошқа ҳеч нарса демоқчи эмасман, — деди робот. Менда одамларга ўхшаб «гапнинг тагига гап қўйиб» сўзлаш қобилияти йўқ. Бундай қобилият бўлиши учун сўзнинг ўзидан ҳам муҳимроқ ва ишончлироқ нарса, яъни оҳанг билан гапиришини ўрганишим керак. Биз сен билан «муносабат» тўғрисида гап бошладик, шунинг учун бу масаладаги руҳшунослар фикри сенга ёрдам бериши мумкин, деб айтдим, холос.

«Жўжакхўрознинг боши» ўзининг одатдаги жойига қайтиб ўрнашиб олди. Руҳшунослар фикри нима учун менга ёқмаганлигини уччалик англаб етмадим, лекин муносабат мавзусини аниқроқ тушиниб олишга ўзимда бир интилиш, қизиқиш сездим. Ноқулай вазиятни бир дақиқа сукут билан юмшатиб, роботдан суҳбатимизни тўхтаган жойидан давом эттиришини илтимос қилдим. У менга яна савол берди:

— Ўзингта ва ўз ҳаётингта нисбатан бўлган муносабатингни айтайлик, аниқлаб олдик. Энди ўйлаб кўр, бошқаларга, атрофингдаги таниш ва нотаниш одамларга қандай муносабатдасан?

Бу саволга жавоб бериш мен учун ҳечам қийин эмас эди ва мен роботга ҳасрат дафтаримни дастурхон қилиб бор гапни тўкиб-соҷдим. Мен бошқаларга қандай муносабатда бўлардим... Яхшига — яхшиман, ёмонга — ёмон. Афсуски, ёмонлар кўтпайиб кетган. Яхшиликни биладиган одам деярли қолмади. Тирикчилик осон иш эмас, устига-устак бугун одамларнинг аксарияти фақат ўзини ўйлайди, «ўзим бўлай, менга бўлсин» дейди. Ёлғончилик, алдамчилик, молпарастлик, ҳасадгўйлик... Ука акани ҳурмат қилмайди, фарзанд — отани. Қариндошларнинг бир-бирига меҳри йўқ, «йўқ бўлса беролмайди, бор бўлса кўролмайди». Уйда тинчлик, ҳузур-ҳаловат нималигини билмайсан, ва ҳоказо, ҳоказо...

Булар тўғрисида кўйиниб, қизишиб, энг янги «теша тегмаган» мисоллар келтириб бўлганимдан кейин, робот менга бир ривоят айтиб берди:

— *Кишилоқ чеккасида ўсиб турган катта чинор тагида бир мўйса-фид ўтирган экан. Йўлдан ўтиб бораётган одам унга мурожаат қилибди:*

— *Ота, мен бир мусоффирман, жуда узоқдан келяпман, агар тўғри келса, мана шу қишилоқда яшамоқчиман, қишлоғингизда яшайдиганлар қандай одамлар?*

Чол ҳам жавоб ўрнига мусоффирга савол берибди:

- Сен түгилиб ўсган қишлоқда қандай одамлар яшайды?
- Менинг қишлоғимда ёмон одамлар яшайды, — жавоб берібди йүловчи, — уларнинг күпчилиги ақلسиз, виждонсиз, манман, гийбатчи, ёлғончи ва ҳасадгүй. Шунинг учун қишлоғимдан кетдим.
- Бизнинг қишлоғимизда ҳам худди шундай одамлар яшайды, — дебди қария.

Буни эшиңган йүловчи ўз йүлидан кетавериди.

Бирордан кейин узоқдан яна бир йүловчи күринибди, у ҳам чолга яқинлашганидан кейин:

- Ота, мен шу қишлоқда яшамоқчи әдим, қишлоғингиздагилар қандай одамлар? — деб сүрабди.

Сен яшаган жойнинг одамлари қандай? — сүрабди ундан чол.

Йүловчи унга:

- Қишлоғимизда яхши одамлар яшайды, меҳр-оқибатли, ҳалол ва меҳнатсевар одамлар, — деб жавоб берібди йүловчи.

- Ундаи бўлса, — дебди қария, — бизнинг қишлоғимизда ҳам худди шундай одамлар яшайди.

Йүловчи чолга миннатдорчилик билдириб, қишлоқ томонга йўл олибди.

Назаримда робот бу ривоятни айтиб бериб, юзимга бир шапалок туширгандек бўлди. Лекин қайси гап одамнинг кўнглига қандай тегишини билмайдиган бефаҳм робот худди ҳеч нарса бўлмагандек, тўнғиллаб қўйди:

- Бу ривоятдан қандай хulosса чиқариш мумкин, деб ўйлайсан?
- Ўйлаб кўришим керак, — дедим зарда билан. Қолаверса, бир сонияда миллионлаб маълумотларни саралаб чиқадиган компьютер эмасман, кўнглим оғриганида эса умуман каллам ишламай қолади. Сен билан сұхбатлашиш мен учун осон эмас, дангал айтилган гапларинг ичак-чавогимни ағдариб ташлаяпти.

- Тухумни чақмасдан қовуриб бўлмайди¹, — деди сурбет темир ва худди мутлақо беозор гап айтгандек қилиб, пинагини ҳам бузмасдан ривоятдан қандай хulosса чиқарганимни яна сўради.

Нима деб жавоб беришни ўйлаб, жим бўлиб қолдим. Аслида эса ривоятнинг маъноси ойдек равшан эди. Гап ҳечам атрофдаги одамларда, уларнинг феъл-автори, юриш-туриши, одатлари ва қиласиган ишларида эмас, балки сен уларга қандай кўз билан қарашингда. Лекин қандай қилиб.., қандай қилиб... менинг чин дилдан бўлган ишончимдан фойдаланиб алдаган ёки яхшиликларим эвазига «юзимга оёқ қўйган» ёки мендан зигирча ёмонлик кўрмаса ҳам кўнглимни бир

¹ Наполеон Бонапарт (1769–1821) – француз давлат арбоби ва саркардаси.

Умр эсдан чиқмайдиган даражада оғритган ёки бугун ҳам оғритиб келаётган одамларга, қандай қилиб бошқача назар билан қарашиб мүмкінлиги менинг ақтимга ҳеч сиғмаётган эди.

Бироқ роботнинг саволига жавоб бериш керак эди ва мен ўзимга ҳам айтишни истамаган гапни айтдим:

- Ўзинг қандай бўлсанг, худди шундай одамлар сенга йўлдош бўлади.
- Тўғри.., лекин соат тўрт бўлди, – деди робот ва кўзларининг нури секин пасайиб, ўчиб қолди.

Хайрлашмадиам, беодоб, деган хаёл билан хонадан чиқиб кетдим.

ДАҲОЛАР СИРИ

Орадан икки ҳафтача вақт ўтди. Бироз паришонхотир бўлиб қолибман, шекилли. Ишхонадагилар, таниш-билиш ва уйдагилар ҳам менга одатдагидан узокроқ тикилиб қараётганликларини сездим.

Ҳамкасбларим бир-икки марта исмимни айтиб қулоғимга бақиришди, чунки ёнгинамда туриб ҷақиришса ҳам эшиитмабман. Пиёла четда қолиб, чойни шакар турган идишга қўйибман. Ва ниҳоят кўчада кетаётib, йўлакнинг қоқ ўртасида туриб қолганимда, одамлар менга худди ёз пайти ясалган арчани кўргандек, кулимсираб қараб ўтаётганликларини сезиб, ўзимни кўлга олишга қарор қилдим.

Робот билан бўлиб ўтган сұҳбатларимиз мавзуси тўғрисида бирордан маслаҳат сўраш фикридан аллақаҷон қайтган эдим. Чунки хотинимдан «Сен кимсан?», – деб сўраганимда у нимагадир хўнграб йиф-лаб юборди. Ёшлиқдан бирга ўсган оғайним: – Сенга ёрдам бераман, «психоневродиспансер»да ишлайдиган танишим бор, – деб масхара қилди. Кўшним кўлига белкурак олиб кетимдан югорди.

Ишқилиб, якшанба куни улфатларимнинг навбатдаги зиёфатидан ҳам воз кечиб, ёлгиз қолсам ўйлашга ҳеч ким ҳалақит бермайди, деб, балиқ овини баҳона қилдим-да, қўлимга қармоқларни олиб, шаҳардан четга чиқиб кетдим.

* * *

...Ҳақиқатан ҳам менинг ҳаётим, қундалик турмушим қандай? Бундай савол илгари ҳеч қачон миямга келмаган экан. **Эсимни танибманки, доим ниманидир кутиб яшайман**: мактабга боришни интиқиб кутдим, кейин ўқиши тезроқ тамом бўлишини. Институтга киришни орзу қилиб яшадим, кейин қачон қўлимга диплом тегар экан, деб шошилдим. Ишга кирганимдан кейин эса нуқул маошни кутадиган бўлдим. Уйланишим «тарихи» худди тушдагидек... гўёки кўзимни юмиб очдиму, қарасам, оиласи бўлиб қолибман. Кейин фарзандлар туғилди, беташвиш ўтадиган куним қолмади ҳисоб. Энди улар тезроқ

кatta бўлишларини кутяпман. Робот айтганидек, доим қаергадир ва нимагадир шошиб яшадим. Шу вақтгача яшаган умрим гўё бир зумда ўтиб кетгандек...

Сувга қармоқ ташлаб, ўрнашиб олдим ва атрофимга диққат билан назар солдим. Қишлоқ далаларининг кўм-кўк манзараси ва осмондаги оппоқ булутлардан узоқ вақтгача кўзимни уза олмай қолдим.

Табиат ҳаёти менинг ҳаётимнинг мутлақо акси, у умуман шошмайди, ўз ишини бир маромда, тинимсиз ва ҳеч куч ишлатмасдан бажаради. У барча жонзотлар устидан ҳукмронлик қилади, лекин бу қудратли ва чексиз ҳукмронлик жонзотларга ҳечам оғирлик қилмайди, чунки у ҳар бир тирик жонга эркинлик бериб қўйган.

Оёғим тагида оқаётган ариқ тўлқинлари енгил шабададан жилвалиниб турибди. Сувдан эса майин эпкин урилади.

Тўсатдан, мавжлар орасидан бир қурбақа сакраб чиқиб, сув юзасида қалқиб турган қамиш устига ўтириб олди. Тўғриси, қурбақалардан ижирғанаман, лекин бу сафар «кутилмаган меҳмонни» қувиб юбориш ўрнига, диққат билан кузата бошладим... Нақадар ёқимсиз башара. Бўртиб чиққан кўзлар, бутун танаси худди йиринг босган ярачалар билан қоплангандек. Шундай бадбашара маҳлуқдан ҳам авлод қолиши, унинг ҳам ўз «оиласи» бўлиши, у ҳам кимнидир яхши кўриши ёки ёқтирмаслиги мумкин, деган фикрлар хаёлимдан ўта бошлади. Тасаввур қилишга жуда ишқибоз бўлган ақлим бу сафар ҳам ҳаёлимни олиб қочди.

Курбақа ҳозир сувга шўнғиб «үйига» кетади, йўл-йўлакай танишини учратади, ҳол-аҳвол сўрашишади ва менинг танишим бўлган қурбақа иккинчисига шундай дейди:

— Шу десангиз, сув юзасига чиққан эдим, бир одамни кўрдим. Уларни биласиз-ку, шунақсанги хунук, танаси арчилик бодрингдек сипсиллик, афтига қарасанг кўнглинг айнийди.

— Ҳа-а-а, — дейди иккинчи қурбақа, — дунёда турли маҳлуқотлар жуда кўп, одам эса энг антиқаси, сувда ҳам яшай олмайди, сувсиз ҳам; икки орқа оёғида юради, кечаси ухлайди, кундузи қилган ҳаракатларини эса тушуниб бўлмайди, оёқ босмайдиган жойи йўқ. Бошқа жониворларга ўшаб қадамини қаерга қўяётганини ўйлаб ҳам ўтирамайди, улар нуқуł қурбақаларни босиб кетишади.

— Нимасини айтасиз, — дейди мени кўрган қурбақа, — бизнинг бувамизни ҳам одам босиб кетган экан, бечорани асфальтдан зўрга қирғичлаб олиб дағи қилган эканлар. Лекин бувамнинг ёшиям анчага бориб қолган эди, сал кам етти иш яшаганлар.

Шу пайт уларнинг ёнгинасидан ёшгина, кўҳликкина, ихчамгина шим кийиб олган, уяли телефонда гаплашиб бораётган қурбақача

түпни лойқалатиб оҳиста сузаб ўтиб кетади. Иккала қурбақа ҳам гаплашаётган гапларини унутиб, унинг кетидан қараб қолишади.

— Йўғ-еў! — дейди, нихоят ўзига келган иккинчи қурбақа, — етти йил умр кўриш ҳар кимга ҳам насиб қолавермайди, баҳтли қурбақа ёканлар.

— Ҳа, — дейди менинг таниш қурбақам, — ўзиям катта қурбақа бўлганлар, кабинети кўлимизнинг энг чуқур жойида бўлган. Мана менинг ўғлим ҳам бувасининг касби бўйича ўқишига кириб, чивин тутиш бўйича мутахассис бўлмоқчи.

Кейин гап футболга ўтади ва қурбақаларнинг ҳар бири бу ўшиннинг йирик мутахиссиси эканлигини бир-бираига намоён этиб бўлишгач, қишилоқ қурбақаларнинг ҳаётидаги янгиликлар ёки эски бўлса-да, мароқлу ҳангомалар муҳокамасига ўтишади.

Ишқилиб, иккала қурбақа ярим соатча шунга ўхшаган гаплар билан ҳавони тебратиб оҳири уй-уйига кетишади. Уйда эса хотинлари уларга уйни таъмирлаш кераклигини, қариндошнинг тўйига тўёна тайёрлаш зарурлигини, болаларни мактабга тайёрлаш вақти келганинги, улфатларидан хабарчи келиб кечқурун уни ботқоқда кутишларини бирин-кетин гапиришади.

Қурбақачалар кечқурун оналари билан биргаликда сериалларни томоша қилиб бўлгач, ухлаб қолишади. Ярим кечада қурбақа ботқоқхонадан қайтиб келади. Ҳовлисида унинг олдига югуриб чиққан имбалифгининг бошини силаб қўйиб, ичкарига кириб чала ечинган ҳолда ухлаб қолади.

Эртасига эрталаб ҳар ким ўз юмушлари билан уйдан чиқиб кетади, қурбақаларнинг бир-бираидан деярли фарқи бўлмаган кундалик ҳаётлари шу заилда давом этади...

Миямга келган бу хаёллардан ўзим сесканиб кетдим...

* * *

Робот билан кейинги учрашувимизда қандай бўлмасин мени қийнатётган барча саволларга жавоб олишга қатъий қарор қилдим. Қарорим пухта ўйланган режага асосланганлиги туфайли бу сафар робот мени чалгита олмаслигига амин эдим.

Унга биринчи берадиган саволимнинг ўзи масалага ойдинлик киритиши аниқ.

Шундай қилиб, робот билан юзма-юз қолганимдан кейин, ундан сўрадим:

— Майли, дейлик мен ўзимни кимлигимни билмаслигимни тан оламан. Хўш, сен ўзининг кимлигини биладиган биронта одамни билсанми?

- Мен ҳеч нарса билмаслигимни сенга айтган эдим, — деди робот.
- Оббо, ўргилдим сўзга пухталигингдан, сенга бунақа одамлар маълумми, деб сўрамоқчи эдим!
- Ҳа, албатта, — жавоб берди у, — улар сенга ҳам маълум.
- Менга?!
- Ҳа.
- Хўш, улар ким экан?
- Улар унчалик кўп эмас, лекин оз ҳам эмас.
- Масалан?
- Масалан, **Беруний**, **Достоевский**, **Ибн Сино**, **Алишер Навоий**, **Микеланжело**, **Моцарт**, **Пифогор**, **Фирдавсий**, **Форобий**, **Юлий Цезарь**, **Эдисон**, **Эйнштейн**, **Умар Ҳайём...**
- Ола-а! — дедим мен, ажойиб режам чиппакка чиққанига ҳаф салам пир бўлиб, — Ибн Сино, Эйнштейн эмиш!!! Эсинг жойидам и?! Улар киму — мен кимман?!

Робот гёй умрида биринчи бор менга савол бераётгандек қилиб:

- Хўш, сен кимсан? — деди.

Ўтирган жойимда худди бехосдан заҳарли илон устига ўтириб олган одамдек курси билан бирга сакраб тушдим, тепа сочим тик бўлдиб, кўзларим чаноғидан чиқиб кетгудек бўлди. Икки марта ўрнимдан туриб яна жойимга ўтирдим. Миямда негадир фақат сўкиш ва ҳақоратли сўзлар айланар эди. Нихоят, бир амаллаб ўзимни кўлга олдим.

- Менимча сен... мен билан ҳазиллашаяпсан, тўгрими? — дедим унга жиддий тикилиб.

— Йўқ, — деди у, — мен ҳазилни тушунмайман. Ҳазилни фақат одамлар, аниқроги, фикрлаш доираси кенг бўлган одамлар тушунишлади. Бу доира қанчалик тор бўлса, унга сиғадиган ҳазил ҳам шунчаллик майда, кўпол ёки бачканга бўлиши мумкин.

— Демак..., — дедим тутлиқиб, — демак сен, ҳар бир одамниңг, ҳатто менинг ҳам, агар ўзимнинг кимлигимни билсан, сен айтгандан одамлар қаторида бўлишимга..., нима десам экан..., улар қаторида бўлишга имконим бор демоқчимисан?

— Йўқ, — деди робот, — шунчаки, сен билан улар орасида ақлний ёки жисмоний жиҳатдан қандайдир жиддий фарқ борлиги тўғрисида менда ҳеч қандай маълумот йўқ. Яъни бу нуқтай назардан ҳамма тенг. Ҳар бир одам даҳога айланиши мумкин. Шунчаки бирорвга бунинг учун ўттиз йил керак, бошқа бирорвга — уч юз йил.

— Ахир, сен айтган одамлар оддий одам эмас-ку, — қизишиб кетдим мен, — улар бутун дунёга машхур, буюк ва даҳо одамлар. Даҳо билан оддий одам орасида осмон билан ерча фарқ бор!

- Қандай фарқ? — сўради робот.

- Қандай бўларди, улар маълум бир истеъодод билан тугилган!

Сен истеъдодсиз туғилғанмисан? – деди одамнинг юз кўзининг ичимиятини билмаган ва фаҳм-Фаросатдан кейин туғилган темир қути.

Бу саволга нимаям дейиш мумкин эди. Болалигимда футбол ўйнашни жуда яхши кўрардим, лекин футбол клубининг машғулотларига бориншимиға дадам рухсат бермаганлар. Футболни бекорчилар ўйини неъ ҳисоблардилар.

Бир вақтлари рубоб чалишга ишқибоз бўлғанман, ўқитувчим: «Сендан бир нима чиқади» дердилар. Роза уч йил тўгаракка қатнашганман. Кейин қандайдир бир кўрик-танлов бўлиб ўтди, мен ҳатто учинчи ўринни ҳам эгаллай олмадим. Катта акам ўшанда «Шалпангқулоқ созанда бўлмоқчилар!», деб устимдан кулганди, шундан кейин қайтиб қўлимга рубоб олмаганман.

Расм чизишга ҳам қизиқканман, лекин қоғоз ва бўёқлар нархини билгач, онам уларни «кейинроқ олиб беришни» ваъда қилдилар. «Кейинроқнинг» келиши эса жуда қийин бўлди ва ҳоказо. Ишқилиб, буларни истеъдод деб аташ мумкин бўлса, улар бўлган, албатта. Буни роботга айтдим.

– Яъни, сенда ҳам маълум истеъдод бўлган, демак даҳо одамлардан сенинг фарқинг истеъдод бор-ўйқлигига эмас. Шундай экан, фарқ нимада бўлиши мумкин?

– Эҳтимол, тиришқоқликдадир?.. – дедим иккиланиб.
– Тўғри. Сенингча бирор-бир ишни тиришқоқлик билан қилишга одамга нима туртки бериши мумкин?
– Хоҳиш-истак бўлса керак...

– Қандай ишни ўзингни мажбурламасдан, қийналмасдан, хоҳиш-истак билан қиласан?

– Ўзимга ёқсан ишни-да!
– Бошқача қилиб айтганда, ўзинг яхши кўрган ишни, шундайми?
– Ҳа-да!
– Демак, даҳо одамлардаги тиришқоқлик уларнинг ўз ишига бўлган кучли ихлосидан, ишини яхши кўришидан пайдо бўладими?

Робот берган бу саволнинг ўзида жавоб ҳам яширгани аниқ эди, лекин ҳар қандай масала бўйича ҳамиша тайёр жавобга эга бўлган каллам бир қарашдан маъноси кундек равшан бўлган гап устида ўйлашга мажбур бўлди. Фикрларим оғир юқ юкланган аравадек гижжиллаб зўрга ўрнидан қўзғалиб, кейин бирдан яшин тезлигига уча бошлади.

Наҳотки энг мураккаб туюлган саволларга жавоб шунчалик оддий бўлса?! Менда тиришқоқликдан асар ҳам йўқ, бир ишни бошлашим билан 15 дақиқадан кейин ё зерикаман, ё чарчаб қоламан ёки шу ишни кейинроқ қилиш учун баҳона ахтара бошлайман.

Аммо ўзимга ёқсан, ўзим истаган бирон-бир машғулотга киришиб кетишим билан ҳамма нарсани унутиб қўяман, на вақт ўтгани-

ни, на қорним очганини пайқамайман. 12–13 ёшларимда ўз қўлим билан варрак ясаб учирини жуда-жуда истаганим эсимга тушди. Биринчи варрагимни ясашга икки кун кетди. Ўшанда уч-тўрт қарич келадиган қамиш ахтариб нафақат ўзимизни, қўшниларнинг ҳовлиларини ҳам титкилаб чиқсан эдим. Охири қишлоғимиздан 4 километрча узоқда жойлашган кўлга бориб, тиззамгача лойга ботиб, совуқ сувга тушиб бир даста қуриган қамиш олиб келдим. Қамишни бутун узунлиги бўйича тик ўртасидан бўлиш керак эди. Қамишларнинг ярмидан кўпини ўртасидан бўламан, деб яроқсиз ҳолга келтириб, бармоғимни кесиб олганимдан кейин қоронғи тушиб қолганини билиб қолдим. Тушимда ҳам варрак билан бўлиб чиқдим. Эргалаб онамнинг қистовлари билан зўрга турадиган одам, хўroz қичқириши билан сапчиб ўрнимдан туриб «устахонам»га югурдим. Фақат тўртинчи ёки бешинчи уринишдагина мен ясаган варрак осмонга учди. Ўшанда ўз қўлларим билан ясаган варрагимнинг осмонда чарх уриб учишидан олган завқимни ҳеч унута олмайман.

Худди шунга ўхшаб, устачилик қилиш, ёғочдан ҳар хил буюмлар ясаш ҳам жони дилим, бундай пайтларда қўлларим қавариб кетганини ҳам билмай қоламан.

Бу хотиралар чақмоқ тезлигига хаёлимдан ўтди ва мен роботга шуларни гапириб бердим. У эса ҳар галгидек, галим тугаши билан луқма ташлади:

— Демак, тиришқоқлик тўғрисида қандай хулоса қилиш мумкин, деб ҳисоблайсан?

Мен ҳам роботдан қолишмаслик учун, худди аёлларга ўхшаб, «Гапирмагунимча нима ўйлаётганимни қаердан билай», деган йўсинда фикрларимни хомаки бўлса ҳам айтиб қолай, айтганларим устида эса кейинроқ ўйлаб кўрарман, деб мулоҳаза юрита бошладим:

— Киши ўзига ёқмаган ишида тиришқоқ бўла олмайди, ўзи истаган ишга эса бор кучини сарфлаб ҳам чарчамайди, у бутун вужуди билан шу иш орқали эришмоқчи бўлган мақсадига интилади. Бу худди севишгандарнинг бир-бирига интилганига ўхшайди, чунки улар висолга етишиш учун ҳар қандай тўсиқ ёки қийинчилкларни енгib ўтишга тайёр бўладилар.

Кимдир айтган-ку: «*Ошиқ бўлиб қолган туя устидаги юкнинг оғирлигини билмас экан*» деб.*

Демак, менимча, киши кўнглидаги ўз мақсадини амалга оширишга хизмат қиладиган тиришқоқликни фақат айрим одамларга хос бўлган фазилат деб эмас, балки ҳар бир инсоннинг ўз ишига бўлган меҳри, муҳаббати, ихлоси билан бирга юрадиган чексиз кувват ман-

* *Fazzolii* (1058–1111) – ислом илоҳиётчиси, файласуф.

бай, деб аташ мумкин экан. Ҳатто даҳолар ҳам ўзлари кўнгил қўйган фаолият билан шуғулланганликлари туфайли юксак натижаларга эришган бўлса керак (гапирайпману, гапларимга ўзим ҳайрон қолаяпман). Ҳамма гап ўзинг севган иш билан шуғулланишда экан.

— Ҳа, — деди робот, — даҳолар айтишича, ҳаётда арзимас ёки аҳамиятсиз нарсанинг ўзи йўқ, лекин одамнинг ўз касбига бўлган муносабати — унинг ҳаёт йўлини белгилаб берадиган энг муҳим омиллардан бири экан. Уларнинг фикрича, турмушдаги аксарият кўнгилсизлик, касаллик, асаббузарликлар, ва ҳатто фожеалар ҳам одамлар ўзи севмаган, аникроғи уларнинг ўз табиатига мос бўлмаган фаолият билан шуғулланишларидан келиб чиқар экан. Таъбир билан айтганда: Ошпаз этик тикса, этикдўз гўмма пиширса — иш ҳамиша чатоқ бўлади. Ўзига мос касбни танлай олмаган одамнинг қиласидаги иши ўзи учун азобга, атрофдагилар учун эса жабр ёки зулмга айланиши мумкин.

— Тўғри, — жавоб бердим мен, — ҳамма гап ўзинг севган иш билан шуғулланишда эканлигини тушуниб етдим. Лекин... лекин кўпинча бунинг иложи бўлмайди.

— Нима учун?

— Чунки «уй-рўзфор», «бола-чақа» деганларидек, барибир, кўпинча кун кўриш учун иш турига, кўнгил майлига қараб ўтирасликка тўғри келади. Қолаверса, ўзимга ёқадиган иш билан шуғулланиш учун маълум маблағ, маълум шароит бўлиши керак. Ер экиб деҳқончилик қилишга ҳам, тижоратга ҳам дастлабки сармоя бўлмаса ҳеч иш қилиб бўлмайди. Алқисса, бир ошнам айтганидек, пул ва тегишли шароитсиз на тижорат ва на зиёрат, на юлдузлар ва на космос билан шуғулланишнинг иложи йўқ.

— Космосга учиш гояси биринчи бўлиб миясига келган одамда на шароит, на маблағ бўлмаган, — деди «космос» сўзини илғаб олган робот. Лекин у биринчи космос кемаси пайдо бўлишидан 70 йил олдин Сибирдаги чекка қишлоқларнинг бирида ўқитувчилик қилиб, бўш вақтларида ёғочдан космос кемаларининг макетларини ясаган. Унинг исми Константин Эдуардович Циолковский.

— Тўхта, — дедим мен, фикрларим яна чалкашиб кетаётганлигини сезиб.

Бироқ робот худди ҳеч нарса эшитмагандек гапини давом эттириди:

— Абу Али Ибн Синода биринчи марта инсон танасини ёриб кўриш учун шароит у ёқда турсин, ўша замоналарда уни бундай гояси учунгина ҳеч иккilanmasdan қатл килишлари мумкин эди.

Буюк кимёгар Д.И. Менделеевни дунёга машҳур бўлишидан илгари мустаҳкам ва чиройли жомадонлар ясадиган ажойиб уста сифатида танишган.

Пир даражасига етган Паҳловон Маҳмуд бир умр Хивада пўстин-дўзлик қилган.

Умар Ҳайём аслида машҳур математик ва астроном бўлган.

Ҳазрати Довуд пайғамбар темирчилик билан кун кечирган, Фирдавсий...

— Тўхта, тўхта, тўхта! — дедим мен қўлларимни пахса қилиб.

Лекин робот юқоридан пастга югуриб келаётган одамдек, бирдан тўхташи қийин бўлди шекилли, менга бир қараб қўйиб, гапини якунлади:

— Умуман олганда, ҳаётда бирон из қолдирган одамларнинг мутахассислиги ёки касби-кори аксарият ҳолларда улар дунё учун қилган ишига алоқаси бўлмаган ва уларни ҳеч ким сармоя билан таъминламаган ёки зарур шароит яратиб бермаган.

Робот гапиришдан тўхтади. Мен ҳам пахса қилиб кўтариб турган қўлларимни туширдим ва ўрнимдан туриб хонада у ёқдан бу ёқса юра бошладим. Ўйлаб қўйган режам нимадан иборат бўлганлигини ҳеч эслолмадим.

...Сен кимсан.., ўзини биладиганлар.., сен уларни танийсанми...

— Ҳа! — дедим мен, калаванинг учини топган олимдек дадиллик билан. Демак, гапнинг индаллосини айтадиган бўлсан, мабодо ҳозирнинг ўзида сенинг олдингга ҳақиқий Циолковский, Беруний ёки Юнус Ражабий келиб мен фалончиман деса, сен... унга қайтадан «Сен кимсан?», деб савол бермайсан, шундайми?

— Ҳа, — деди робот.

— Яъни, унинг кимлиги сенга шу заҳоти маълум бўлади, шундайми?

— Ҳа.

— Сени тушундим, шекилли. Токи одам тарихда қоладиган бирон иш қилмагунича у ўзининг кимлигини била олмайди, демоқчисан!

— Шундай деса ҳам бўлади, — деди робот, — лекин тарихда номлари қолган одамларнинг ҳаммаси ҳам ўзининг кимлигини билган, деб бўлмайди. Яъни аниқроқ қилиб айтганда, ўзининг кимлигини билиш учун оламшумул иш қилиш шарт эмас, демоқчиман.

Роботдан бундай жавоб эшитиш умуман хаёлимга келмаган эди.

Уни тузоқса тушириш учун тайёрланган тўр тешик бўлиб чиқди. Тарвузим қўлтиғимдан тушиб, ҳафсалам пир бўлди. Эҳтимол, мен робот айтаётган гапларни тушунишга қодир эмасдирман, балки бу гапларни менга кераги ҳам йўқдир, шу вақтгача бинойидай яшаб келдим, нима қиласман бошимни оғритиб?!

Тавба, кимни қарасанг ақл ўргатади, энди жонсиз робот миямни ачитиши камлик қилаётганди...

«Сен кимсан?» эмиш! Ўргилдим техниканг тараққиётидан. Нима, бош қотиришга муаммоларим озмиди-ки, электрон сүз устаси билан гап сотиб ўтирасам! Яна бир марта тавба.

Шунга ўхшаш фикрларимга котиба қизнинг «Вақт бўлди» деган овози чек қўйди ва мен ўзимга ўзим «Айни муддао!», деб курашда йиқилса ҳам бошини эгмаган полвондек хонадан чиқиб кетдим.

ПИРИ КОМИЛДАН СЎРАДИМ...

Орадан бир ойча вақт ўтди, бироқ роботнинг олдига боришга юрагим дов бермади.

Ҳар хил китобларни топиб ўқий бошлаганлигим туфайли кечқурунлари ва ҳатто дам олиш кунлари ҳам уйдан чиқмайдиган бўлиб қолдим. Деярли ҳар ҳафтада учрашиб турадиган улфатларим ҳам, кўчада тили билан «дунёни айлантириб» ўтирадиган қўшниларим ҳам бир-икки марта ўз давраларига чорлашга уриниб кўришдию, охири мени тинч қўйишиди.

Эртаю кеч китоблардан бош кўтармаётганимни кўрган хотиним безовталана бошлиди ва тажрибали разведкачиларга ўхшаб мени зимдан кузатиб, кутилмаганда хонамга кириб арзимас саволлар билан мурожаат қиласидиган бўлиб қолди: «ҳеч нарса керак эмасми, чой дамлаб берайми» ва ҳоказо.

Ниҳоят, кунлардан бир кун очиқ ҳужумга ўтди:

— Ишқилиб, ўқиётгандарингиз йўлдан оздирадиган китоблар эмасми, дадаси?

— Кўрқма, — дедим бетоқатлик билан, — фалсафий китоблар ўқияпман.

— Шўринг қурғур Адҳам акам ҳам китоб ўқишидан бошлаган эди, — деди хотиним йифламсираб, — охири бегона юртларда йўқ бўлиб кетди, шўрлик.

— Айтдим-ку, фалсафа деб, бор ишингни қил, — дедиму, жаҳл билан китобни ёпдим.

Хотиним хонадан чиқиб кетгач, китобни очиб ҳозиргина ўқиб ўтирган бетини ҳеч тополмадим. Хаёлларим ҳар томонга тарқаб кетди.

Адҳам ака... хотинимнинг акаси... У ҳам бир вақтлари китоб ўқишига берилиб кетган эди. Алламбало китоблар... Тўхта-тўхта, ахир «Ўзликни англаш таълимоти», «Ўзингни билиш», «Худони англаш» каби ибораларни айнан Адҳам акадан эшигтан эдим-ку.

Наҳотки, ақидапарастларни ҳам шу масалалар қизиқтирган бўлса? Йўғе-е... Ақидапарастлик дегани бу... ақидапарастлик-да!

Үйлаб қарасам, бу сўзнинг маъноси нималигини умуман тумас эканман.

Китобларни ўқиганим сайин саволларим ҳам кўпайиб борди. Уни жуда билимдон ҳисоблардим. Аслида эса бурнимнинг учидан нафар кўрмас, телевизорда томоша қилинганд, фикр ва туйгуларингни критиклайдиган, лекин ўйлашга унданмайдиган ҳангома ҳамда кинофильмдан олган тасаввурларимдан бошқа деярли ҳеч нарса билмас эканман.

Кунлар ўтиши билан роботни кўриб гаплашиш истаги ошиб борди ва ниҳоят, бир талай саволларимни қофозга тушириб унинг олди га бордим.

- Ишқилиб, мени йўқотиб қўймадингми? — сўрадим роботдан.
- Саволингни тушунмадим, — деди у.
- Охирги сұхбатимиздан кейин орадан шунча вақт ўтди, — дедим бироз гина билан, — ҳеч бўлмагандан мени эслаб тургандирсан ахир?
- Мен учун вақт тушунчаси йўқ, — деди бетаъмиз робот, — бирорни эслаш деганда эса хотирамга фақат шу одамнинг гаплари келаши, холос.

Гинамни ичимга ютиб гап бошладим:

- Менга ёрдам беришни ваъда қилгандинг, сенга берадиган жуда кўп саволларим бор.
- Мен тайёрман, — деди робот.
- Кўлимга ручкани олиб, саволлар ёзилган дафтаримни очдим.
- Биласанми, — дедим бироз ийманиб, — менинг саволларим сенга сал ғалати туюлиши мумкин, устимдан кулмайсанми, ишқилиб?
- Мен кулишни билмайман, — деди робот.
- Ундай бўлса, биринчи саволимни эшиш, — дедим дадиллашиб,
- Нимага мени ҳеч ким тушунишни истамайди?

Робот бир дақиқа сукут сақлаб, кейин сўради: — «Ҳеч ким» деганда кимларни назарда тутаяпсан?

- Кимларни бўларди — яқинларим, дўстларим, танишларимни назарда тутаяпман.

Робот бироз вақт индамай турди-да, кейин яна савол берди:

- Сен айтган одамлар сени тушунишга мажбур, деб ҳисоблайсанми?

Сукут сақлаш навбати менга етди. Саволни эшишиб дамим ичимга тусиб кетди. Агар «йўқ» деб жавоб берсам, саволим бемаъни эканлигини исботлаган бўламан. Агар «ҳа» деб жавоб берсам, робот менга: «демак, сен ҳам уларни тушунишга мажбурсан», деб жавоб беради. Кейин эса сен ўзинг бошқаларни тушунишга ҳаракат қилсанг, улар ҳам сени тушунишга интилишади, деб сийқаси чиққан хулоса билан жавоб берishi аниқ эди.

Нокутай аҳволдан чиқиб кетиш илинжида секин минғиллаб

шарни

Хир ҳолда.., ҳеч бўлмаганида яқин одамларим мени тушунишса
шарни бўларади.

Риҳмиллиллик тўғрисидаги тушунчалари болта ёки белкуракники-
ши фирқи бўлмаган робот эса масалани охиригача ҳал қўлмагунича
шарни истамади ва саволини такрорлади:

Яқин одамларинг сени тушунишга мажбурлар, демоқчимисан?

Менга қара! – дедим аччиқданиб. Сен саволларимга жавоб бе-

ниш ўрнига, ҳар бир саволимга савол билан жавоб беришинг нимаси?!

Менинга савол эмас, жавоб берга оласанми?!

Робот пинагини ҳам бузмасдан:

Сенга қандай жавоб керак? – деб сўради.

Ана, кўрдингми, «ҳа» ёки «йўқ» дейиш ўрнига яна савол берасан!

Сенга қандай жавоб беришимни истайсан? – деди менинг га-
нишни эътибор бермаган робот.

Менга қисқа, лўнда ва аниқ жавоб керак!

Келишдик, – деди робот. Лекин **жўяли савол билимнинг ярми-
дир***. Саволларингга берадиган жавобимдан сенда янги саволлар ту-
тилиши мумкин.

– Туғилмайди, – дедим мен ўзига ишонган аёл оҳангиди. Жавоби-
ларингни ёзib оламан ва ҳар бирини обдон таҳлил қилиб, ўйлаб кўра-
ман. Агар тушунмасам, кейин яна гаплашамиз.

– Ундей бўлса сўрайвер, – деди робот.

– Хўш, нимага мени ҳеч ким тушунишни истамайди?

– Чунки сен ўзингни тушунишни истамайсан.

Жавобнинг маъносини тушунмадим. Бироқ, ўзим шундай шарт
кўйганимдан кейин нимаям қиласардим, индамай кейинги саволга ўтдим:

– Нима учун дунёда адолат йўқ?

– Аксарият ҳолларда одамлар ўз ҳаёти учун масъулиятни ўз бўйнига
олишни истамайди, аниқроғи қандай қилиб масъулиятни ўз бўйнига
олиш мумкинлигини билмайди, омади юришмаса ёки бошига кулфат
тушганидан кейин эса бошқаларни ёмонликда ва дунёни адолатсизлик-
да айблайдилар.

Роботнинг бу жавоби қулогимга шапалоқдек тегди. Мантиқан у
тўғри жавоб бераяпти, назаримда. Лекин таъбинг хира пайтида ман-
тиқ ҳудди йўл патруль хизмати ходимига ўхшайди, гаплари тўғри,
лекин барибир, ёқмайди. Роботнинг жавоби ёқмаганлиги туфайли
ҳудди шу мавзуда бошқача савол бердим:

*Жалолиддин Румий (1207–1273) – шоир ва мутафаккир.

- Нега «Яхшига умр йўқ, ёмонга ўлим йўқ»?
 - Умр ҳам, ўлим ҳам одамларни яхши-ёмонга ажратмайди.
(Бу жавоб менинг тушунчаларим доирасидан ташқарида эди.)
 - Нима учун ҳеч ким менинг қадримни билмайди?
 - Демак ўз қадрингни билмайсан.
- Ўзим берган савол билан ўзимни уряпти-я, сурбет.
- Нимага яхши одамлар жуда кам учрайди?
 - Чунки улар сен юрган кўчаларга камдан-кам ҳолларда киришади.
- Энди буниси ҳаммасидан ошиб тушди. Ўзимни зўрға қўлга олиб роботдан жиддий оҳангда сўрадим:
- Ҳазиллашашаисанми ёки устимдан куляпсанми?
 - Айтдим-ку, мен ҳазилни ҳам, кулишни ҳам билмайман, — деди робот. Мен сенга ўзинг айтгандек қисқа, лўнда ва аниқ жавоб беришга ҳаракат қиласайман, холос. Ҳазилга келсак, истасанг савол-жавоб тўғрисида латифа айтиб бераман, чунки кулгили ҳангомаларда кўпинча ҳам донолик, ҳам ҳақиқат яширинган бўлади, тушунган одам учун, албатта...

Тобора таранглашиб бораётган асабларим бирдан тинчланиб қолди, чунки робот яна бир бор мени ҳайратга солган эди.

- Сен ҳали латифа ҳам биласанми?!
- Унчалик кўп эмас, бор-йўғи 3,14 мегабайт.
- Тушунмадим...
- Яъни менга маълум бўлган латифалар тахминан 1000 бетлик китобга сигади.
- Ана холос, — дедим мен, — латифаларни жуда яхши қўраман.
- Бўлмаса эшит.

Бош вазир бўлган Хўжса Насридинга подшоҳ дебди:

- Бугун хориж элчиларини қабул қилишим керак, биласан-ки, сиёсатга унчалик хушим йўқ, бирон ножжўя гап гапириб қўйишдан чўчи-япман.
- Ҳавотирланманг, олампаноҳ, — дебди Афанди, — мен сизнинг оёғингизга узун ва ингичка ипнинг бир учини боғлаб қўяман, ипнинг иккинчи учи менда бўлади, агар номаъқулроқ гап гапирсангиз, ипни секин тортиб қўяман.

Подшоҳ бу таклифга рози бўлибди ва у элчиларни қабул қилибди.
Салом-аликдан кейин подшоҳ элчиларга савол берибди:

- Сизнинг юртингизда кўчада юрадиган дайди им-мушуклар сезизми ёки озгинми?

Бу гапни эшитган элчилар ҳайрон бўлишиб, бир-бирларига қараб қўйишибди. Хўжса Насридин эса қўлидаги ипнинг учини секин тортиб қўйибди-да, гапга аралашибди:

— *Биласизми, меҳмонлар, подшоҳимиз жуда донишманд, сизларга бундай савол берининг бир сири бор. Агар кўчадаги дайди им-мушуклар озгин бўлишса, демак бу мамлакат халқининг ҳаёти оғир-лигидан далолат беради. Агар аксинча, улар семиз бўлишса, демак юртда фаровонлик ва тўқчилик ҳукм суради.*

Эличилар подшоҳинг ақлига оғаринлар айтишибди.

Шунда подшоҳ Афандига жаҳл билан дебди:

— *Шунчалик ақлли савол берган эканман, ипни нега тортасан, аҳмоқ?!*

Латифани эшитиб кайфиятим кўтарилиди ва роботга суҳбатимиз у хоҳлаган тарзда ўтишига, яъни жавоб ўрнида у ҳам савол беринига рози эканлигимни билдиридим.

— Ихтиёр сенда, — деди робот, — мен тайёрман.

— Хўш, яна ўша саволга қайтсак, нима учун «Ёмонга ўлим йўқ, яхшига умр»?

— *Қандай одамни «яхши», деб ҳисоблайсан? — сўради робот.*

— Яхши одам бу гаплари, қиласиган ишлари ва муомаласи ҳаммага ёқадаган одам.

— *Сенинг гапларинг, қиласиган ишларинг ва муомаланг атрофдаги ҳамма одамларга ёқади, деб ҳисоблайсанми? — сўради робот.*

— Ҳар ҳолда, бирорни ранжитадиган иш қилмасам керак. Қолаверса, ҳар кимнинг менга бўлган муамоласи ва қиласиган хатти-ҳаракатига қараб муомала қиласман. Яхши гапга — яхши гап қайтараман, ёмон гапга — тегишли гап.

— Саволимни тушунмадинг, — деди робот, — шахсан сенинг гапларинг, қиласиган ишларинг ҳаммаси ҳам атрофдагиларга ёқадиган гап ва ҳаракатми деб сўраяпман. Сен эса бошқаларнинг сенга нисбатан қиласиган муамоласи ва хатти-ҳаракатига ўтиб кетдинг.

Ўйланиб қолдим. Хотинимга ичганим ёқмайди. Болаларимга қаттиқ гапирганим, бошлиғимга эътиroz билдиғаним, катта акамга одатларим ҳам, гапларим ҳам ёқмайди. Икки уй нарида яшайдиган қўшним нима учундир мени ёмон кўришини аниқ биламан, чунки саломимга зўрга алик олади.

— Йўқ, — дедим, роботдан кўзимни олиб қочиб, — менинг гап-сўзларим ва ҳаракатларим ҳаммага ҳам ёқади, деб айта олмайман. Лекин ёмон одам деганда мен, масалан, тарбия кўрмаган ёки яхшиликни билмаган одамларни назарда тутиб айтдим.

— Дунёда тарбия кўрмаган одамнинг ўзи йўқ, — деди робот. Одамлар шунчаки ҳар хил анъаналарда тарбия кўрган бўладилар. Уйингдаги мушукнинг оёғини босиб олсанг чийиллаши қўшни маҳаллада ҳам эшитилади, ўрмонда яшайдиган ёввойи мушук эса унинг оёқларини янчиб ташлайдиган қопқонга тушган тақдирда ҳам чурқ этмай-

ди. Бу ерда гап оғриққа чидамлиликда әмас, ҳамманинг ҳам жони бир хил оғрийди. Шунчаки ёввойи мушук шовқин қылса уни бир зумда еб қўйишларини жуда яхши билади.

Худди шунга ўхшаб, одамлар ҳам кўрган тарбиясига мос ҳолда мутлақо бир хил вазиятда ўзларини ҳар хил тутишади, чунки уларга ёшлигида «рухсат қилинган» ва «таъқиқланган» нарсалар бошқа-бошқа бўлган. Сенга ёқмайдиган одам ўсган шароитда сен яшаганингда ва у кўрган тарбияни сенга берганларида ундан беш баттар бўлмаслигингга ҳеч ким кафолат беролмайди.

Шунинг учун одамларнинг тарбиясини айблаш әмас, уларни тушунишга ҳаракат қилишинг «ёмонлар» орасидан ҳам кўп «яхшиларни» топишингга имкон яратиши мумкин, бу эса ўзингга фойда.

Яхшиликни билмайдиганларга келсак, бу масалада ҳам оқни-оққа, қорани қорага ажратиш қийин. Масалан, мана бу шеърни эшиштган-мисан:

*Яхшига қўлсанг яхшилик, ҳам айтади, ҳам қайтади,
Ёмонга қўлсанг яхшилик, на айтади, на қайтади.*

- Ҳа, эшиштганман, уни қўшиқ қилиб айтишади, яхши қўшиқ.
- Куйлашга арзийдиган шеърдангина яхши қўшиқ чиқади. Хўш, бу шеърнинг маъноси тўғрисида нима дея оласан?
- Нимаям дердим, жуда тўғри айтилган.
- Ундай бўлса, айтилиши ва эгасига қайтарилиши учун қилинадиган яхшилик тўғрисида нима дейиш мумкин?

Роботнинг бу саволига жавоб беришга шайланган миямда фақат «таъмагирлик», «миннат», «олди-сотди», «бор тогорам-кел тогорам» каби сўзлар айланаверганидан кейин бундай яхшиликни «яхшилик» деб аташга асос топа олмаганилгимни, лекин ҳалқ орасида айтиладиган гаплар, мақол ва маталлар ёки қўшиқларда озгинча бўлса ҳам ҳақиқат бўлиши керак, деган гумонларимни роботга айтдим.

— Ҳар бир мақол ёки шеърда, — деди робот, — албатта, маълум ҳақиқат бор. Бироқ бу ҳақиқатнинг ўзи дегани әмас-ку. Ҳар бир масалада ўз ҳақиқатига эга бўлмаган одамнинг ҳалқ мақоли ёки бошқалар айтган ақлли гапларни такрорлайверадиган тўтикушдан нима фарқи бор?

Ақлинг етарли, кўзинг, қулоғинг соғ бўлса, уйқусираган ёки маст одамга ўхшаб, онгизсиз равишда яшашдан кўра ҳаётни, ўзингни ҳамда бошқаларни дикқат билан кузатиб, ўрганиб, фикрлаб ўз ҳақиқатнинг эга бўлишингта сенга нима ҳалақит бериши мумкин?

Робот жавобимни кутиб турарди. Мен эса унинг саволидан гангигб, кутилмагандаги қўлидаги саватидан олмалари сочилиб кетган йўлов-чидек, фикрларимни йигиб олиш билан оввора эдим.

Бериладиган савол нишонга отилган ўқ билан қиёсланса, мен роботга берган саволларим узоқдан туриб унга қаратса читмакдан отилган ўқдек-учиб бориб, ҳар сафар роботнинг оёғи остига тушарди. Роботнинг ҳар бир саволи эса худди замбаракнинг ўқидек – мен жуда мустаҳкам деб ҳисоблаган «қалъаларимни» ер билан яксон қиласарди.

Шунга ўхшаш ҳаёлларим оқимини котиба қизнинг ҳар галгидек «Вақт тугади» деган сўзлари тўхтатиб қўйди ва мен робот билан хайрлашиб, «тўкилган олмаларга» ҳам қўл силтаб, ноилож хонадан чиқиб кетдим.

«ТЎТИҚУШ»НИНГ МУЛОҲАЗАЛАРИ

Бирор мендан ақлим етмаган нарса тўғрисида сўраса, кўпинча ақлим эмас, хотирам ёмонлигини баҳона қиласман. Лекин робот билан байранг ўтмаслигини билиб, охирги сұхбатимизни бошидан охиригача қўл телефонимга ёзиб олгандим. Кечқурун уйга келгач, хонамга кириб, эшикни ичкаридан қулфлаб олдим ва сұхбатимиз ёзувини қайта-қайта эшийтдим.

Бошим оғрияпти, деганимда менга кимдир: **«Бошинг оғриганига хурсанд бўлиш керак»**, деганди. Ҳайрон бўлиб, нимасига хурсанд бўлай, деб сўрасам, у одам: «Чунки йўқ нарса оғриши мумкин эмас, калланг оғрияптими, демак калла бор», – деган. Робот билан савол-жавобимизни учинчи марта эшигтганимдан кейин каллам борлигига гумоним қолмади.

Ҳаёт тўғрисидаги тушунчаларинг ва ўз донолигинг рамзи сифатида қурган биноларинг худди қордан ясалган уйдек аста-секин эриб, қулаи бошлаганини кўриш нафақат бошингни, бутун вужудингни зирқирадар экан. Ўзимни кўярга жой топа олмай қолдим. Мабодо, ҳозирнинг ўзида бирор мендан «Сен кимсан?» деб сўраса, жавобим тайёр эди: ҳассасини йўқотган кўр, нарласини ўғирлатган ўғри, очликдан ўлаётган ошпаз, деб жавоб берган бўлардим.

Ишқилиб, юрак-багрим сиқилиб, дунё кўзимга тор бўлиб қолди. Кўзларим беихтиёр хонанинг шифтига қараб сиртмоқ осишга қулаи бўлган жой ахтара бошлади. Астагфуруллоҳ. Кайфиятим бузилгандан бузилди. Бунинг асосий сабабчиси бўлган роботга нисбатан эса кўнглимда нафрат уйғона бошлади.

Сен ўзингни тушунмайсан эмиш!.. Оҳ, ўзимни қанчалик даражада тушунишимни билсанг эди, бундай гапларни айтиш хаёлингга ҳам келмаган бўларди. Сен яхшиси бошқаларни қандай тушунишим кераклигини тушунтириб бер, номард!

Улфатларим ҳазил аралаш устимдан кулишларини, катта акам ҳадеб ишларимга аралашиб, ақл ўргатаверишларини, хотиним на уйга, на

болаларга эплаб қарай олмаслиги ва онам билан келиша олмаслигини, ўглимнинг қулоғига гап кирмаслигини мен қандай қилиб тушунишим керак?

Бирорга айтадиган гап эмас, лекин қарзларим борлигини била туриб, ифторликка 5–10 эмас, 28 одамни таклиф қиласиз, деб туриб оладиган саксонни қоралаган отамни қандай қилиб тушунишим керак? Одамни менсимайдиган қўнимни-чи? Бозордаги каззоб қассобни, ишхонадаги тили чаёндай чақадиган, гап ташиб чарчамайдиган чақимчини-чи?

Робот деган «жонивор» бу гапларни англаб етиш учун қуруқ билимдан ташқари жонга, кўнгилга ёки юракка ҳам эга бўлиши кераклигини, атрофингдаги одамлар фаришта эмаслигини, доно гаплар кундалик ҳаётга тўғри келавермаслигини билганида, бошқача сайраган бўлар эди.

Тавба, лампочкалар тақилган ва карнай ўрнатилган темир тумбочка адолат тўғрисида менга вазъ ўқиб ўтиrsa-я!

Мен ўз шахсий ҳаётим учун масъулиятни ўз бўйнимга олишим (ўлай агар нима назарда тутилаётганинги тушунсан) ёки олмаслигимни дунёнинг адолатсизлигига нима алоқаси бор?! Бунда мантиқ қани?! Бир вақтлари улфатларимнинг биридан «сен учун адолат нима?», – деб сўраганимда: – *Адолат дегани – бу ҳар қандай улушнинг ҳаммага тенг бўлиниши, сенга эса сал кўпроғи тегишидир*, – деб жавоб берганди.

Ана сенга адолат!

Ишхонада ҳамма ишни мен қилсам, калласида «алиф» йўқ, лекин амакиси катта лавозимда ишлайдиган лўттибоз эса мендан кўп маош олса ва келганидан кейин икки ой ўтар-ўтмас бўлим бошлиги лавозимига тайинланса, демак бунга мен айборд бўлиб чиқаман эканда, а?! Нимага эмиш: «*ўз ҳаётим учун масъулиятни бўйнимга олиши*» билмаган ёки истамаган эмишман. Бундан чиқди-ки, «биргаликда бизнес қиласиз» деб пулларимни еб кетган ва бугун ялло қилиб юрган танишимни ҳам; топганини ичиб, бору будини йўқ қилиб, отамдан қолган ҳовлининг ярмини судлашиб тортиб олган мендан икки ўш катта акамни ҳам; тофамнинг қилган шунча яхшиликларига қарамасдан фариштадек қизини гўдак боласи билан ажратиб юборган қудасини ҳам адолатсизликда ёки ёмонликда айблаб бўлмас экан-да!?

Ёмонлик, адолатсизлик ёки зўравонликнинг қайси бирини айтай?! Яна нима эмиш.., буларнинг ҳаммасига жабр кўрган одамнинг ўзи сабабчи эмиш! Ўргилдим маълумотларга тўла совук каллангдан!

Мен ўз қадримни билмаслигимни сен қаердан англай қолдинг, сўтак?! Сенга ўхшаган пластмасса аралашган темир ўз қадрини

билимаслиги аниқ, одамлар эса ўз қадрини жуда яхши билишади! Ҳамма гап улар бир-бирининг қадрини билимаслигига эмасми, ахир?!.

Ишқилиб, шунга ўхшаш далиллар билан ўз жаҳлимга эрк берип, ўзимни овутишга ҳаракат қилдим. Лекин, барибир, кўнглум тинчимади. Ўрнидан қўзғалган гиштни жойига қўйиш учун «айни қаҳратон қиши пайтида янгидан лой тайёрлаш» заруратидан кўз юма билмасдим.

Роботнинг ҳар бир гапига жавобан ўнта гап топишим мумкин эди, лекин у сұхбатимизнинг охирида: «*Ҳар бир масалада ўз ҳақиқатига эга бўлмаган одамнинг ҳалқ мақоли ёки бошқалар айтган ақлли гапларни тақоррлайверадиган тўтиқушдан нима фарқи бор?*» – деган саволи томоқقا тиқилган балиқ қилтаноғидек, юрагимга санчилиб, ўрнидан қўзғалмай азоб бераётган эди.

Менинг ўз ҳақиқатим нимаям қила оларди?! Мен барибир, бошқалар томонидан белгиланган ҳақиқатларга бўйсунишга, иродасиз қўғирчоқдек ҳаракат қилишга мажбур бўлганимдан кейин ўз ҳақиқатимни бошимга ураманми? Фойдасиз ҳақиқатнинг кимга кераги бор?! Ўз ҳақиқатинг билан яшашга имкон бўлмаса уни на қидиришга, на яратишга ва на шу ҳақиқат билан яшашга кучни қаердан олиш мумкин?

Нимадир қилишим керак, лекин нима?!

Аммо ҳаёт қизиқ. Ҳар қандай фожеа ҳам фақат биринчи дақиқалардагина даҳшатли бўлиб кўринар экан (тавба қилдим, Ўзи кечирсин), чунки эртаси куни эрталаб жуда яхши кайфият билан ўйғондим ва ўзим истамаган ҳолда роботнинг айтган гапларини қайдаражада ҳақлигини синааб кўриш учун, эҳтимол, умримда биринчи марта, кундалик ҳәётимнинг ҳар бир вазиятини дикқат билан кузата бошладим.

Атиги бир ҳафта давомида ўзимнинг ҳар бир қилган ишим, айтган гапим ва атрофимдагиларнинг ҳатти-ҳаракатларини эҳтиросларга берилмасдан ва баҳоламасдан, шунчаки диққат билан кузатишм натижасида «кўрган» нарсаларимни энг қизиқарли фильмларда ҳам кўрмаганман, энг ақлли китобларда ҳам ўқимаганман, ҳатто ҳамма балони биладиган кўчанинг «донашмандларидан» ҳам эшишмаганман. Энг қизиғи, нимагадир, бу «кашфиётларимни» ҳеч кимга айтгим келмади, чунки уларнинг айримлари бирорвга айтадиган гап ҳам эмасди.

Уларни қоғозга ёзиб бир чеккадан ўқий бошлаганимдан кейин юзим лавлагидай қизара бошлади. Азбарои Худо, бирордан уялиш деган нарса ўзингдан уялишнинг ёнида ҳеч нарса эмас экан.

Ўзимга тегишили қашфиётлар
*(турган гапки, ҳаммасини ҳам очиқ тарзда ёзшига
ботина олмайман)*

1. Нима иш қилаётганимдан қатын назар, хаёлим ҳамиша бошқа жойда бўлар экан. (*Бунинг сабабини ҳозирча англай олмаяпман.*) Масалан, овқатланиб ўтирганимда, миямда мингта фикр айланиб, овқатнинг таъми, мазасига фақат биринчи-иккинчи луқмадагина эътибор берар эканман. Менинг ижроимдаги «овқатни чайнаш жараёнини» эса четдан кузатиб турган одамга қандай кўрининини айтмай кўяқолай. Шўрва ёки чойни хўриллатиб ичганим кичкина қизимнинг ўлгудай асабига тегар экан.

Кўчада кетаётганимда юз-кўзим, кўпинча худди роботникига ўхшаб қотиб қолган ёки бутун дунё дардини елкасига кўтариб олган одамниקידай ўта жиддий, ҳатто кўрқинчли бўлиб кўринар экан. Чунки хаёлим қаерда бўлса бўларкан-ки, лекин атрофимда кўриниб турган кўчалар, одамлар, дарахтлар, осмон, қушлар ёки гулларда эмас.

Қисқаси, қайси бир китобда мен ўқиган Конфуций тўғрисидаги ривоятнинг маъносини эндиғина тушуниб етдим, шекйлли.

Шогирдлари ундан ҳеч қачон ҷарчамаслиги ва ҳамиша қайфияти яхши бўлишининг сабабини сўрашганида у жуда ғалами жавоб берган:

— *Мен бир жойда турган бўлсан — тураман, юриб кетаётганимда — юраман, югуриб кетаётганимда — югурман.*

Шунда шогирдлари: — *Aхир бизлар ҳам шундай қиламиз-ку! — дейишган.*

— *Йўқ, — дебди Конфуций, — сизлар бир жойда турганингизда, хаёлингизда аллақачон қаергадир юриб кетаётган бўласиз; қаергадир қадам ташлаб юриб бораётганингизда, хаёлингиз шошиб югуриб кетаётган бўлади; югуриб бораётганинг хаёли эса аллақачон бораётган манзилида бўлади. Бундай одам ҳамиша эртанги кун қайгуси билан яшаб, бугунги кунининг на мазасини ва на яхшилигини англашга вақти етмай, ҳаётдан яшамай ўтади. У ҳаётни ташқарисидан айланниб ўтиб кетади.*

2. Фойдасиз гапларни кўп гапирав эканман. (*Бу, асосан, суҳбатдош ким бўлишидан қатын назар унинг эътиборига сазовор бўлиш, ундан кўпроқ билишимни исботлаш ёки «бу масалада» мен ҳам ўз фикримга эга эканлигимни билдириш учун экан.*) Ҳафта давомида тилимни тийиб юрганим кичгинагина бўлса ҳам, лекин ғалабага эришганлик туйгуси кўнглимга қандайдир ёқимли ҳузур бағишлади, чунки ҳатто бирор «гапиргин, деб, тилингдан тортиб турганида» ҳам индамасанг — на сен, на дунё ҳеч қандай зарар ёки фойда кўрмас экан.

3. Бироннинг гапини бўлишни одат қилган эканман. (*Асосан, гапи-раётган одамни писанд қилмаганигим учун экан*). Ҳар сафар менга гапираётган одамни диққат ва эътибор билан тинглаганимда, унинг менга нисбатан бўлган муносабатида қандайдир илиқлик пайдо бўлаётганлигини яққол сездим. Бу эса деярли текинга келадиган жуда ёқимли туйғу экан.

4. Бирор тўғрисида ёмон гап гапириш ва эшишишни ёқтиар эканман. (*Сабабини билмадим, аммо бундай гапдан кўнглим таскин топгандай бўларди*). Кузатувларим давомида ҳеч кимнинг хатти-ҳаракати ёки сўзларини «тўғри-нотўғри», «яхши-ёмонга» ажратиб баҳо бер-масликка, шунчаки тушунишга ҳаракат қилганим натижасида бошқалар билан қилган мулоқатларимиз ҳар сафар дўстона ва самимий оҳангда якунланәтганлигига бир-нечча бор гувоҳ бўлдим. Бундан кўнглим нафақат «таскин топди», ҳатто яйраб ҳам кетишини ҳис қилдим.

5. Сўрамасалар ҳам маслаҳат беришга ишқибоз эканман. (*Буни ўз ақлим ўзимга ёрдам бермаганидан кейин, бирорга фойдаси бўлар деган умидда қилар эканман*). Бир ҳафта давомида ҳеч кимга, ҳатто болаларимга ҳам ичимда қайнаб турган эътиrozни, маслаҳатни, кўрсатмани ёки фикримни айтмаганимдан нафақат осмон узилиб ерга тушмади, балки илгарилари уларни очиқ баён этганимда, кўпинча «осмонда йиғиладиган қора булутлар» ҳам ўз-ўзидан йўқолиб кетди.

6. Бошқаларнинг қиладиган ишлари, турмуш тарзи, хатти-ҳаракатлари ёки гаплари ёқмаса, менга алоқаси бўлмаса-да, жаҳлимни чиқарар экан. (*Кимнингдир шунчалик даражада фаросатсиз эканлиги нимагадир нафсониятимга тегар экан*). Бунинг сабаби устида жуда кўп ўйладим. Балки хато қилаётгандирман, лекин ҳамма гап назаримда ёшлигимда олган тарбиямга бориб тақалади. Ота-онам мени яхши кўришлари, мени «яхши бола» деб ҳисоблашларини шу даражада қаттиқ истаганманки, уларнинг айтган ҳар бир гапи мен учун қонун ва қиладиган ишлари ибрат намунасига айланган. Улар қоралаған ҳаракатларни эса сал бўлмаса жиноят деб ҳисоблар эканман. Айнан шу сабабдан ўзим бир вақтлари билиб-бilmай қилган хатоларими-ни ёки шунчаки қизиққанимдан амалга оширган омадсиз тажрибала-римни ҳам кечиришим қийин экан.

Ўзим ва бошқалардан нуқул айб излаб юрадиган ичимдаги май-мун аслида ўз ақлим экан. Уни ўйлашга, ўқиб-ўрганишга жалб қилганимдан буён «қозилик вазифасини» унуга бошлади.

7. Кўп мақтанаар эканман. (*Бошқалар менга тан беришларини жудаям истар эканман*). Гапиргандада «мен» деган сўзни ишлатмасликка

аҳд қилганимнинг ўзи жуда кўп ҳолатларда гапиришга ҳожат қолдирмайдиган бўлди.

Бошқаларга тегишили қашфиётлар
*(турган гапки, ҳали кўрган-билғанларим хамир учидан
пәтирик эканлиги аниқ)*

1. Хотиним уй ишлари билан бўлиб бир дақиқа ҳам тинч ўтира олмас экан, ҳатто овқатланадиган пайтида ҳам. Ҳаммадан кеч ётиб, ҳаммадан эрта туришини табиий ҳол деб билар эканман. Устига-устак: ошхонадаги кран жўмрагидан 3–4 ойдан буён тинмай сув оқиб туришига, даҳлиздаги лампочка ёнмаслигига кўникиб ҳам қолибмиз. Сув қайнатадиган чойнак билан дазмол эса иккинчи жаҳон урушидан олдин ясалганга ўхшар экан. Ишқилиб, хотиним ишлатадиган уй анжомларининг кўпчилиги аллақачон нафақа ёшига етган ёки ногирон бўлиб қолганлини қўзим кўрмаган экан.

2. Ўспирин ўғлим билан қачон охирги марта унинг ўқиши, ишлари, қизиқишлари, қувонч ва қайгулари тўғрисида ўтириб хотиржам гаплашганимни эслай олмадим.

3. Энг катта акам йўл-йўлакай уйимизга кириб, яна ақл ўргата бошлаганида, гапларини диққат билан тинглаб, биронта ҳам эътиroz билдирамадим. «*Ундаи қилиш керак, бундай қилиш керак*» деган масла-ҳатларига фақат «*хўп*» деб жавоб бердим. Шунда менга фақат исмими-ни айтиб мурожаат қиласидиган акам умримда биринчи марта гап орасида мени «*ука*» деб айтганини эшийтдим.

4. Бутун ҳаётини ҳар бир фарзандини уйли-жойли қилишга, ўқитишга, эгнини бут, қорнини тўқ қилишга сарфлаган қари отамнинг эскириб қолган ковушини кўриб кўнглим бузилиб кетди...

5. Бизга яқинда ишга келган, амакиси катта лавозимда ишлайдиган «лўтгибоз», идорамиз охирги олти ой давомида фойдаланиб келаётган янги компьютер дастурини ишлаб чиққан одам экан ва бу гап тасодифан ошкор бўлди.

6. Мени ёмон кўрадиган қўшним, умуман олганда, гаплашса бўладиган бинойидай одам бўлиб чиқди. Унинг «бадқовоқлиги» эса, кўпинча ошқозони оғриганидан экан.

Ва ниҳоят, охирги «кашфиётим» қофознинг, аникроғи ёзувнинг ўзига хос қудрати билан боғлиқ эди. Гап шундаки, юқоридаги «кашфиётларимни» қофозга ёзганимдан кейингина уларнинг ҳақиқий маъносини англаб етдим, десам хато қилмайман. Миямда фикр кўпдай туюлар-

ди, лекин уларнинг барчаси гадойларнинг тўрва халтасидаги буюмлардек аралашиб ётганлиги билан алоҳида бир қийматга эга эмаслигининг гувоҳи бўлдим. Улар қофозга туширилганидан кейин эса худди йиртилган суратнинг майда бўлакларини бирлаштиргач, ундаги тасвир аниқ кўринганидек бўлар экан. Қолаверса, менинг миям ҳам жўяли фикрлар билан банд бўлиши ва ўйлашга арзигулик ўз шахсий мулоҳазаларим бўлиши мумкинлигига аниқ ишонч ҳосил қилдим ва ўзим учун қувондим.

Лекин, барибири, робот айтган гапларнинг ҳаммасини тушундим деб, тушунганларимни эса барисини «тўғри», деб айта олмайман. Қолаверса, у билан гаплашишга пухта тайёрланиб боришимга қарамасдан, ҳар сафар сұхбатимиз умуман куттилмаган томонга бурилиб кетаётган эди.

Охири марта тайёрлаб қўйган йигирмага яқин саволимдан фақат тўрттасини «муҳокама қилдик». Шуларни ўйлаб янги саволларни ёзиш учун қўлимга дафтар-қалам олдим, олдиму... роботнинг **«жўяли савол билимнинг ярмидир»** деган сўзларини эслаб «жўяли» савол излашга тушдим. Бироқ пешонам қанчалик тиришмасин, жўяли савол тугул, миямга биронта ножёу савол ҳам келмади. Сабаби – бутун хаёлим қилган «кашфиётларим» билан банд эди.

Нимага шу вақтгача ўзим ва яқинларим ҳаётидаги яққол кўзга ташланадиган нарсалар кўзимга кўринмаган? Бунга нима халақит берган?.. Кўзим кўр эмас-ку...

Орадан икки кун ўтгач, бу масалага ўспирин ўғлимнинг атиги бир ой олдин сотиб олинган туфлиси йиртилганлигига бағишлиланган оиласвий «давра сұхбати» ойдинлик киритди.

– Вой ўлай, ...яп-янги туфлини, ...ўлсин шу футбол, ...тўхтаб тур, дадангга айтиб бермасамми сени, ...мактабга нима киясан энди.., қачон одам бўласан?!

«Давра сұхбати» ҳар галгидек «Бундан кейин қилмаслик» тўғрисидаги қарор қабул қилиниши ва бу қарорга ўғлимнинг белидан пастроқ жойига онасининг кафтида «сақланадиган» муҳр қўйилиши билан якун топди.

Аслида гап ўғлимда ёки кўчада тепилган тўпда ҳам эмас. Ҳамма гап ҳақиқий чармдан тикилган пойафзалдан тўрт баробар арzon турадиган одамлар орасида «Китайский» деб аталағидиган туфлида эди. Гап туфлида, лекин жанжални келтириб чиқарган муаммо бевосита мен билан боғлиқлиги қўлимга қофоз-қалам олиб «Муаммо нимада?» деган саволга жавоб излашга киришганимдан кейингина маълум бўлди. Жавобларим жуда қизиқарли чиқди:

- ўғлым мәхнатимни қадрламаслигигида;
- сифатсиз моллар күпайыб кетганилгигида;
- кийим-кечак қимматлаб бораётганилгигида;
- маошим озлигигида;
- құшымча даромад топишга имконим йүқлигигида.

Аммо бу жавоблар мени қониқтиrmади, чунки биронтаси ҳам муаммони ҳал қилишга ёрдам бермағаси. Уларнинг ҳар бири ўзимни оқлашша хизмат қиласы, холос. Ахир кимлардир фарзандига эңг сиғатли ва эңг қиммат нарсаларни олиб беришга қодир-ку... демак гап менинг ўзимда эмасми?

Аслида, мумаммонинг аниқ ечими «ҳақиқий» туфли қимматлигигида эмас, балки мен ўғлымга уни сотиб олиб бера олмаслигимга бориб тақалаёттан эди. Ўз ҳақиқатимни тан олишга бутун вужудим билан қаршилик қылғаним етмаганидай, бирорни эмас, аслида ўз олдимда ўзимни алдаб, етар-етмасликни «камтарона ҳаёт кечириш» деган атама билан алмаштириб қўйғаним ўзимдан бошқа ҳаммани айблашга йўл очиб берган экан.

Эртадан кечгача бутун ўй-хаёли фақат «тирикчилик» масаласи билан банд бўлган эркакнинг кўзи ўз дардидан бошқа ниманиям кўриши мумкин... Нимага сал нарсага асабим қўзғаб жиғибийрон бўлишим ҳам шундан эмасми, ахир?

Ишқилиб, орадан яна ўн кунлар чамаси ўтиб, роботга ўз кузатувларим ҳамда кашфиётларим тўғрисида гапириб бердим ва у фақат амаким билан боғлиқ, яъни эри билан ажрашган унинг қизига тегишли масалада бир нечта савол берди. Бу саволларда ҳам олдинги мулоҳазаларимиздаги каби кўпинчча, жавоб яширинган эди.

- Амакинг қизини ўзи рози бўлиб узаттаними?
- Шундай бўлса керак.
- У ўз қудаларига қандай яхшиликлар қилғанлининг аҳамияти йўқ, аммо унинг яхшилик қилишдан асл мақсади нима бўлганини биласанми?
- Йўқ, билмадим.
- Эри билан ажрашган жиянингнинг феъл-атворини биласанми?
- Йўқ, унчалик эмас.
- Кудаларининг-чи?
- Йўқ.
- Шуларни билмасдан туриб, келинни яхши, қудаларни ёмон одам деб айтишга сенда қандай асос бор?
- ...

Шу билан бу масалага ҳам бир эмас, күплад нүқталарни қўйиб, шахсан мени қийнаб турган саволларга ўтадиган бўлдик ва мен ҳеч қандай кириш қисми ёки сўзбошисиз унга савол бердим:

— Сенга айтиб берган «кашфиётларим» ўзимга жуда таъсир қилди. Лекин умримнинг ярми ўтди, ҳисоб. Наҳотки, ҳаётимда ҳеч нарса ўзгармаса? Ёки «Ҳар ким пешонасида ёзилганини кўради» деган гап ростми? Ҳаётда яйраб, мамнун бўлиб яшашнинг илоҳи борми ўзи?

Робот бошини бироз эгиб, узоқ вақт зингиллаб «ўйланиб» турди. Назаримда унинг кетма-кет қўйилган саволлар маъносини илғаб олиши қийин бўлди. Ҳойнаҳой, одатдагидек савол бера бошласа керак, деб ўйлашим билан, у нимагадир бошини кўтармасдан гапира бошлади:

— **Ҳамма пул кетидан чопади.** Гулларни, осмондаги қушларни томоша қилишга кимнинг вақти бор? Буларнинг барини сизлар кейинроққа, яъни ҳамма нарсага эришиб, оёғингизни узатиб хотиржам яшайдиган вақтларгача суреб кўясиз. Ана шунда «ҳаётнинг барча гўзаллик ва лаззатларидан баҳраманд бўлиб, яйраб яшайман», — деб ўйласиз. Бироқ ҳамма нарсангиз бўладиган вақтга бориб сизлар пул тошиш йўлидан бошқа йўлни билмайдиган ва тан олмайдиган, маълум қолипга солинган, аниқроғи, фақат маълум дастур бўйича ишлайдиган, менга ўхшаган роботга айланиб қоласиз. Мен эса атиргулнинг ҳидини билмайман, гўзалликнинг завқини, мусиқа ёки шеърият лаззати ва рақс жозибасини тушунмайман, мусаффо ҳаводан нафас олиб ёки гўдакнинг кўзларини кўриб маст бўлолмайман. Чунки мен роботман.

Киши катта пул ишлаб топиш йўлига бутун вужуди билан шўнғиб кетганидан кейин, бунинг эвазига нималарни йўқотиши мумкинлиги тўгрисида ўйламайди. Уни баҳтли қилиши мумкин бўлган барча нарсалардан бенасиб қолиши ҳеч қачон хаёлига келмайди, чунки буларни у ҳамиша кейинга, кейинроққа суреб яшайди. Лекин бугунги кувончни, табассумни, меҳрни ёки ҳаётдан миннатдор бўлиш завқини «эртанги кун учун», деб сандиқда солиб сақлаб бўлмайди.

Робот сўзини тутатиб, ҳамон бошини кўтармасдан: — Жавобим сени қониқтирдими? — деб сўради.

— Унчалик эмас, — дедим бироз ўйланиб. Кимдир айтган экан: «**Одамни қанчалик тарбиялама, у барибир яхши яшашни истайди**», — деб. Бунга нима дейсан?

— Айтганларимни жиддий қабул қиласан, деб иложи борича шошмасдан гапирдим, — деди робот бошини кўтариб. Гапларимни инкор қилишдан олдин ўйлаб кўр.

Одамлар истагига келсак, истак жуда нозик нарса. **Истак сенинг Баҳтингта шарт қўяди:** «Мен баҳтиёр бўламан, агар шу машинага, шу

аёлга, шу уйга, шу мансабга, мебелга, кийимга... эга бўлсам». Истак амалга ошиши ўзингни баҳтиёр сезишингга йўл очиб беради. Анча енгил торгасан. Кайфиятинг ҳам аъло. ...Лекин бу ҳолат қанча вақт давом этиши мумкин? Фақат бир неча дақиқа. Кейин сенда янги истак пайдо бўлади ва бу пойга ҳеч қачон тўхтамайди. Қачон яшамоқчисан, деган саволга одамларда жавоб йўқ. Яшаш эса ўзингни ва борлиқни қандай бўлса, шундайлигича қабул қилишдан бошланади.

Робот айтган бу гапларнинг мағзини чақиш учун менга маълум вақт кераклигини сезиб, кейинги саволга ўтдим:

- Камбағаллик айбми?
- Йўқ, камбағалликда айб йўқ. Чунки ўзи маълум айбларнинг маҳсули бўлган нарсани айблаш қийин.
- И-е, қизиқ гап бўлди-ку, — дедим, кутилмаган жавобдан бирдан қизишиб. Агар мен камбағал бўлсам, демак ўзимнинг айбларим туфайли етар-етмасликда яшар эканман-да?
- Ҳа, шундай.
- Хўш, сенингча қандай айбларим туфайли мен камбағалликда яшाएтган эканман..? — дедим қизишиш аралаш қизиқиши билан.
- Нонга пулни одам қўллари билан ишлаб топади, сариёғга эса калласи билан, — деди робот.

Оббо, ҳақиқий қизишиш энди бўлади шекилли, нимага шаъма қиляпти ўзи бу сурбет.

— Яъни, «сенинг калланг ишламайди...» демоқчимисан? — деган пичинг аралаш саволим юзасидан робот мулоҳаза юрита бошлади:

— Тирик одамлар орасида руҳий касаллардан бошқа «калласи ишламайдиган» одамнинг ўзи йўқ. Лекин кўпчилик «калласини ишлатиб» ақлли, доно бўлишни эмас, ақлли бўлиб кўринишни истайди, холос, чунки буни уддалаш жуда осон. Деярли ҳеч ким доно бўлиб кўринишга уринмайди, чунки бунинг иложи йўқ. Ақлинг йўқлигини яшириш мумкин, донолик йўқлиги дарров кўринади. Муҳтоҗликда яшайдиган одамни ақлли деб, хотиржамликка эриша олмагани доно деб бўлмайди...

— Илтимос, тўхта, — дедим роботга ва икки қўлим билан бошимни ушладим. Сен шошмасдан гапиришингга қарамасдан, мен кетингдан бирор фикрга келишга ултурмаятман. Ҳар бир айтган гапингни ўйлаб кўришим керак. Донолик деганда сен нимани назарда тутаяпсан?

— Асрлар давомида саралаб олинган, кишига яхшилик келтирадиган маслаҳатларга одам ўз кундалик ҳаётида, турмуш тарзида амал қилишини донолик деб ҳисоблаш мумкин, — жавоб берди робот.

Жавобни эшлитиб, энсам қотди. Сийқаси чиққан панду насиҳатларни энди роботдан ҳам эшлиши навбати келганини сезиб,

маслаҳаттүйлардан безор бўлган қулогимга ачиниб, пичинг аралаш сўрадим:

— Кишига яхшилик келтирадиган маслаҳатларни билсак бўладими?

— Сенга уларни айтганимнинг фойдаси йўқ, — деди робот.

Ичимдаги пичингдан пичагинаси ҳам қолмай, кўзларимни пирпиратганча, бир дақиқа гапира олмай қолдим, кейин ичимдан бўралаб сўкиниб қўйдим. Бу робот эмас, туриш-турмуши гирт типратикон.

— Фойдаси йўқ деганинг нимаси?!

— Кўзи кўрга камалак нималигини тушунтириб бўлмайди, — деди робот.

Ҳозиргина пирпираб, чараклаб турган кўзларим олди қоронгилашиб кетди. Ҳар нарсанинг ҳам чегараси бор ахир, одамнинг сабркосаси резинадан ясалган эмас-ку! Резина косадан анча кейин ихтироқилинган!

Токи бундан кейин робот оғзига келганини гапиравермаслиги учун унинг танобини тортиб қўйишим керак эди.

— Биласанми, — дедим ҳужумга тайёрланаётган арслондай ўрнимдан туриб, — назаримда, менинг ихтирочи дўстим сенинг миянгни ширакайф бўлиб ясаган кўринади. Одам билан, айниқса, эркаклар билан гаплашганда озгина ўйлаб гапириш керак. Ҳозир айтган гапинг билан мени ҳақорат қилдинг. Вужудида зигирча эркаклик фурури бўлган одам ҳақоратни кечирмайди, баҳтингга сен одам эмас, машинасан.

Роботга айтган жиддий гапларим қандай таъсир қилишини кузатиб турдим ва яхшиям-ки стулдан нари кетмаган эканман, бўлмаса роботнинг жавобидан кейин стулга эмас ерга ўтириб қолар эдим.

— Фақат ҳақиқат ҳақоратли бўлиши мумкин,* — деди робот.

Шу пайт котиба қиз эшикни қоқиб соат тўрт бўлганлигини айтди.

ЛАБОРАТОРИЯ КАЛАМУШИ

Эртаси куниёқ яна роботнинг олдига келдим ва кечаси билан унинг айтган гапларини ўйлаб деярли ухлай олмаганимни, кўп гапларни англаб етишим қийин бўлаётганлигини маълум қилиб, озгина бўлса ҳам мени аяб гапиришини илтимос қилдим.

— Нима демоқчилигингни тушунмадим, — деди робот.

— Сенинг ҳаддан ташқари дангал айтадиган гапларинг руҳиятимни эзib ташлаяпти, сал эви билан гапирсанг бўлармиди, дейман-да...

* Наполеон Бонапарт (1769–1821) – француз давлат арбоби ва саркардаси.

— Ҳар куни ҳеч бўлмаганида бир марта кўзгуга қарайсанми? — тўсатдан сўради робот.

— Ҳа, албатта, соқол олиш, соч тараш дегандек...

— Кўзгу сенинг асл қиёфангни акс эттирадими ёки сени хафа қилмаслик учун кўринишининг сайқал бериб кўрсатадими?

Робот бу сафар ҳам ўз саволи билан менинг нозик кўнглимнинг изтиробларига аҳмоқнинг қаҳридек қаттиқ, бетаъмизнинг ҳазилидек дагал ва чаласаводнинг ўз билимига ишончидек мустаҳкам нуқта кўйди. Алқисса, нозик табиатимни бир четга суриб, робот билан очиқасига гаплашишга қарор қилдим.

— Сен ҳақиқатан ҳам кишига яхшилик келтирадиган маслаҳатларни менга айтишнинг фойдаси йўқ, деб хисоблайсанми? — сўрадим мен жиддийлашиб.

— Тоғ чўққисини расмда томоша қилиш ҳамда ўша чўққининг устидаги ўзинг туриб атрофни томоша қилишининг орасида қандай фарқ бўлса, — деди робот, — яхши маслаҳатни тушуниш билан уни бутун вужуднинг билан ҳис қилиш орасида шунчалик фарқ бор. Бу гапимни тушунмадинг, тўғрими?

— Тўғри.

— Тушунишни истайсанми?

— Ҳа, албатта.

— Бўлмаса, менинг саволларимга мени ҳам, ўзингни ҳам алдамасдан жавоб беришингга тўғри келади, розимисан?

— Розиман...

— Кўпинча, ҳар бир одамнинг ўзи ёқтирган, яхши кўрган ва аксинча, ёмон кўрган одамлари бўлади. Ҳаётда сен ёмон кўрадиган одамлар борми?

— Ҳа, энди, дўст-душман деганларидек...

— Қўлининг қофоз-қалам олиб ўзинг ёмон кўрган одамларни нима учун, яъни қандай хислатлари учун ёмон кўришингни ёзив чиқ, кейин менга ўқиб берасан. Ёзувни, масалан, қўйидаги сўзлар билан бошлашинг мумкин: «Мен айрим одамларни ёмон кўраман, чунки улар: ...»

Ўзимни илмий тажриба ва тадқиқотлар ўтказишга мўжалланган каламушдек ҳис қилиб ноилож қўлимга қофоз-қалам олдим ва тахминан беш дақиқалардан кейин роботга ёзганларимни ўқиб бердим:

Мен айрим одамларни ёмон кўраман, чунки улар:

— қўяпол муомала қилишади;

— ёлғончи, фирибгар;

— иккюзламачи;

- *ғийбатчи;*
- *ҳасадгүй, баҳил;*
- *маннман, худбин;*
- *ўзига бино қўйган, мақтаничоқ;*
- *фаҳм-фаросатсиз, маданиятсиз;*
- *аҳлоқи бузук;*
- *очкӯз.*

— Жуда яхши, — деди робот, менинг ижодим маҳсули бўлган рўйхатни эшитиб, — энди яна бир иш қилишинг керак. Нима деб ўйлайсан, сени ҳам ёмон кўрадиганлар борми?

- Ҳа, бўлса керак, яна билмадим...
- *Фақат иккиюзламачи одамгина ҳаммага бир хилда ёқиши мумкин. Мабодо, сен иккиюзламачи эмасмисан?*
- Йўғ-е, — дедим беихтиёр.

— Ундай бўлса сен ёзадиган яна бир рўйхат «Айрим одамлар мени ёмон кўришади, чунки мен: ...» деб бошланиши мумкин.

Роботнинг бу таклифи нимагадир кўнглимга унчалик ўрнамади. Лекин, ноилож столга ўтиридан, бироз қийинчилик билан ёзганларимни унга ўқиб эшиттирдим.

Айрим одамлар мени ёмон кўришади, чуники мен:

- *кўпинча одамларга бор ҳақиқатни тўғри юзларига қараб айтиб қўявераман;*
- *менга ёқмаган одамлар билан муомала қилмасликка ҳаракат қиласман;*
- *хушомадгўй эмасман;*
- *менинг омад ва ютуқларим уларга алам қиласди;*
- *мустақил фикрга эгаман;*
- *ҳеч кимга ялинмайман;*
- *биров мени менсимаслигига йўл қўймайман;*
- *ҳасад қилишганидан мени ёмон кўришади.*

— Баракалла, — деди мулоҳазаларимни эшитган робот. Энди биринчи ва иккинчи рўйхатни қайтадан ўқиб чиқ, лекин уларни сен эмас, бошқа бир нотаниш одам ёзган деб тасаввур қил.

Ўқий бошладим. Ўқиганим сайин кўз олдимда ўзини фаришта деб ҳисобладиган одам қиёфаси шакллана бошлади. Ўқияпману, оддин ўзимни жарроҳлик хонасига киришга тайёрланадиган бемордек, кейин қилган ўғирлиги кўпчилик олдида фош қилинишига бир дақиқа қолган одамга ўхшаб саросимага туша бошладим. Сабаби робот ҳозир мендан «бегона одам ёзган» гаплар тўғрисида фикримни сўраши аниқ эди.

— Хўш, — деди робот, — таассуротингни гапириб бера оласанми?

Агар роботга ҳақиқий таассуротимни айтсам, ўзимни ер билан яксон қиласман, ёлғон гапирсам, ер ёрилиб, ерга кираман. Умримда бирон марта тұсатдан ер ёрілганини күрмаганligим сабабли, иккинчиини танладим ва ясама хотиржамлик билан:

- Ҳаммаси тұғри, бир нарса дейиш қийин, — дедим ва иккилана-ёттандек құшиб қўйдим, — Сен-чи, сен бу тұғрида нима деб ўйлайсан?
- Мен ўлашни билмайман, — деди робот.
- Яńни, бирор нарса айта оласанми, демоқчиман?
- Мен фақат сен ёзган гапларнинг бир-бирига нисбатан алоқадорлиги тұғрисидаги фикрларни көлтиришим мумкин, холос, — жавоб қилди робот.

Бу жавобни әшитиб, бироз енгил тортдим. «Жарроҳлик ҳонаси қулфланған экан, жарроҳ бугун ишга келмабди, ўғирлигимни фош қилиши мумкин бўлган одам эса гунг бўлиб чиқди. Яшасин ҳаёт! Яшасин меҳнат интизомини бузувчилар ва гунглар!»

- Айтсанг, жоним билан әшитардим, — дедим мен сувдан қуруқ чиққанлигимдан қувончимни яшириб.
- Улар жуда кўп, — деди робот, — зерикib қолишинғ мумкин.
- Йўқ-йўқ, барини әшитишига тайёрман.
- Ундай бўлса әшит, уларни қабул қилиш ёки инкор қилиш кильмаслик ўзингга ҳавола, — деб, овозли кутубхона сўз бошлади:

«Бор ҳақиқатни» одамнинг юзига гапиравериш меҳрни ўлдиради. Агар сен тўгрингда бошқалар қандай фикрда эканлигини билганингда эди, сенда на дўст на қариндош қолмаган бўларди. Гарчи, дўст деб, сен тўгрингда ҳамма нарсани биладиган, лекин барибир сени яхши кўрадиган одамни аташади. Қариндошлар ҳам худди шу тоифадан. Шундай экан, «бор ҳақиқатни» гапиргандан кўра бошқаларга сени яхши кўришларига имкон берганинг афзал. Оғзингдан чиққан ҳар бир сўз, авваламбор ўзингдаги меҳрни, қолаверса сенга нисбатан бўлган одамларнинг ихлосини ё кучайтиради ё заифлаштиради.

* * *

Ниҳоятда кўп нарсани биладиган ёки ўзига ҳаддан ташқари ишонадиган одамларгина «Мустақил фикрга эгаман», деб ўйлашлари мумкин.

* * *

Хеч кимга «ялинмайдиган» одам билан инсоний муносабатлар ўрнатыш қийин бўлади. Чунки у ҳар бир ишни фақат ҳисоб-китоб билан қиласади. Ақли билан юраги «тортишиб» қолишиша, ақли кўпинча ғалаба қиласади. Лекин инсон юраги сезадиган жуда муҳим нарсалар, ҳатто энг катта «ақлнинг» тушига ҳам кирмаслиги унинг хаёлига ҳам келмайди.

* * *

Күпинча димоғдор ва кибру ҳавога берилған одамлар бирор уларни месимаслигига тоқат қила олмайды.

* * *

Елғончилик, иккюзламачилик, ҳасадгүйлик, худбинлик, кибру ҳаво ва манманлик каби иллатларга ҳар бир одам болалитида чалинади. Кап-капта одамлар ҳам бу иллатлардан күтілмаганлыгын күриб асабийлашишинг, ўзинг ҳам ҳалигача улгаймаганлыгингдан далолат беради. Чунки катта одамлар, одатда болаликдаги камчиликларга нисбатан бағрикенг ва кечиремли бўлишади.

* * *

Ўзингдаги иккюзламачилик бирорнинг иккюзламачилигига дуч келганида жаҳлингни қўзғатади.

Ўзингдаги ҳасад бирорнинг ҳасадгүйлиги олдида сени жиғибийрон қиласди.

* * *

Ўгрига «ўгри» десанг, ёқангни йиртади, тўгрига «ўгри» десанг, кулгиси қистайди. Кишини бошқа ҳар қандай иллатда айбласанг ҳам худди шундай таъсир қиласди.

* * *

Бирорни ёмон кўришинг, унга нафрат билан қарашинг, биринчидан, ўзингни ёмон кўришинг ва ўзингдан норози эканлыгингдан, иккичидан, ўзингни, ўз ҳаётингни тартибга солишга ожизлик қилишингни тан олганлыгингдан далолат беради. Одам ўзини ёмон кўриши айб ёки гуноҳ эмас, балки шунчаки бехабарлик, билимсизлик.

* * *

Ҳаётдан аслида нима исташини билганлар одамларни «ёқадиган» ва «ёқмайдиганларга» ажратишмайди.

* * *

Одам ўз ҳидидан ўзи жирканмагани каби, ўзидаги инсоний иллатларни ҳам табиий ва «беозор» деб қабул қиласди. Лекин айнан шу иллатларни бошқаларда кўрганида юзини буриширади.

* * *

Ўзининг кимлигини билмаган одамнинг кўзига кундалик турмуш қийинчиликлари ва бошқаларнинг иллатлари ўзига хос парда бўлиб туради ва у ҳеч ким бошқа бирордан устун ёки афзал эмаслигини, ким бўлишидан қатъи назар ҳар қандай инсон ҳаётидан қимматлироқ ҳеч нарса йўқлигини идрок этолмайди.

Мана шуларнинг ўзи ҳозирча етади, — деди, охириги сўзи билан яна кўзимга «бармоғини тиқиб олган» робот. — Энди яна битта рўйхат тузишинг керак бўлади. Бу рўйхатга ўзингга ёқадиган, сен яхши кўрадиган одамларнинг хислатларини ёзишинг керак ва бу рўйхат «Мен айрим одамларни яхши кўраман, чунки улар...» деб номланиши мумкин.

Беш — ўн дақиқалардан кейин ёзганларимни унга ўқиб бердим.

Мен айрим одамларни яхши кўраман, чунки улар:

- ширинсўз, яхши муомалали;
- кўнгли очиқ, бағрикенг;
- ўз ишига пухта, «қўли гул»;
- сахий, қўли очиқ;
- камтарин, манманликдан йироқ;
- эътиборли;
- кечиримли;
- мени ҳурмат қиласидилар.

Рўйхатни ўқиб бўлганимдан кейин робот бироз вақтгача жимиб қолди, кейин: — Нима деб ўйлайсан, сени ҳам айнан мана шу хислатлар учун яхши кўрадиган одамлар борми? Яъни, ўзингда ҳам шу хислатлар бор деб ҳисоблайсанми? — деб сўради.

Рўйхатга қараб ўйлай бошладим: менда ширинсўзлик, бағрикенглик, сахийлик ва кечиримлиликдан асар ҳам йўқ, мен ҳурмат қиласидиган одамлар ҳам ўтган замонларда қолиб кетган. Работга жавоб беролмадим ва «йўқ» деган маънода бошимни иргатиб қўйдим.

— Сен бугун саволларимга жавоб бериш билан, — деди робот, — мен айтган тоғ чўққисига чиқиб тушдинг ва у ердан туриб бошқаларга ўз кўзинг ҳамда ўзингга бошқалар кўзи билан қараб кўрдинг. Нимаики кўрган бўлсанг ўзингга ҳавола. Лекин сен охириги ёзган гапларнинг мендан сўраган маслаҳатингдан деярли фарқи йўқ.

— Тушунмадим, қанақа маслаҳат?

— Сен «Кишига яхшилик келтирадиган маслаҳатлар»ни билсак бўладими?, — деб сўрадинг, мен эса «Сенга уларни айтганимнинг фойдаси йўқ», — деб жавоб бердим. Ҳозиргина ёзган рўйхатинг ўша сен сўраган маслаҳатларнинг ўзгинаси. Айнан шу сифатлар одамга яхшилик келтиради.

Гоҳ қўлимдаги қоғозга, гоҳ роботга қараб хаёлимни жамлай олмадим.

Нимагадир бир пайтлар цирк томошаларига борганим эсимга тушди. Ўшанда фокусчи мендан қўл соатимни сўраб олди ва кўз олдимда уни тош устига кўйиб, болға билан уриб пачақлаб ташлади. Кейин унинг бўлакларини бир қутичага солиб, қандайдир сехрли ҳаракат-

лар қилиб қутичани очганида у ердан яна ўша пачақланган соат бўлаклари чиқди. Фокусчи саросимага тушиб, «Узр, фокусни эплай олмадим», — деб мени ўз жойимга ўтқазди ва ўргага чиқиб бошқа бир фокус кўрсатишга киришиб кетди. Аҳмоқ бўлиб қолганлигимни билб унинг кейинги томошаларига деярли эътибор бермаганман.

Робот ҳозир менга ўша фокусчини эслатди, лекин соатимни эмас, ўзимни пачақлади шекилли. Фокусчи-ку, томоша охирида менинг «соппа-соғ» соатимни ёнимда ўтирган одамнинг чўнтагидан чиқариб қўлимга берган эди, робот кўрсатган «фокусдан» кейин эса мен ўзимни ҳозирча «соппа-соғ» ҳолда эканлигимни сезмаётган эдим.

— Мен ҳеч нарса тушунмаяпман, — дедим ниҳоят. Мен сенга яхши кўрган одамларимни нима учун яхши кўришимни ёзиб бердим, кишига яхшилик келтирадиган маслаҳатларнинг бунга нима алоқаси бор?!

Гапиришга оғиз жуфтлаган робот бирдан жимиб қолди.

Унинг «қабул соатлари» тугаган эди...

ИНТЕЛЛЕКТУАЛ РИНГ

Робот билан бўлган охирги сұхбатимизнинг уяли телефонимдаги ёзувини уч кун давомида камида ўн мартадан қайта эшитдим ва маъноди мен учун мавхум бўлиб қолган «Кишига яхшилик келтирадиган маслаҳатлар» тўғрисидаги алжирашлардан ташқари роботнинг ҳамма гаплари бўйича умумий холосам: «*Бекорларнинг бештасини айтиб-сиз*», — деган иборага бориб тақалди.

Бирорни ёмон кўришингни ўзингни ёмон кўришингдан далолат берар эмиш!

Шу вақтгача ўзини ёмон кўрадиган одамлардан лоақал биттасини учратган бўлсан ҳам гўрга эди. Тўғри, кимдир ҳаётдан қалтак еганида, орзулари ушалмай елга совурилганида, ўспирин ёшидан нарига ўтмай қолиб кетганлар эса қулоги шалпанглигига, оёғи қийшиклигига куюниб, гоҳида ўзига нисбатан унчалик ширин бўлмаган туйфуларни ҳис қилиши мумкин. Лекин каттаю кичик келишмовчиликлар, ёмонлик ва таъбингни хира қиласидан мумомала одамлар ўзидан бошқа ҳеч кимни ўйламаслигидан, яхши кўрмаслигидан, худбинлигидан эмасми, ахир?!

Иккиюзламачилик тўғрисидаги фикрлари-чи!

Нима эмиш, агар менинг ўзим иккиюзламачи бўлмасам, мен билан худди энг яқин биродаридай кўришиб, оғзи қулогида бўладиган, лекин кетимдан ёмон гап айтадиган одамни кўриб жаҳлим чиқмас экан! Бундайларга ҳар қандай одам ҳам нафрат билан қарайди-ку!

Роботнинг кейинги гапи бундан-да бемаънироқ: «*Ҳаётдан аслида нима исташини билғалар одамларни «ёқадиган» ва «ёқмайдиганларга» ажратишмайди*», — эмиш.

Биринчидан, хурматли робот ака, эътиборингиз учун, одам зоти бор-ки, орзу-умид билан яшайди ва нима исташини ҳатто кечаси ўйғотиб сўрасангиз ҳам айта олади.

Иккинчидан, сиз бир-бирига алоқаси бўлмаган тушунчаларни алаштириб юбораяпсиз, паловга сабзи ўрнига ошқовоқ тўғраб солаяпсиз. Менинг бошқалар тўғрисидаги фикримни ўз истакларимни билиш-бильмаслигим билан қандай қилиб боғлаш мумкин?! Ўргилдим, сендақа «мантиқ фанининг устасидан».

Ишқилиб, шунга ўхшашиб эътиrozларимни бироз адабийлаштирган ҳолда навбатдаги учрашуви мизда роботга айтдим.

Робот одатдагидек бироз вақт зингифлаган товуш чиқариб «ўйланиб» турди, кейин савол бера кетди:

— Икки кишидан қайси бири бошқаларнинг меҳр ва ҳурматига сазовор бўлишга кўпроқ уринади — ўзини ҳурмат ва меҳрга лойик эканлигини аниқ биладиганими ёки бунга гумони бўлганими?

— Иккинчиси.

— Икки кишидан қайси бири қўлидаги ионни бошқа бирорвга беришга қўйналмайди — ҳамиша қорни тўқ бўладиганими ёки кўпинча оч юрадиганими?

— Биринчиси.

— Баракалла, — деди робот. Ўзига нисбатан меҳри тўла одамгина бирорвларнинг меҳрига сазовор бўлишга уринмайди, аксинча ўзидаги меҳрни бошқаларга улаша олади. Ўзига нисбатан нафрат сезмаган одам бошқаларга нафрат билан қарамайди, бирорни ёмон кўрмайди. Иносон ўзини сева олишини ҳам маълум маънода илм, илм бўлганидаям энг муҳим илмлардан бири дейиш мумкин.

Робот яна бирпас жим туриб, тўсатдан умуман кутилмаган савол берди:

— Сен ҳеч ёмон раҳбарлар билан ишлаганмисан?

— Ҳа, раҳбарларим орасида ҳозир ҳам шундайлари бор.

— Уларнинг феъл-автори, муомаласи ёки қиласидан ишларидан бирорвларга нолиганмисан?

— Ҳа энди, ҳамкаслар билан дардлашиб турамиз.

— Ўша раҳбарнинг камчиликларини унинг юзига айтганмисан?

— Йўқ.

— Ундан норозилигингни ёки ёмон кўришингни унга қандайдир бир йўл билан билдирганмисан?

— Йўқ, чунки бу...бу ақлдан эмас.

- Демак, унга яхши мумомала қилгансан, шундайми?
- Ҳа, албатта, чунки раҳбар — бу раҳбарда.
- Жуда яхши, — деди робот, — сен ҳозиргина бир хил хатти-ҳаракатни иккита ном билан атадинг. Сенга яхши мумомала қилиб, кетингдан гапирадиганни иккисизламачи дединг, сен ёмон деб ҳисобладиган раҳбарингга яхши мумомала қилиб, камчиликларини юзига айтишни эса ақлдан эмас дединг. Буларнинг қайси бири түғри?

Олдин кўзларимни шифтга қададим, кейин ерга, лекин на тегада, на пастда ёзилган жавоб йўқ эди ва робот мендан жавоб чиқмаслиги ни билиб кўшиб кўйди:

- Одамнинг барча саволларига жавоб унинг ўзида яширинган, у эса ҳамиша ташқаридан келадиган тайёр жавобни ахтаради. Лекин сенинг бу гапларни ва айниқса, кишининг ҳаётдан нима исташига оид масалалар моҳиятини тушунишинг қийин, аниқроғи сенга ҳали бунга эрта.

Бу гапни эшитиб мен навбатдаги чуқур нокдаунга тушдим, рефери санашга тушди... Ҳозир томошабинлар ҳуштак чалиб, мени масхара қила бошлашади... Эй Худойим, бу қанақаси бўлди! Одам томонидан ясалган машина одамнинг тик юзига қараб туриб «Сен тушунмайсан, сенга ҳали эрта», деса-я!

Лекин таслим бўлишни истамадим.

Бир амаллаб ўзимни қўлга олдим ва роботдан нимага асосланниб бундай деяётганини сўрадим. Робот саволимга эътибор ҳам бермасдан:

- Сен ҳатто ҳозир ҳам нима исташингни билмайсан, — деди.
- Тушунтириброқ гапир, — дедим тишларим орасидан.
- Ўтган учрашувимизда сен кишига яхшилик келтирадиган маслаҳатларни билиб олиш учун ўзинг яхши кўрган ва ёмон кўрган одамларнинг хислатларини ёзив чиқдинг. Суҳбатимиз охирида, биргалашиб, берган саволингга жавобни топдик ҳам. Лекин бу тўғрида яхшилаб ўйлаб кўриш ўрнига сен охирги 72 соат вақтингни менинг айтганларим нотўғри эканлигини ва инсонларга хос салбий хислатлар сенда йўқлигини исботлашга сарфладинг. Агар бу масалага ойдинлик киритишни ҳақиқатан ҳам истаганингда, сен унга маҳкам ёпишиб олган бўлардинг. Демак, нима исташингни ўшанда ҳам аниқ билмагансан, ҳозир ҳам билмайсан.

Робот шу ерда қилаётган эди, чунки ҳозир нима исташимни аниқ билардим: бу — хонадан чиқиб қочиши.

Бироқ, билиш истаги қочиши истагидан устун чиқди, чунки бирдан миямга келган фикр менга қандайдир куч бағишилади. Ахир, ро-

бот билан бўлаётган жангларимизни ва менинг «шармандали мағлубиятларимни» кўриб турган биронта ҳам гувоҳ йўқ-ку! Намунча жиғибийрон бўлмасам. Бу худди компютер ўйинидай бир гап, ютқазсам нима бўлти, мендан нима кетди?! Ўзимга шундай дедиму, ариқдан сакраб ўтмоқчи бўлган Хўжа Насриддин тўғрисидаги, бемаҳал эсимга тушган, робот айтиб берган латифа кайфиятимни кўтарди.

Узокроқда жойлашган кичкина кўприкчадан ўтишга эринган Хўжас Насриддин ариқдан сакрашга жазм қилибди. «Хой, менинг ўн саккиз ёшим!», – деб бир бақирибди-да, югуриб келиб сакраган экан, ариқнинг қоқ ўртасига бориб тушибди. Шунда, атрофига қараб, бу шармандаликни ҳеч ким кўрмаганингига амин бўлгач, «Ўн саккиз ёшингда ҳам бундан ортиқ жойинг йўқ эди», деб қўйибди.

Шу дегандай, бу жанглардан жуда бўлмаганида мени қийнаётган жуда кўп саволларга жавоб топа оламан.

Қолаверса, ҳақиқатан ҳам омадим кулиб боқди. Бетингга қара-масдан бор гапни гапирадиган, «Вақтим йўқ, кейин гаплашамиз» ёки «Қаердаги гапларни топасан-эй», деб устингдан кулмайдиган, ўз калланг билан ўйлашга ундейдиган, деярли чексиз билимларга эга бўлган бундай суҳбатдошни яна қаердан топаман?!

Шундай экан, ақлимни йигиб, унинг билимларидан фойдаланишга ҳаракат қилишим керак. Бунинг учун чираниб бош қотириб ўтиришнинг кераги ҳам йўқ. Хоҳлаган саволимни бераман, чунки ёнимда «Берган саволингни қара!», деб мени масхара қиласидиган «билимдонлар» йўқ.

Шу гапларни ўйлаб, ўзимни анча енгил сездим ва роботга у ҳақ эканлигини айтиб, мени қийнаётган икки масалага аниқлик кири-тишга ёрдам беришини сўрадим ва у ҳар галгидек: – Мен тайёрман, – деб жавоб берди.

– Биласанми, – гап бошладим мен, – олдинги сухбатларимизнинг бирида мен сендан: «Нимага мени ҳеч ким тушунишни истамайди?», – деб сўраганимда, сен: «Чунки ўзингни тушунишни истамайсан», – деб жавоб берган эдинг. Бугунги гапинг ҳам шунга ўхшаб кетади, сен «Нима исташингни билмайсан», – дединг. Булас менга бироз фалати туюлади. Наҳотки эс-хушли одам ўзини тушунмаслиги ёки *нима исташини билмаслиги* мумкин бўлса?

– Мен сени тушундим, – деди робот, – сен ҳам мени тушунишинг учун саволларимга аниқ жавоб беришга ҳаракат қилиб кўр. Агар имкониятинг бўлганида, сен қандай ҳаёт кечиришни истардинг?

– Яхши ҳаёт кечиришни.

– Яша, – деди робот, – лекин бу жуда умумий жавоб бўлди, сен яхши ҳаёт деганда нималарни назарда тутяпсан?

— Соғликни, бойликни, тотувликни, фаровонликни, узок умр күришни, умуман баҳтли ҳәётни назарда тутаяпман.

— Баҳтни йўлда тополмаган одам, уни йўлнинг охирида ҳам топол майди, — деди робот. — Энди кейинги саволимга шошмасдан, обдон ўйлаб жавоб бер. **Кўнглинг нималарни истайди?**

— Нимасини ўйлайман, — дедим обдон-побдонсиз, — кўнглим ҳам худди шуларни истайди-да.

— Йўқ, — деди робот, — сен айтган нарсаларни ақлинг истайди, кўнгил истакларига буларнинг умуман алоқаси йўқ. Ақлинг табиат инъоми эмас, жамиятнинг «совғаси».

Работнинг саволини тушунмаётган эдим, лекин бу сафар ношуд лигимдан изтироб чекмасдан ва ўзимни тарозига солиб ўтирасдан, ҳақиқатан ҳам буни билмаслигимни айтдим.

Робот бироз вақт яна зинфиллаб «ўйланиб» турди, кейин:

— Майли, бўлмаса мен айтаман, агар биронтасини нотўғри деб ҳисобласанг, гаплашамиз.

Сенинг кўнглинг истаклари қуидагилар:

- *севиш ва севимли бўлиш;*
- *бошқалар учун қадрли бўлиш;*
- *хурматли, эътиборли бўлиш;*
- *бошқалар томонидан муносиб инсон сифатида тан олиниш;*
- *ўзлигинги, бетакорлигинги дунёга намоён этиши.*

— Бу рўйхатга эътиrozинг ёки қўшимчанг борми?

Анча вақтгача чукур ўйга ботиб туриб: — Ҳайронман, — деб жавоб бердим.

— Шу вақтгача кўнглим нима исташини сўз билан ифодалашга уриниб ҳам кўрмаган эканман. Гўёки бундай истаклар борлиги шу даражада аниқ-равшан ва ўз-ўзидан маълумки, уларни ифодалашга ёки айтишга умуман зарурат ҳам йўқдек. Ваҳоланки, руҳий изтироб-ларимнинг аксарияти айнан шу истакларим қондирилмай келаётганигидан эканлигини ҳозир яққол англаяпман.

— Бу сен учун жуда муҳим кашфиёт, — деди робот. У ўзингни тушунишга ёрдам бериши мумкин, агар фикрлаб кўрсанг, албатта. Ҳар сафар дунё кўзингга тор, одамлар ёмон бўлиб кўринганида, яқинларинг ва бегоналарга заҳрингни сочганингда ёки сенга муносиб бўлмаган сўзларни гапириб, ёмон ҳаракатларни қилганингда бунинг асл сабаби қайсиdir бир истагинг қондирилмаётганигидан эканлигини билсанг, бошқаларни ҳам тушунадиган бўласан. **Сабаби ҳар бир инсоннинг кўнгли худди сен истаган нарсаларни истайди.**

Лекин, аслида бу ҳақиқий кашфиётнинг бир муҳим бўлаги, холос. Чунки, бу истакларни қандай қилиб қондириш мумкин деган

саволга сен ҳозирча жавоб беролмайсан, бу ҳақда ўйлаб кўришинг керак.

Энди асосий саволга жавоб беришга ҳаракат қилиб кўр. **Шу вақтгача Ер юзида фақат Сулаймон пайғамбарнинг барча истаклари амалга ошган, шунга қарамасдан ҳатто у ҳам умрининг маълум поғонасида кибру ҳавога берилиб кетган.** Бошқа барча одамларга ва шу жумладан сенга ҳам танлаш имкони берилган. Танлаш имкони эса «бани башарга хос бандай осийлик» касаллигини даволаш учун берилади. Бу касалликнинг аломати иложи йўқ нарсаларни исташдан иборат ва бу дардга одамнинг ўзидан бошқа ҳеч ким даво топа олмайди. Чунки у киши эришган ҳар қандай неъматни қадрсизлантириб, ўзида йўқ нарсаларнинг қадрини оширади. **Хўш, сен нимани танлайсан, ҳаётдан нима истайсан?**

Робот ҳозир менга нима исташингни билмайсан, деб қайтадан айтса, буни тан олишга тайёр эдим, чунки масала бунчалик мураккаблиги хаёлимга ҳам келмаган. Беихтиёр елкамни билинар-билин-мас қисиб қўйдим.

— Бугунги учрашувимиз вақти тугаяпти, — деди ёлкаларим ҳаратини кўрган робот, — уйингда хотиржам ўйлаб кўришинг учун қўйидаги маълумотлар сенга ёрдам бериши мумкин.

Биринчиси: ақлинг истаклари моддият оламига тааллуқли, яъни улар кундалик ҳаётинг билан боғлиқ истаклар ва уларни ҳеч қаҷон охиригача қондириб бўлмайди. Кўнглинг истаклари руҳият оламига тааллуқли, яъни ҳис-туйғуларинг билан боғлиқ истаклар ва улар ҳозирнинг ўзидаёқ қондирилиши мумкин. Бунинг учун бешта сезги аъзоларинг орқали ҳаёт нақадар гўзал ва бебаҳо эканлигини сезсанг, ҳис қилсанг, англасанг бўлди. Моддият олами сени ерга торгади (моддий неъмат ва лаззатларга), ҳиссиёт олами — осмонга (маънавий неъмат ва лаззатларга). **Тананг тузилиши бўйича сен ҳайвонот дунёсининг вакилисан, лекин онгли вакили. Руҳиятинг тузилиши бўйича сен фариштасан, лекин моддий тана қафасига жойлаштирилган фаришта.** Бошқа жонзорлар ва фариштадардан сенинг асосий фарқинг — ҳаётинг учун ихтиёр ўз қўлинингга берилганида. Аниқроғи ихтиёрнинг ўзи эмас, балки ўз ҳаёт йўлингни, бошқалар билан қиласиган муносабатларинг шаклини, қадриятларни, эътиқодни, иймонни, муҳаббат ёки нафратни танлаш эркинлиги сенинг ихтиёргинга қолдирилган. Ичингдаги «ҳайвонот дунёсининг вакили» ва «фаришта» ўзаро муроса ва тутувликда яшашса, тўғри йўл танлашда адашмайсан. Қафасдаги қушдан, яъни «фариштадан» қафасни устун қўйган эркак ва аёл ўzlари учун энг муҳим нарсадан ажралишлари мумкин: эркак — ор-номусдан, аёл — шарму ҳаёдан.

Иккинчиси: руҳинг билан тананг бир-бирига маҳкам боғланган ва бир-бираисиз яшолмайди. Улар худди «бир жон бир тан»дай, бир бутун нарса. Масалан, танангга озор етказилса, руҳинг эзилади, күнглингга озор етказилган ҳолларда тананг бўшашиб, ланж бўлиб қолади. Кувонч танангни тетиклашиди, ғам заифлашиди. Тананг ялқов (чунки уни ҳамиша моддият оламининг лаззатлари ўзига тортади), руҳинг унинг мутлақо акси, ҳатто сен ухлаб ётганингда ҳам тинчимайди, туш кўрасан. Тананг маълум мақсад билан қилинадиган ҳар қандай меҳнатдан чарчайди, руҳинг аксинча, яйрайди (чунки у ўзининг чексиз қуввати ва бетакорлигини фақат тана ёрдамида намоён эта олади). Руҳинг яйрасагина тананг яйрайди. Танангни яйратиш орқали руҳингни яйратишга уриниш – бурнинг билан эшишиб, қулоғинг билан қўришга уринишдек гап. Яъни бу ҳолда маст одамга ўхшаб кўзинг кўр, қулоғинг кар бўлади.

Учинчидан: кўнглинг истаклари амалга ошиши учун сен жуда муҳим бир илмни, яъни ўзингни севиш, ҳурмат қилиш ва қадрлаш илмини ўрганишинг керак бўлади. «*Ўз қадрини билмаган, ўзга қадрин на билсин*»* – бу гап ўзингга нисбатан бўлган ҳурматинг ва меҳрингга ҳам тааллуқли. Одам ўзига нисбатан қандай муносабатда бўлса, бошқаларга ҳам худди шундай муносабатда бўлиши тўғрисида гаплашганларимизни эсла. Айнан бошқаларга ва ҳаётга бўлган муносабатинг сен ўзингнинг кимлигингни билишингга яқинлашиди ёки аксинча, узоқлашиди. Ҳаёт сарҳадларида умр кечираётган сен ва ҳар бир одамнинг қадр-қиммати аслида бир хилда юқори даражада баҳоланиши тўғрисида ўйлаб кўр. Бу Коинотда эса ҳеч ким ва ҳеч нарса ҲАЁТнинг ўзидан-да қимматлироқ бўла олмаслиги тўғрисида ўйлаб кўр.

Тўртинчиси: ақлинг истакларини қондирмасдан туриб, кўнглинг истакларини қондиролмайсан. Аниқроғи, ақлинг истакларини қондириш йўлидаги ҳаракатларингтина сен ўзингни севишингга, ҳурмат қилишингга, қадрлашингга асос яратиб беради. Сен бирорвни фақат маълум бир «иши учун» ёки қобилияти учун ҳурмат қилишинг, қадрлашинг мумкин, «шаҳло кўзлари ёки икки қора қоши» учун эмас. Кимнидир самимий ҳурмат қилиш ва қадрлаш туйгуси қалбингда ўша кимсанинг маълум бир иши ёки қобилиятини тан олиб, муносиб баҳолай олганингдан пайдо бўлади. Худди шунга ўхшаб, ўзингни ҳам фақат «нима учундир», масалан, бажарган ишинг, қилган амалинг, эришган ютуғинг, яхши сўзинг ёки одатинг учун ҳурмат қилишинг ва қадрлашинг мумкин. Бирорвни қора қоши ёки юзидағи холи учун

**Махтумқули* (1733–1791) – туркман шоири ва мутафаккири.

севишинг мумкин, албатта. Бироқ сен уни ҳурмат қилишинг ва қадрлашингга асос бўладиган унинг маълум бир «каромати» кўринмаса, охир-оқибатда сенга бу севгидан насиб қилган нарса бор-йўғи битта хол билан икки қора қош бўлиб чиқиши эҳтимолдан холи эмас. Сен ҳам бундан мустасно эмассан. Фақат ташки кўринишинг учун сени севишлари ва қадрлашларини, бойлигинг, ҳовли жойинг, табақанг ёки мансабинг учун ҳурмат қилишларини истасанг, демак одамларнинг кўнгил истаклари амалга ошадиган худуддан тескари томонга, яъни ҳозирги, ўзингни қониқтирмаётган ҳаётинг оқими томонига қараб кетаяпсан.

Мен айтиётган худуднинг эса жуда оддий бир сири бор: ақлинг қабул қилган қарордан руҳинг ҳам яйраса, яъни у ҳам «Ҳа, бу менга маъқул!» деса ёки кўнглинг истагини ақлинг ҳам мантиқан маъқулласа, — шу қарорга асосан қилган барча ишларинг мӯъжизавий равища бароридан келади. Ақлинг ҳамиша бақириб гапиради, қалбинг эса зўрга, паст овозда ва оҳиста шивирлайди. Унга қулоқ солиб, тинглашни ўрган. Бу гап айни ҳақиқатлигини эса ақлинг ёки кўнглинг «маъқулламаган» ишларинг қандай натижа берганлигини ўз тажриба дафтарингдан топасан.

— Қолган гапларни кейин гаплашамиз, вақтимиз тугади, — деб роботнинг кўзлари аста-секин ўчиб қолди.

САРТАРОШ

— Соchlарим тўкилиб кетаяпти, — дедим қўлига қайчи билан тароқни олиб ишга киришган сартарошга.

— Ундай деманг ака, — деди киноя оҳангига мендан чамаси ўн ёшлар кичик бўлган сартарош йигит. Соchlарим тўкиляпти, десангиз улар ҳақиқатан ҳам тўкила бошлайди.

У ишга киришди ва бироз вақт жим бўлиб ишини қилар экан, гапини давом эттириди.

— Соchlарим оқаряпти, десангиз улар ҳақиқатан ҳам оқара бошлайди, юзимда ажинлар пайдо бўляпти, десангиз — яна шу аҳвол.

Раҳматли бувам айтардилар: «Ҳаётингдаги ҳар бир ҳодисани яхшиликка йўй. Оғзингдан чиққан гап ёки хаёлингдан ўтган фикр ҳам аста-секин келгуси ҳаётинг режасига айланиб бораверади», — деб.

Бувам менга жуда гаройиб нарсаларни гапириб берардилар. У охирги уч-тўрт йил давомида мева бермай қўйган кап-катта олма дарахтини чопиб ташлаш ниятида қўлига болта олиб унга яқинлашганидан кейин дарахтга ачиниб: «Майли, агар кейинги йил ҳам мева бермасанг, сени чопиб ташлайман», — деб овоз чиқариб айтган экан.

Буни қарангки, кейинги йилдан бошлаб дараҳт фиж-фиж мева берә бошлаган.

Ү-ку жонсиз дараҳт, одамнинг тирик вужудидаги барча аъзоларни айтмаса ҳам бўлади.

Японияликларнинг оддий сув билан ўтказган тажрибалари тўғрисида эшитгандирсиз?

— Йўқ.

— Улар бир идишдаги сувни учта алоҳида идишга солиб биринчи идишга «Сени яхши кўраман» ва иккинчисига «Сени ёмон кўраман» деб ёзиб кўйишган. Учинчи идишга ҳеч нарса ёзишмаган. Энди бўёғини эшитинг. Мъълум вақт ўтганидан кейин учинчи идишдаги сув айниган. Иккинчи идишдагиси қорайиб кетган, «Сени яхши кўраман» деб ёзилган идишдаги сув эса ҳозиргина кудуқдан олингандек ҳолатда турган.

Энди, ака, одам танаси ҳам ўзига хос идиш-ку. Танамиз таркибининг 80 фоизи сувдан иборатлигини инобатга олсан, ўзингиз тўғрингиздаги фикрингиз ёки сўзингиз танантиз ва аъзоларингизга қандай таъсир кўрсатиши мумкинлиги тўғрисида ўйлаб кўринг.

Ўзингиздан қолар гап йўқ, бирор жойимиз оғриб қолса, оғзимиздан чиқадиган гапларни қаранг: «томогим», «тишим», «ошқозоним» ёки «жигарим» оғрияпти деймиз-у, кетидан «ўлгур», «қуриб кетгур» деган гапларни қўшиб кўямиз. У бечора ошқозон ёки жигар шундай гаплардан кейин қандай қилиб тузалсин, ахир!?

— Полиз экинининг «киндиги», беш ҳарф..., — деб сўради навбат кутиб, кроссворд ечиб ўтирган мижозлардан бири.

— Палак, — жавоб берди сартарош ва гапини давом эттирди.

— Инсон фикри шу қадар қудратли эканки, у бор нарсани йўқ қилиш ва йўқ нарсани бор қилишга қодир экан. Бир синааб кўрсангиз бўлади. Бирон-бир мушкул ишни бошлишдан олдин унинг муваффақиятли якунини кўз олдингизга келтириб ишга киришсангиз, айнан сиз тасаввур қилганингиздек бўлади. Мен буни жуда кўп синааб кўрганман.

— Энг майда заррачалар — протонларнинг харакатини тезлатувчи ускуна, ўн тўртта ҳарф..., — яна гапга аралаши «кроссвордчи».

— Синхрофазотрон, — деди сартарош ва сўзини якунлади: — Бирорнинг олдига бирор-бир юмуш билан борадиган бўлсангиз у билан кўришишингиз билан юзингиздаги табассум ёки аксинча, чимирилган қошларингиз унинг кайфиятига ҳам, сизга бўлган муносабатига ҳам таъсир қиласи.

Сартарош ишини тутатди.

— Исминг нима, ука?

- Файрат.
- Олий маълумотлимисан?
- Йўқ, коллежни тамомлаб, саккиз йилдан буён сартарошлиқ қиласман.

Файрат бир чеккада турган шкафчани тагини очиб бир даста китобларни кўрсатди: — Уйимдаям китоблар жуда кўп, китоб ўқишни жуда яхши кўраман.

- Кроссворд ечишга ҳам қизиқасан, шекилли?
- Йўқ, умуман қизиқмайман, десам ҳам бўлади.
- Нега энди?

Файрат кулимсираб:

— Кроссворд деган нарса «Мен ҳам анча-мунча билимга эгаман», — деб одам ўзига ўзи хушомад қилиб хурсанд бўлиши учун чиқарилган, — деди.

Уйимдан анча узоқда жойлашган бу сартарошхонага тасодифан кириб қолиб ҳар ойда бир марта шу ерда соч олдирадиган бўлиб қолдим, чунки Файратнинг мулоҳазалари ҳам, фикрлаш тарзи ва хатти-ҳаракатлари ҳам мен учун жуда фаройиб бўлиб кўринарди. Одатда, сартарошхоналарда бўладиган олди-қочди гаплар ёки гийбатларга у аралашмас, кимдир унга гапирмагунича ёки савол билан шахсан унга мурожаат қилмагунича индамас эди.

Бир сафар иккита сартарош ва бешта мижоз йигилган бу кичкинагина хонада маҳаллий ҳокимият фаолияти тўғрисида баҳс-мунозара қизиб кетди. Гапни бири қўйиб бири олаётган мижозлардан бири, бошқалар билан келишолмай қолди шекилли, шу вақтгача индамай ишини қилаётган Файратга мурожаат қилди: — Сиз нима дейсиз, уста?

— Билмасам, — жавоб берди Файрат. Бирорвнинг ишига баҳо бериш учун, менимча ҳеч бўлмаганида шу ишнинг мутахассиси бўлиш ёки шу ишга аралашиб юриш керак. Мен эса ҳозирча ўзимдан ортмаяпман, бирор нарса дейишим қийин.

Файрат менинг сочимни олгунича унинг ёнидаги ёши каттароқ бўлган шериги ҳар сафар 2–3 мижознинг ишини битириб юборарди. Бунинг сабабини Файратдан сўраганимда у: — Шеригим тажрибали уста, кўли чаққон. Қолаверса, мен ҳар гал бирорвнинг сочини олаётганимда ўзига хос санъат асари яратишга ҳаракат қиласман. Бу эса вақт талаб этади, — деб жавоб берди.

Бир сафар борганимда Файрат йўқ экан ва сочимни унинг шериги олиб кўйди. Нимага Файрат ишга чиқмади, тинчликми, деб сўраганимда у:

— Дам оляпти. У бизларга ўхшамайди. Ишлашни ҳам билади, дам олишниям. Мен ундан кўра кўп топаман, лекин барибир рўзгорни

зўрга эплайман, унинг топгани эса ҳамиша барокатлироқ бўлиб чиқади, — деди.

Робот билан бўлаётган сұхбатларимиз айни авжига чиққан пайти Файрат билан танишганим мен учун ҳақиқатан ҳам кутилмаган совға бўлди.

Тўртинчи марта сартарошхонага борганимда, креслога ўтирганимдан кейин унга ўзимни қийнаётган савол билан мурожаат этдим.

— Файратжон...

— Лаббай, ака.

— «Сен кимсан?» деган саволга қандай жавоб берган бўлардинг?

Файрат хоҳолаб кулиб юборди ва:

— Бу вазиятга ва саволни ким бераётганига боғлиқ, — деди.

— Ҳар кимга ҳар хил жавоб бераман, демоқчимисан?

— Ҳа, албатта.

— Нега энди?

— Биласизми, бу савол, нима десам экан, қўпол ва тажовузкор савол. Уни сиздан маълум жиҳатдан анча устун бўлган одам бериши мумкин.

— Сен ўзингга «Мен кимман?» деб савол бериб кўрганмисан, ўзингни кимлигингни биласанми?

Қўлига тароқ ва қайчини олган Файрат бир дақиқа тўхтаб қолди, кейин қандайдир жиддий оҳангда ва зўрга эшитарли қилиб жавоб берди:

— Мен айнан шуни билиш учун яшаяпман.

Бирпас жим туриб у қўшиб қўйди:

— Ҳозирча эса одамлар мени ким деб ҳисоблашса — мен ўшаман.

ЖАВОБСИЗ ҚОЛГАН САВОЛЛАР

Робот айтган маълумотлар устида бош қотиришдан олдин шу вақтгача ўрганган нарсаларимни тартибга солиб олишим керак эди. Шунинг учун робот билан навбатдаги учрашувимизда бундан олдинги сұхбатларимизда у айтиб ўтган, лекин асл маъноси менга етиб бормаган айрим гапларга аниқлик киритиб беришини илтимос қилдим. Робот ҳар галгидек:

— Мен тайёрман, — деди.

— Биринчи сұхбатимизда сен «Бошқалардан нима фарқинг бор?»

— деб сўрадинг. Бошқаларга ўхшаш ёмонми?

— Гап бошқаларга ўхшаш яхши-ёмонлигига эмас, — деди робот, — балки ўз қадр-қимматингни билишинг ёки билмаслигингда. Ўз қадрини билган одам бошқалардан фарқи нимадалигини ҳам билади. Тасаввур қил, сен жуда кўп одамлар йигилган оломон орасидасан. Таşқи кўри-

нишинг, ақлинг, дунёқарашинг, моддий аҳволинг ёки лавозимингдан ташқари сен бошқалардан ниманг билан ажралиб туришинг мумкин? Яъни сенинг ўзига хослигинг, алоҳида қандайдир қийматга эга экан-лигинги белгилайдиган нарса нима бўлиши мумкин?

Робот бу саволга жавобимни узоқ кутишига тўғри келди. Пешонамни қанчалик тириштирмайин, фикратимни ёриб чиққан жавобларнинг биронтаси ҳам тўғри келмаётган эди. Ниҳоят, Робот билан бўлган дастлабки сұхбатларимизни эслаб, иккиланиб туриб: — Балки истеъодод ёки қобилияйтдир? — дедим.

— Истеъодод ёки қобилияйт нимада ва қандай намоён бўлиши мумкин? — сўради Робот.

— Киши қилган маълум бир иши ва бу ишнинг натижасида.

— Тўғри, — деди Робот, — ҳамма гап сен қиласидан ишнинг натижасида. Натижа эса сенинг шу ишни бажаришдаги қобилиятынгга боғлиқ, қобилиятынг ривожланиши эса шу ишга бўлган муносабатинг, ихлосингга боғлиқ. Қандай касб-корга эгалигингнинг аҳамияти йўқ. Ўз касбингнинг ҳақиқий устасига айланаб, ишинг натижаси алоҳида сифатга эга бўлиши билан, сен алоҳида қийматга эга бўлган одамга айланасан. Айнан шу нарса сенинг ўзингга бўлган муносабатингни ҳам яхши томонга ўзгаришига асос солади. Ўзингга бўлган муносабатинг яхши томонга ўзгариши эса бутун ҳаётингни ўзгартиради. Агар ўз касбингнинг энг зўр устасига айлансанг, сен бошқалардан, оломондан ажралиб туришинг учун Леонардо да Винчи истеъодидига эга бўлишинг шарт эмас. Маълум соҳада ишлаб юрган одам: «Бу ишда 40 йиллик тажриbam бор», деб мақтанса, демак аслида бундай тажриба унда йўқ. У шунчаки бир йиллик тажрибани 40 марта тақрорлаган, холос. Аслида, у бечора бутун ҳаёти давомида ўз орзу-умидларига эришолмаган. Шунинг учун ўзини «кўп йиллик тажрибага эгаман», деб юпатишга уринади. Қирқ йил давомида ҳақиқатан ҳам тажриба ортириб келаётган одам бундай деб айтишига ўрин ёки зарурат қолмайди. Чунки тажриба дегани — бу ўзинг истаган нарсанинг ўрнига эришган «матоҳдан» бошқа ҳеч нарса эмас. Масалан Абу Али ибн Синонинг «тажрибаси» бўлмаган, у умрининг охиригача тинимсиз ўрганган. Унинг тажрибасини ўрганиш минг йилдан зиёд давом этаётганлигининг сабаби ҳам шунда. Ўйлаб кўр. Бошқалардан сени фақат қўлинигдан келадиган, ҳеч ким сенчалик яхши бажара олмайдиган иш ёки хайрли хислатинг ажратиб туради. Айнан шу нарсалар сени бошқалар учун ҳам, ўзинг учун ҳам қадрли қилиши мумкин. Қолаверса, бу ерда сени айрим беъмани асабийлашувлардан холос қила оладиган бир жумбоқ ҳам бор: айтилган маънода бошқаларга ўхшамасанг, бошқаларга ҳам бошқача бўлишига изн бериб, уларга нисбатан тоқатли бўла оласан.

— Севги-муҳаббат-чи, — дедим робот гапини тугатганини сезгач, — у қўлингдан келадиган ишга ҳам, хислатларингга ҳам қарамасдан севиб ардоқлайди ва қадрлайди-ку?

— Севги сенга «аванс» беради, хорижий сўз учун узр, — деди робот, — лекин таъбир жойиз бўлса, вақт ўтиб севги ҳам «асосий маошни олмаса» ҳатто у ҳам узоққа етмайди. Тўғри, сендаги ишқ щунчалик даражада кучли-ки, унинг қудрати бениҳоят чексиз ва шунинг учун қарама-қарши жинсга нисбатан муҳаббатинг ҳеч қачон «очликдан» ўлмайди. «Очлик» уни мустаҳкамлайди. У фақат тўйинганидан ҳалок бўлиши мумкин.

Маълум фаолиятга бўлган меҳринг эса аксинча, агар шу иш билан шуғулланмасанг, «очликдан ҳалок бўлади» (бу орада сендаги истеъодд йўқ, бўлиб кетади). Қалбингдаги бу меҳрингни ўзинг севган ишга сарфлаганинг сайин бутун вужудинг қувватга минади ва юрагингдаги ҳаёт завқи ҳеч қачон сўнмайди.

Бошимни иргаб қўйиб кейинги саволга ўтдим: — *Сен ўзинг учун кимсан?* — деб сўраган эдинг, одам ўзи учун ким бўлиши мумкин?

Робот бу сафар жуда қисқа жавоб берди:

— *Ўзинг тўғрингда нима деб ўйласанг ҳам — бу сен эмассан. Лекин нимани ўйласанг — сен айнан шу сан.*

Яна бошимни иргадим, лекин «тушундим» эмас, ўйлаб кўраман деган маънода.

— Сен «*энг қийини соғлик сенга нимага кераклигини билишда*» — дединг. Назаримда бу гапинг, эви билан айтганда, сал бемаънидек туюлади. Ахир, соғлик бўлмаса ҳаётнинг мазаси ҳам, қадри ҳам бўлмайди-ку, бу ҳамма учун кундек равshan бўлган оддий ҳақиқат. Соғлик нимага кераклигини билишнинг нимаси қийин?

Робот бу сафар ҳам кутилмаган савол берди:

— Машинанг борми?

— Йўқ, лекин сотиб олиш орзуим бор.

— Машина сенга нимага керак?

— Нимага бўларди, у кўп ишларимни енгиллаштиради.

— Демак, — деди робот, — ҳойна-ҳой машина сотиб олишга пул тўплаётган бўлсанг керак.

— Ҳа, анчадан бўён.

— *Менимча, сен ҳеч қачон машина сотиб ололмайсан,* — деди робот. Сабаби жамғарган пулингни ҳар сафар бошқа нарсаларга сарфлашингга тўғри келаётган бўлса керак.

Робот бу сафар ҳам иззат-нафсимни чимчилаб қўйди, лекин пул жамғаришни эплай олмаётганлигимни билгани мени ҳайрон қолдирди ва мен ундан:

Буни қаердан билдинг? — деб сўрадим.

Робот, одатдагидек, жавоб ўрнига яна савол берди:

— Орзу билан мақсаднинг бир-биридан нима фарқи бор, деб ўйлайсан?

— Орзу — бу келажакда мен эришмоқчи бўлган нарса, мақсад ҳам шунга ўхшаш бир гап.

— Йўқ, — деди робот, — маълум бир орзуни амалга ошириш муддатини белгиласанги тина у мақсадга айланади. Акс ҳолда у шунчаки орзу бўлиб қолаверади. Орзуга эришиш муддатини белгилашинг, яъни уни мақсадга айлантиришинг сени маълум ҳаракатлар қилишга ундаиди. Мақсадга айланмаган орзу орзулитигча қолаверади ва одам қалби умрингнинг охирига бориб, кўпинча орзуларининг «қабристонига» айланиб қолади. Сен машина сотиб олиш мақсадим эмас, орзум бор дединг, яъни уни қачон сотиб олишни белгиламагансан. Демак машина учун тўпланаётган пулларни ишлатиш учун сенда ҳамиша унданда зарурроқ бошқа эҳтиёжлар пайдо бўлаверади.

Роботга: — Тушундим, — деб айтишдан бошқа гап тополмадим ва у гапини давом эттириди:

— Демак, ўзинг айтганингдек, сенга машина кераклигининг сабаби у кўп ишларингни енгиллаштиришида. У сенга маълум ишларни бажаришга, мақсадларингни амалга оширишга хизмат қиласди. Машина билан боғлиқ ишларинг қанча кўп бўлса, у сенга шунчалик зарур бўлади. Инсон соғлиги ҳам худди шунга ўхшаган нарса. Мақсадларинг сен учун қанчалик муҳим бўлса, соғлигинг ҳам шунчалик зарур ва уни асраб-авайлаш сен учун шунчалик муҳим бўлади. «Энг қийини соғлик нимага кераклигини билишда» деганда, сен учун энг муҳим, энг жозибали, ҳамиша ўзига тортиб турадиган энг юксак мақсадларингни аниқлашинг қийинлиги назарда тутилади. Бу мақсадларни аниқлаш ўйлани эса сен билан гаплашдик... варрак тўғрисида гапириб бердинг...

Мен кейинги саволга ўтдим:

— Сен, камбағаллика айб йўқ, чунки ўзи маълум айбларнинг маҳсали бўлган нарсани айблаб бўлмайди, дединг. Бунда қанақа айбларни назарда тутган эдинг?

— Асосий айблар, — жавоб берди робот, — бу саводсизлик, масъулитсизлик ва журъатсизлик.

— Қизиқ, — дедим бироз ажабланиб. Балки саводсизлик ҳақиқатан ҳам камбағаллика олиб келиши мумкиндири, лекин бизнинг замона-мизда саводсиз одамнинг ўзи йўқ-ку.

— Тўғри, — деди робот, — лекин замоналар ўтиши билан аҳоли орасидаги саводсизлар миқдори ҳеч қачон ўзгармайди. Шунчаки ҳозирги саводсизлар ўқиши билан ёзишни билишади. Саводи бор, лекин ум-

рида бирон китоб ўқимаган ёки замонадан орқада қолиб, ҳеч нарсани ўрганишни истамаган одамнинг саводсиздан нима фарқи бор?

— Тўғри, — дедим мен ҳам, — бунга эътиroz билдириш қийин. Менимча, саводсизлик деганда нималар назарда тутилишини энди тушундим. Лекин масъулиятсизлик билан камбағалликнинг бир-бира гоғлиқ жойини ҳеч англаб етолмаяпман.

— Бу жуда оддий, — жавоб берди робот. Ўз оиласи, хотини, фарзандларининг кундалик ҳаёти ва келажаги учун масъулият сезмаган одамгина уларнинг муҳтожликда яшашига йўл қўйиши мумкин. Журъатсиз одамларга келсак, улар аксарият ҳолларда фақат ўзлари одатланган фаолият билан шуғулланишади, илгари қилиб кўрмаган ишига қўл уришдан қўрқишиади. «Бу ишни қилолмайман, қўлимдан келмайди» деб, ўзи учун қийин бўлган ишдан воз кечган одам ўзини нимага қодирлигини ҳеч қачон билолмайди. Ваҳоланки, эътибор берган бўлсанг, одамлар ҳаммасидан ҳам кўпроқ ўзлари учун энг қийин бўлган ишларни уddaрай олгани билан фахрланишади. Камбагал эса журъатсизлиги туфайли ўзидан фахрланишга арзийдиган биронта ҳам иш қилмайди. Фахрланиш учун унда фақат биргина асос қолади — ҳалоллик. Лекин аслида, ҳалоллик нималигини ўзи ҳам тахминан билади, чунки унинг саводи йўқ. У ўзига тўқ ва бой одамларни ўғри ва фирибгар деб ҳисоблагани туфайли ўзини ҳалол одамлар қаторига қўшади. «Ҳалоллик — бу камбағалларнинг шуҳратпаастлиги». Умуман олганда, одамлар ўзидаги нафрат кучини атрофдагиларга эмас, балки камбағаллик ва муҳтожликка қарши қаратишни ўрганишса, вақти етиб ҳар бир хонадонга қут ҳам, барака ҳам кириб келишига йўл очилган бўларди. Чунки моддий фаровонликка эришмасдан туриб ўзлигинг тўғрисида бош қотира олмайсан, яъни умринг, ҳаётинг маъноси тўғрисидаги тасаввурлигича қолаверади.

Робот гапиришдан тўхтаганини сезиб, ичимда «қайнаб» турган яна бир саволни бердим:

— Моддий фаровонликни ҳар ким ҳар хил тушунади. Кимгадир — бу янги телпак, кимгадир — иккинчи хотин. Тўғри, киши муҳтожликда яшамаслиги керак, лекин фаровонликнинг на аниқ ўлчови, на «шуниси етарли» деб айтиш мумкин бўлган миқдори, белгиси йўқ-ку?

— Бор, — деди робот.

Қизиқиб, бутун вужудим қулоққа айланди.

— **Фаровонликнинг белгиси — бағрибутиллик ва хотиржам уйку**, — қўшиб қўйди робот.

— Аввалги суҳбатларимизнинг бирида сен «киши ўзи севган иши билан шуғулланиши жуда муҳим ва бу ҳатто унинг ҳаёт йўлини бел-

гилаб беради», — деган эдинг. Бу масалада ҳам мен тушунишм қийин бұлған бир жумбоқ бор. Гап шундаки, мен учун севимли бўлган фаолият ёки ишни аниқлашим осон эмас. Биринчидан, касб танлаш, кўпинча тасодифий юз беради. Ахир эндиғина мактабни тутатган бола бу масалада ниманиям тушунарди? Қолаверса, ёшлиқда касб танлаб, ўн-ўн беш йил давомида маълум соҳада ишлаганингдан кейин аслида қайси касб ҳақиқатан ҳам ўзингга ёқишини ва мос келишини билиб олиш жуда мушкул. Нима дединг?

— Болалар беғубор бўлишади, — гап бошлади робот. Ўспиринлик ёшигача уларнинг ҳар бири «фаришта»нинг ўзгинаси ва ҳар бири нимага қодирлиги ёки қандай иш учун дунёга келганликлари ҳар бир хатти-ҳаракати, қиласиган ишлари ва қизиқишиларида яққол кўриниб туради.

— Ўргилдим, — дедим бехосдан роботнинг гапини бўлиб, — сенда фарзанд йўқ-да, иккита-учта тирмизагинг бўлганида, уларни «фаришта» деб аташга тилинг айланмасди.

— Нимани назарда тутаяпсан? — сўради робот.

— Болаларнинг инжиқлиги, хархашалари, ўзиниқини маъкуллаб, бақириб йиғлашлари, қулоғига гап кирмаслигини ва ҳоказо. «Фаришта» эмиш!

Робот бироз вақт «зинғиллаб» туриб яна кутилмаган савол берди:

- Онанг ҳаётмилар?
- Ҳа, Худога шукур.

— Уни охирги марта бирон сабабсиз, шунчаки ҳеч нарса демасдан қачон қутоқлаганингни эслай оласанми?

— ...?

— Сени тушунаман, — деди робот. Сен кап-кatta одамсан ва ёш боланинг қилифини қилиш менга ярашмайди, деб ҳисоблайсан. Агар ҳозир сенга айтмоқчи бўлган гапларимни ҳақиқатан ҳам тушуниб етишни истасанг, онангга ўз меҳрингни шу тарзда намоён этиб кўр. Кейин бу иш ўзингга ва онангга қандай таъсир қилишини кузат. Болаларга келсақ, бу борада кичкинагина маъруза қилишимга тўғри келади.

Бола 9–10 ёшгача ўз шахсини ота-онасидан айрим ҳолда тасаввур қилолмайди, онаси, отаси ва ўзини бир бутун деб билади. Ўспиринлик давригача, маълум маънода одам «иккига бўлина бошлагунигача», яъни қиз бола ўзини қиз бола эканлигини, ўғил бола ўзини ўғил бола эканлигини ҳис қила бошлагунича унинг беғуборлик ва поклиқда фариштадан фарқи йўқ. Бола инжиқлик қилишининг сабабини ҳар бир аёл билади: гўдак оч бўлса, таги ҳўл бўлса ёки оғриқ сезсагина йиғлайди. Гўдакликдан ўтган бола эса булардан ташқари меҳр ёки эътибор етишмаслигидан инжиқлик қила бошлайди. Буни

эса фақат болалигиде меҳр кўрган аёл ёки эрининг меҳридан баҳраманд бўлиб яшаб юрган аёлгина ҳис қила олади.

Бирон нарсани баҳона қилиб йиглаб, онасига азоб берадиган бола аслида онасининг меҳрига зор бўлганидан инжиқлик қилади, чунки онасига «мени қучоқлаб, силаб-сийпалаб кўй» деб айтмолмайди. Овқат боланинг танаси ва соғлиги учун қандай муҳим озуқа бўлса, онанинг меҳри унинг қалби ва руҳий соғлиги, келажак ҳаёти учун шунчалик даражада муҳим озуқа. Аслини олганда нафақат бола ёки ўспирин, балки ҳар бир одамни, ёшидан қатъи назар бир ибора, яъни «меҳр истовчи» ибораси билан билан ифодалаш мумкин. Агар шу «меҳр истовчини» тўқиз ёшидан бошлаб фойдали меҳнат қилишга ўргат-масанг, вақт ўтиши билан у ўзидаги фаришталарга хос хусусиятларини сақлаб қолиши қийинроқ бўлади, лекин бу энди бошқа мавзу.

Асосий мавзуга қайтайлик. Болаларни фаришталарга ўхшайди, деганимнинг сабаби улар ҳеч қачон ҳеч нарса тўғрисида мулоҳаза юргизиб ўтиришмайди ва ҳар бири фақат ўзининг асл табиати буюрган ишни қилади. Шу сабабдан айнан болалик ўйинларида одамнинг келажак ҳаёти, келажакда танлаши мумкин бўлган касб кори яққол кўриниб туради. Агар эслаб кўрсанг, болалигингда асосан қайси фаолият сени ўзига ром қилганлиги бир зумда ўзингга аён бўлади. Айнан шу фаолият сенини. Сен шу фаолият учун яратилгансан.

Робот билан танишганимиздан буён биринчи марта унга раҳмат айтгим келди, лекин айтмадим, чунки унинг сўнгги мулоҳазалари миямда яна бир талай саволлар уйғотди.

— Қирқ ёшга қадам қўйган одамга қасб-корни ўзгартириш тўғрисида ўйлаш бироз ғалати туюлади, «Қирқдан кейин сурнайчи бўлмоқ-чимисан?» деган пичинг гап бор, — дедим бироз ийманиб.

Робот жавоб ўрнига ривоят айтиб берди.

Қадимда Европа давлатларининг бирида қайси бир донишмандни қайси бир айби учун эртага қатл қилиш ниятида қамоқча ташлашибди. Қамоқхона бошлиғи унга қандай истаги бўлса бугун бажаришга тайёрлигини айтибди ва донишманд: — «Скрипка чалишини ўргатадиган ўқитувчини олиб келинг», — дебди.

— Уни нима қиласан?! — ҳайрон бўлибди бошлиқ.

— Скрипка чалишини ўрганаман, — дебди донишманд.

— Furt аҳмоқ экансан, — жаҳл билан дебди бошлиқ. Эртага эрталаб сени қатл қилишади, скрипка чалишини ўрганишга бало борми??

— Йўқ, — дебди донишманд, — агар сен аҳмоқ бўлмасанг ўйлаб кўр, скрипка чалишини ўрганишни бир умр орзу қилганман. Агар бугун ўрганмасам, қачон ўрганаман?

Ҳикоясини тамомлаб жим турган роботдан бир дақиқадан кейин «зинғиллаган» товуш эшитилди, демак ниманидир айтмоқчи. Кутиб турдим ва у яна тилга кирди:

— Одам савдоси ва қулликка тушган одамлар тұғрисида эшиганны мисан?

— Ҳа, албатта, бу балони бошидан кечирған танишим ҳам бор.

— Тариқат йүлини таңлаган буюк алломаларнинг күпчилиги устозларга, яғни пирларга мурид бўлишган ва устозлари уларни руҳан ва жисмонан тобланишлари учун шундай топшириқлар беришганки, муриднинг ҳаёти йиллар давомида қулларницидан ҳам баттар бўлган. Лекин шу «қуллик» туфайли улар буюкликка эришганлар. Агар ҳәётингга ўзинг хўжайинлик қилиб, ўзингни шу «хўжайиннинг» энг эзгу орзу-умидларини рўёбга чиқаришга хизмат қиладиган садоқатли қулга айлантиранг, тез орада жуда кўп кўркувларинг, муаммо ва қийинчиликларинг аслида арзимас эканлигига амин бўласан. Но-таниш ҳудудда кечаси кўзингга кўрқинчли маҳлуқ бўлиб кўринган нарса кундузи шунчаки қийшиқ дараҳт эканлигини кўриб қандай табассум қиласанг, бугунги кўркувларинг устидан ҳам вақти келиб шу тарзда куладиган бўласан. Ҳаёт сен учун нотаниш ҳудуд эканлиги аниқ, чунки «биринчи марта» яшайпсан, олдинги ҳаёт тажрибаси ҳеч кимда йўқ. Шундай экан кўрқма, ишга кириш, фақат кексайтанидан кейингина ўз кўркувлари устидан куладиганлар қаторига қўшилма, — деди робот.

Шу ерда суҳбатимиз вақти тугади ва мен афсусланиб хонадан чиқиб кетдим.

МАСЬУЛИЯТ

Афсусланганигимнинг сабаби робот билан бўлаётган суҳбатларимиз, худди сериалларга ўшаб, мен учун энг қизиқарли жойига келганида тўхтатишга тўғри келаётганида эди. Лекин бу бир ҳисобдан роботнинг айтганларини қайтадан эшитиб кўришга ва шу гапларнинг моҳиятини англаб олишимга имкон берарди. Фақат масъулият тўғрисидаги унинг мулоҳазаларига ҳали ҳам тишим ўтмаётгандигидан бироз асабийлашардим.

«Нима учун дунёдаadolat йўқ?», — деган саволимга у: — «Чунки одамлар ўз ҳаёти учун масъулиятни ўз зиммасига олишни истамайди, аниқроғи, улар қандай қилиб масъулиятни ўз бўйнига олиш мумкинлигини билмайдилар.

Омади юришмаса ёки бошига кулфат тушганидан кейин эса бошқаларни ёмонликда ва дунёниadolatsизликда айблайдилар», — деб жавоб берганди.

Орадан беш кун ўтганидан кейингина робот билан учрашишга мұваффақ бўлдим ва бу масалага аниқлик киритиб беришини илтинос қилдим.

Одатдагидек робот сұхбатни саволдан бошлади:

— Кимdir сенга маълум бир ишни қилишни таклиф қилаяпти, деб тасаввур қил. Қандай ишлигининг аҳамияти йўқ: кўчани бир айланиб келишни, унга қарз бериб туришни, биргаликда бизнес қилиш ёки турмуш қуришни. Нима деб ўйлайсан, шу ишнинг оқибати, ниҳояси, айтайлик сенга маълум зарар етказса, бунинг учун ким кўпроқ жавобгар бўлади: сенми ёки у?

Ўйланиб қолдим.

— Мантиқан қараганда, ҳар кимнинг бу ишда тутган ўрни, унга кўшган ҳиссасига, қилган ҳаракатига боғлиқ бўлса керак, — деб жавоб бердим.

— Мантиқан тўғри, — деди робот, — Нима деб ўйлайсан, бирон иш қилишни таклиф қилаётган одам, бу ишни сенинг манфаатингни ўйлаб таклиф қилаяптими ёки ўзиними?

Яна ўйланиб қолдим.

— Менимча, айрим ҳолларда у одам менинг манфаатларимни ҳам ўйлаб бирон ишни таклиф қилиши мумкин, — дедим ниҳоят.

— Мантиқан тўғри, — тақорлади робот. — Кейинги саволларим билан сени бироз қийин аҳволга солиб қўйишим мумкин, чунки фарзандларинг ҳали кичкина ва ҳаёtingда бундай масалага дуч келмагансан. Тасаввур қил, 5–10 йиллардан кейин қизингни сўраб ўйингга совчи келди. Қизинг эса буни эшитганидан кейин ўзи ёқтирган йигитга турмушга чиқиши истаги борлигини онасига, яъни хотинингга айтади. Биринчи савол: **Қизинг ўзи истаган йигитга турмушга чиқишига рози бўласанми?**

Бу саволга жавоб бериш мен учун ҳақиқатан жуда қийин эди. Лекин нимаям қилардим, у жавобни кутиб турибди.

— Қизимни жуда яхши кўраман, тўғрисини айтсам унинг райони синдириш мен учун жуда қийин бўлса керак.

— Яъни, рози бўласан, шундайми?

— ... Ҳа, рози бўлсам керак.

— Иккинчи савол: **Мободо, қизинг ўзи танлаган йигит билан турмуш қуриб, лекин, мени кечирасан, турмуши бузилса, бунга сен кўпроқ айбдор бўласанми ёки қизингми?**

Саволни эшитиб, пешонамни совуқ тер босди. Бўғзимга нимадир тиқилгандай бўлиб, нафасим сиқилганидан бир муддат жим бўлиб қолдим. Лекин робот индамай кутиб турарди.

Ниҳоят, ўзимни қўлга олиб жавоб бердим:

— Тұғри, бу ерда мен ҳам четда қолмайман албатта, лекин... лекин ҳар ҳолда қизим ўзи танлагани учун...

— Хүш?

— Менимча, күпроқ у айбдор бўлса керак.

Робот бироз вақт «зингиллаб» туриб умуман бошқача савол берди:

— Башарият душмани бўлган шайтон ҳар қандай ишни уддалай олади, дейишиади. Лекин у одам зоти қила оладиган бир ишни қилолмас экан, бу қандай ишлигини биласанми?

— Й-ў-қ...

— Шайтон ўзини ўзи алдай олмас экан.

Қизим масаласидаги саволдан кейин ҳали ҳам оқариб турган юзим қизара бошлаганини аниқ сезиб шошганимча роботдан сўрадим:

— Нимага буни менга айтяпсан?!

Роботнинг кейинги бир маромда ва ҳеч қандай ҳис-туйғусиз айтган гаплари узоқ вақтлар давомида хаёлимдан кетмади.

— **Биринчидан**, — деб гап бошлади робот, — кўчани бир айланиб келишни таклиф қилганга сен ўз вақting ва эътиборингни, қарз сўраган одамга пулларингни, совчига эса қизингни бериб юбормоқчисан. Ваҳоланки, вақт ҳам, пул ҳам, қиз ҳам сеники. Уларни бирорга бериш ёки бермаслик фақат ва фақат сенинг ихтиёрингда. Шунга қарамасдан, бирор қилган таклиф сен учун кўнгилсизлик келтириши хавфи пайдо бўлиши билан масъулиятни бошқа одам гарданига юклаш мумкин, деб ўзингни алдаягисан. Масъулият тўғрисида фикр юритган олим ва уламолар фикрича, қимdir сенга маълум бир ишни қилишини таклиф этса, шу ишнинг оқибати учун фақат ўзинг жавобгар бўлишингни тан олсанг, кўп хатолардан холис бўлар экансан.

Иккинчидан, кўчани айланиб келишни таклиф қиладиган одам сенга ҳам бу иш ёқиб тушишини билишини сенинг ўзинг ҳам жуда яхши биласан. Демак, бу ерда сенинг манфаатингдан асар ҳам йўқ. Аксинча, у сенга вақtingни бекорга сарфлашни таклиф қиласди, сен эса рози бўласан. Қарзга пул сўрайдиган одам сенинг манфаатингни ўйлаб сўрайяпти, дейиш мантиққа тўғри келмайди. «Биргаликда бизнес қиламиз» деган одам эса бу ишда сенинг иштирокинг унга кўпроқ манфаат келтиришини билганлиги сабабли, сенинг ҳам манфаатингни кўзлаши мумкин. Буларни ҳам сен ўз мисолингда жуда яхши биласан, лекин яна ўзингни ўзинг алдашга уриняпсан.

Учинчидан, қизингниң ҳаёти ва келажаги учун масъулият тўлаттўқис сенинг гарданингда эканлигини инкор қилолмайсан. Лекин «у ўзи шундай қарор қабул қилаётганини ва уни яхши кўрганлигинг сабабли раъйини қайтара олмаслигинг» баҳонаси билан яна ўзингни

ўзинг алдашга уриняпсан. Яъни ўзингдаги масъулият юкини қизингга юкламоқисан. Машноси замоналар ўзгарғанлыгига бориб тақаладиган гаплар эса сен учун шунчаки баҳона. Замона ўзариши билан, ҳёт ва коинот қонунлари ўзгармаслигини ўзинг ҳам яхши биласан. **Мувозанат асосида тузилган коинот қонунлари эса ҳётда қиз боланинг «ожизлиги, ҳимоясизлиги» ота ҳимояси ва ғамхўрлиги ҳисобига тўлдирилиши билан унинг ҳётини мувозанатда сақланишини тақазо этади.** Оддий қилиб айтганда, ўғлинг учун сени ҳеч ким жавобгар қилолмайди. Шунчаки ўғлингга берган тарбия ва ибратинг мевасини, албатта ўзинг ейишининг тўғри келади, аччиқ бўлса ҳам, ширин бўлса ҳам. Лекин қизинг ҳёти учун жавобгарлик фақат сен ўлганингдан кеийингина унинг эрига ўтиши мумкин. Қолаверса, эркаклик фурурининг пойдевори унинг аёл зотига, юқорида мен айтган коинот қонунларига мос бўлган муносабатидан шаклланади. Бундай пойдевори бўлмаган эркакнинг ҳар қандай фурури ҳамиша бачканга ва қуруқ бўлиб чиқади.

Тўртингчидан, ҳатто бирордан ибрат олиб қилган ишингни ҳам маълум маънода бирорнинг таклифи билан қилинган иш деб ҳисоблаш мумкин. Шу маънода одамлар камдан-кам ҳолларда бирон ишни ўз ақли ва ўз ташаббуси билан қилишади. Уларга ҳамиша кимдир ниманидир таклиф қиласи, қандай кийим кийиш кераклигидан бошлаб, қандай яшаш кераклигича. Бошқалар ибрати билан иш қилиш эса осон ва қулай, чунки ўзингни оқлашга баҳона бор. Қолаверса, сенинг гарданингда турган ўз ҳётинг учун бўлган масъулият юки ҳам камайгандай туюлади, лекин аслида бунинг акси бўлиб чиқади. **Сен қиладиган ҳар бир ишинг – савол, шу ишининг натижаси, оқибати эса жавобdir.** Лекин, масъулиятни ўша жавоб «келганидан» кейин ҳам ҳис қилмайсан. Сабаби – бу ишни зимманнга масъулият олиб бошламагансан. Масалан, салбий оқибатини қабул қилишга тайёр бўлмасдан қарз олишинг ёки қарз беришинг – бу сенинг саволинг. Унинг жавоби келганидан кейин эса хулосанг ҳамиша бир хил бўлади – ё «одамлар ёмон», ё «дунё адолатсиз...»

Ва ниҳоят, **бешинчидан**, одам ўзи билмаган нарсани ёмон кўради, ёмон кўрган нарсасини эса билишни истамайди. Мактабда ўқиганингда ҳар хил фанларга бўлган муносабатингни эсласанг, бунга амин бўласан. Одам ўзини билиши ҳам фақат ўзини яхши кўришидан бошланиши мумкин.

Ўзини яхши кўрадиган, ҳурмат қиладиган ва ўзини қадрлайдиган одамга ўз ҳёти учун масъулиятни ўз зиммасига олиш ҳеч ҳам қийин эмас. У ўз вақти ҳамда меҳнатини қадрлагани учун вақти ва пулини бехудага сарфламайди. Ўзини ҳурмат қилганлиги сабабли фарзандла-

рини ёшлигидан бошлаб муносиб ва бахтли инсон бўлиб ўсишларини ўйлаб иш қиласди. Ўзини яхши кўриши туфайли ўз оиласида ўзаро ҳурматга асосланган тотувлик ва талабчаник руҳи билан сугорилган меҳр-оқибат мұхитини яратишга ҳаракат қиласди.

Робот ўз сўзини тутатган заҳоти менда ўнлаб саволлар пайдо бўлди ва сухбатимиз охиригача орамизга бир дақиқа ҳам сукунат чўкмади.

- Бирорга қарз бериш ёмонми?
- Агар кўркув туфайли қарз берадиган бўлсанг, оқибати яхши бўлиши гумон.

— Тушунмадим, одам бирорга қарзни кўрққанидан бериши ҳам мумкинми?

— Ҳа, сенинг тўгрингда ёмон фикрга боришиларидан кўрққанингдан беришинг мумкин. Ўзинг тўгрингда яхши фикрда бўлсанг, бундай кўркув сени чалгитолмайди.

- Қарз олиш-чи?
- Мирзо Абдулқодир Бедил 300 йил олдин бу тўғрида бир рубоий ёзган, — деди робот:

Қилдим кўп имтиҳон, қарз ола кўрма,
Берсалар сенга жон, қарз ола кўрма.
Қарз адоги маҳол, очдан ўлсанг — ўл,
Одамлардан бир нои қарз ола кўрма.

— Сен «Одамларга ҳамиша кимдир ниманидир таклиф қиласди, қандай кийим кийиш кераклигидан бошлаб қандай яашаш кераклигича», — дединг. Ахир, кийимни ҳам, қандай яашашни ҳам мен ўзим танлайман-ку.

- Сенга буни таклиф қилишади.
- Ким?!
- Хотининг, фарзандларинг, қариндошларинг, танишларинг, қўшниларинг, ҳамкасбларинг, дўстларинг, бегоналар ва радио, телевидение.
- Лекин... лекин, замона билан ҳамнафас бўлиб яашаш керак-ку,
- дедим роботнинг жавобига нима дейишни билмасдан.
- Тўғри, аммо ўзингни англаган ҳолда замона билан ҳамнафас бўлиб яашанинг завқи, мазаси бошқа. Ўзингни йўқотган ҳолда яашаш изтироби эса мутлақо бошқа — бу сени Чингиз Айтматов асаридаги «манкуртга» айлантириши мумкин.

- Очигини айтсам, сени тушунмаяпман.
- Узоқ муддатга мўлжалланган ва келажакда Ер юзида етти эмас, фақат бир миллиард одам яшаб қолишини таъминлайдиган режалар тўғрисида эшитганмисан?

— Ё тавба! Наҳотки учинчи жаҳон уруши бошланса?

— Йўқ, бу режалар урушни назарда тутмайди. Улар тинчлик, то-түвлик, ҳар бир инсонга тўла-тўқис ва чексиз эркинлик беришни ҳамда давлатлар аҳолисининг миллий анъаналари, маънавий меросига оммавий маданият унсурларини аста-секин сингдириб боришни назарда тулади. Орадан 50–100 йиллар ўтиб, кўпчилик давлатларда оила устунлари емирила бошлайди, туғилиш камайиши натижасида аҳоли сони кескин қисқаради.

— «Оммавий маданият» деганинг нима?

— Бу тушунчага аниқ таъриф берилгани менга маълум эмас. Лекин кўпчилик маълумотларга қараганда, оммавий маданият – бу миллатнинг маънавиятига мос келмайдиган одатлар одамлар ҳаётига кириб келишига, оила мустаҳкамлигини таъминловчи эр-хотинлик муносабатларининг аста-секин ўзгаришига ва натижада миллат вакилларининг сони камайишига хизмат қиласидаган маданият. У аҳоли, айниқса, ёшлар онгида мураккаб ва таҳликали ҳаёт ҳақида, унинг шафқатсиз ўйинлари тўғрисида бирёқлама ва сохта тасаввур ҳосил қилишга уринади.

— Тўғрисини айтсан, мен бироз шошиб қолдим, наҳотки бизнинг ҳаётимизга ҳам бундай маданият кириб келаётган бўлса?!

— Жавобларингга қараганда, шахсан сенинг ҳаётингга аллақачон кириб келганга ўхшайди, – деди робот.

Работнинг жавобини эшитиб ўтирган жойимда қотиб қолдим. У зинҳор беҳуда гап айтмаслигига аллақачон амин бўлганман, шунинг учун ҳаяжонга берилмасдан, уни тушунишга ҳарарат қилдим.

— Мисол келтира оласанми?

— Қизингни ўзи ёқтирган йигит билан турмуш куришига рози бўлганинг ва уни шундай қарор қабул қилишга тайёргарлик руҳида тарбиялаётганинг, – жавоб берди робот.

— Ахир, ўн саккизинчи асрда яшаётганимиз йўқ-ку! – асабийлаша бошладим мен. Ёшлар ўз ҳаёт йўлини ўзлари белгилашни истайди, қолаверса, бунга билими ва маълумоти ҳам, эс-хушлари ҳам етади. Қизимни мажбурлаб турмушга беролмайман-ку!?

Робот бу сафар ҳам менга умуман кутилмаган саволлар бера бошлади:

— «Ишқ» сўзининг маъносини биласанми?

— Йўқ, аниқ билмайман.

— Алишер Навоийга муносабатинг қандай?

— Бу нима деганинг?! Қандай бўларди, уни бутун дунё тан олган!

— Унинг «Баҳром ва Дијором» асарини ўқиганмисан?

— Афсус-ки, ўқимаганман...

— Бўлмаса эшит, — деди робот. «Ишқ» сўзи «ашка» сўзидан олинган, бу бошқа бир ўсимликка чирмашиб ўсадиган ўтнинг номи. У қайси ўсимликка чирмашса уни куритмасдан қўймайди. Ота-она ўз фарзандини ақлли, доно қилиб тарбиялашга 20 йил сарфлайди. Ишқ-муҳабат эса атиги 20 дақиқада одамни аҳмоққа айлантиради, қўяди. Фалати-а? Булар тўғрисида шунчаки ўйлаб кўр.

Алишер Навоийга келсак, унинг асарларида, асосан, илоҳий ишқ тараним этилади ва инсоний, яъни жинслар орасидаги ишқ-муҳабатнинг оғатлари турли хил мисоллар орқали таърифланади. Оммавий маданият таргитотининг яширин мақсади эса айнан жинслар муҳаббатини, бойликни, зебу зийнат ва қулайликлар орасида ўтадиган енгил ҳаётни тараним этишга қаратилган. Бу маданият ҳирс ва нафсни уйғотадиган мусиқа, қўшиқ, реклама, фильмлар, кийимлар, турмуш тарзи ва анъаналар халқ онгиди ўрнашиб олишига хизмат қиласди.

Гап қизингни мажбурлаб ёки ўз хоҳиши билан турмушга узатиш тўғрисида эмас, балки уни турмуш қуришга тайёрлаш мақсадида унга берадётган тарбиянгнинг сифати тўғрисида кетяпти.

Сен ва хотининг берадётган тарбия уни кичкиналигидан бошлаб эртага она бўлиб бола тарбиялашга, «қўш хўкизларнинг» бирига айланниб, рўзгор тебратишга, оиласда у бажариши лозим бўлган юмушиларни қийналмасдан адо этиш ва оиласвий қийинчиликларни бошидан кечиришга тайёрлайтими? Агар шундай бўлса, қизинг ўзи ёқтирадиган йигит ахтариши гумон, чунки ҳозирдан у оиласда аёл киши бажарадиган вазифаларни ўрганиш билан банд бўларди.

Ёки ўй-хаёли тўйда қандай чиройли кўйлак кийиши ва эри унинг ҳар бир истагини кондириб, ҳамма нарсани бисёр қилиб бериши билан бандми? Сен уни ўзи ёқтирган йигитга беришга рози бўлишга тайёр бўлганлигинга қараганда, ҳали анча ёш бўлса ҳам, қизинг ҳозирча айнан шу хаёллар билан яшяпти.

Роботнинг бу мuloҳазалари ҳам миямда муҳрланиб қолди. У билада бугунги суҳбатимиз давомида ўзимни худди уйғонаётган вулкан теласига аста-секин тирмашиб бораётган одамдек сезаётган бўлсан ҳам, қўрқувдан кўра барча саволларга жавоб топиш истаги устун келдётган эди.

— Сен айтган гаплар ростдан ҳам қўрқинчли. Бундай оғатлардан ўзим ва фарзандларимни асраш учун нима қилишим мумкин?

— Ўзингни севиб, хурмат қилиб ва ўз қадрингга етиб яша, — деди робот.

— Яна ўша гап! Ўзингни севиш, хурмат қилиш, қадрлаш деганда нимани назарда тутяпсан?! Мен буни тушунолмаяпман!

— Ўзингни севиши деганда қандай бўлсанг, ўзингни шундайлигингча қабул қилиш назарда тутилади. Оммавий маданиятнинг айрим ёрқин юлдузлари юзларини қайта-қайта пластик операция қилди-радилар. Ҳолбуки, инсоннинг ҳақиқий гўзаллиги унинг ўзига хослиги ва бошқа ҳеч кимга ўхшамаслигида. Ўз ҳурматинг ва қадр-қимматингга келсак, бир-икки саволим устида ўйлаб кўришингга тўғри келади.

— Мен тайёрман, — дедим роботга тақлид қилиб.

— Ўзинг севган, ҳурмат қиладиган ва сен учун жуда қадрли бўлган одамларга нисбатан қандай муомала қиласан?

Бироз ўйланиб, ота-онамга, болаларимга ва яна бир-икки одамларга бўлган муносабатимни кўз олдимга келтирдим-да, шошмасдан жавоб бера бошладим:

- унинг ёнида бўлгим келади;
- бирон совға билан ёки бир ишини бажариб хурсанд қилишига ҳаракат қиласан;
- унга нисбатан ҳамиша эътиборли бўламан;
- унга нафим тегишини истайман;
- унга зарур бўлган шароит ва қулийликлар яратишга ҳаракат қиласан;
- еб-ичарини, соғлигини, вақтида дам олиши борасида қайғуруман, бетоб бўлса, дарров шифокорларга мурожжат қиласан;
- фикрларига қулоқ соламан, раъйини қайтармайман;
- мендан шод бўлишини истайман;
- нуя ёки бирор нарсага муҳтож бўлиб қолишига йўл қўймайман;
- менинг назаримда у нотўғри иш қилиб қўйган бўлса ҳам айбистмайман, хатоларини шу заҳоти кечираман;
- унга ҳамиша очиқ юз ёки табассум билан қарайман.

Робот гапим тугаганини сезиб, бироз вақт «зингиллаб» товуш чиқариб турди, кейин умуман бошқача савол берди:

— Бир одам шундай бир фикр айтган: «Одамларга ҳеч нарса ўргатиб бўлмайди, уларга фақат йўл кўрсатиш мумкин». Бу фикрга қўшила оласанми?

— Менинг шахсий тажрибам бу фикрни инкор қиласди, — дедим бироз ўйланиб туриб, — мактаб, институт, уста-шогирдлик дегандай. Ҳамиша бирордан ўрганиб келганман.

— Бу фикрни Жалолиддин Румий айтган, — деди робот. Бу билан буюк аллома тики одамнинг ўзида истак ва интилиш бўлмагунича унга бирор нарсани ўргатганинг фойдаси йўқлигига ишора қилган. Агар интилсанг ҳамма саволларга жавобни ўзингдан топа оласан. Ҳозиргина сен айтган гаплар ўзинг берган саволингга аниқ жавоб бўлди. Сен айтган муомала ва ҳаракатларни, авваламбор, ўзингта нисбатан қил.

Шундагина сен яхши кўрган одамларингга ҳам бундай муомала қилишинг табиий ва ўзинг учун ҳузурли бўлади. Ўйлаб кўр, вақтимиз тугаяпти. Ҳа, айтмоқчи, «ўйлаш» дегани бу нима исташингни билиш ва керакли натижа берадиган ишни қилиш ёки гапни гапириш демакдир. Илмий тадқиқотларга қараганда, одамларнинг қиладиган ишлари ва гапирадиган гапларининг 85 фойизи ҳеч қандай натижа бермайдиган ёки улар кутмаган натижа берадиган ҳаракатлар қаторига кирап экан. Хайр, саломат бўл.

Роботнинг кўзлари аста-секин нурсизланиб, ўчиб қолди.

АВВАЛАМБОР ЎЗИНГ УЧУН ҚИЛ...

Ўйга келиб дафтаримни очдим ва икки соат олдин ёзиб роботга ўқиб берган сўзларим устида ўйлай бошладим. Робот менга ўзинг севган, ҳурмат қиладиган ва сен учун қадрли бўлган одамларга қиладиган муомалангни ўзингта нисбатан қил, деди. Лекин қандай қилиб?

Ёзувимнинг биринчи бандида **«унинг ёнида бўлгим келади»** дейилган. Бироннинг ёнида бўлишни исташим табиий, лекин ўзимнинг ёнимда бўлишни исташим ... — фалати. Бу бемаънилика маъно бормикан? Тун ярим кечадан ошганича ҳар бир бандга билганимча ва тушунганимча изоҳ бериб чиқишига уриндим. Лекин эплай олмадим.

Эртаси кунидан бошлаб ўзимни қониқтирадиган жавобларни топиб ёзиш илинжида ўзимни ва ҳаётни кузатишим, қилган ишларим ҳамда одамлар билан бўлган сұхбатларим қизиқарли саргузаштга айланди. Ўқиган ҳар бир китобим эса ўзига бошқа китобларни эргаштириб келаверди. Орадан икки ойча вақт ўтганини сезмай қолибман. Ниҳоят, изоҳларимни ёзиб тугатдим ва роботнинг олдига бордим.

— Сен берган маслаҳатни тушуниб етиш осон эмас экан. Лекин биронвга қиладиган муомаламни ўзимга нисбатан қандай қилиш мумкин? — деган саволга жавоб беришга уриниб кўрдим. Шуни сенга ўқиб бермоқчи эдим, нима дейсан?

— Мен тайёрман деди робот.

Дафтаримни очиб ёзганларимни ўқий бошладим:

— **унинг ёнида бўлгим келади** (илгарилари зерикканимдан кўчага чиқиб қўшнилар билан нарда ўйнардим ёки гаплашиб ўтирадим. Дам олиш кунлари улфатлар билан учрашишга, меҳмонга бориши ёки меҳмон кутишга, ишқилиб бир амаллаб вақтни ўтказишга ва ёлғиз қолмасликка ҳаракат қилардим. Эндиликда навбатдаги китобни ўқиб чиқиши ва ўзимга ёқсан жойларини алоҳида дафтарга

ёзіб олиш ёки дурадгорлик ишлари билан шуғулланиш учун вақтимни қизғанадиган бўлганман. Балки ёлғизликда зерикмаслигим, аксинча, бунга интилишим, айнан шу, ўзим билан бўлишни истаганимдир?);

— бирон совға билан ёки бир ишини бажариб уни хурсанд қилишга ҳаракат қиласман (робот билан «танишганимиздан» бўён ўзимга йиғирмадан зиёд китоб совға қилибман. Илгарилари китобга пул сарфлашга қизғанардим. Ўзимга кийим-кечакни ҳамиша фақат зарурат туфайли ва иложи борича арzonидан сотиб олишга ҳаракат қилганман. Натижада кўпинча ўзимни бошқалар олдида кам-кўстли сезганман. Ўзингга совғалар қилиб туриш — бу жуда яхши гоя экан. Айниқса, кўчада жазирама иссиқда ўзига ҳатто музқаймоқни ҳам раво кўрмайдиган «кап-кatta» одамлар учун. Режалаштирган ишларимни албатта охирига етказаман, чунки буни ўзим учун қилаётганимни тушуниб етдим);

— унга нисбатан ҳамиша эътиборли бўламан (қалбимга қулоқ солишни ўргана бошладим, тўй-тамоша, зиёфат ёки меҳмондорчиликка вақтимни қизғанганимдан ёки оёғим тортмаганидан боришни истамасам ёлғон гапиришдан уялмайдиган бўлдим. Бирорга айтиб бўлмайди, лекин бундай ёлғондан виждоним ҳам қийналмаяпти. Худо сақласин, буни ўқитувчилар ёки болалар эшиятмасин. Ўқитувчи мени шарманда қилиши, боланинг эса тарбияси бузилиши мумкин);

— унга нафим тегишини истайман (буни мен ўз вақтим ва меҳнатим, авваламбор, ўзимга наф келтириши керак, деб тушунаман. Ўйлаб қарасам, шу вақтгача бошқаларга наф келтиришни сал бўлмаса мұқаддас бурчим, деб ҳисоблар эканман. Натижада раҳмат ўрнига кўпинча маломатга қолганман. Қайси бир китобда ёзилган ривоят маъносини энди англаб етдим, шекилли. Сув идишлари аллақачон бўшаб қолган ва чўлда чанқоқдан азоб чекаётган яқинларинг, дўстларинг ёки бегона одамларга ёрдам бера олишинг учун сенинг идишингда сув бўлиши керак, деган гапнинг асл маъноси — ўзинг учун қайфура олсангги на бошқаларга нафинг тегиши мумкин, деган гапга бориб тақалган экан. Қолаверса, бошқаларга зиён етказмайдиган худбинликнинг нимаси ёмон, деган саволга бирон мантиқли жавоб тополмадим);

— унга зарур бўлган шароит ва қулайликлар яратишга ҳаракат қиласман (маълум бўлишича, аслида менга қандайдир алоҳида шароитнинг кераги йўқ экан, шунчаки миям ва қўлларим ўзимга ёқадиган фаолият билан банд бўлиб чарчаса мен учун ухлашга оддий кўрпача ҳам юмшоқ, обдастадаги сув ҳам қулайлик экан);

– еб-ичарини, соғлигини, вақтида дам олиши борасида қайгурман, бетоб бўлса, шифокорларга мурожаат қиласман (ноннинг ҳақиқий мазасини рўза тутганимда билдим. Соғлиқ билан дам олишга келганда, ҳозирча «ўзбекчилик»дан нарига ўтишим қийин бўляпти. «Дам олиш қочиб кетмас», йиқилиб қолгандан кейингина шифокорларни эслаш ва ҳоказо. Лекин «Эртага қолдириш мумкин бўлмаган иши ...индинга қолдириш мумкин» ёки «Иш аҳмоқларни яхши кўради», деган ҳазиллар ва соғлиқ тўғрисидаги оддий ҳақиқатларнинг мағзини чақишга ҳаракат қиляпман);

– фикрларига қулоқ соламан, раъйини қайтармайман (қалбимга қулоқ солмасдан туриб қарор қабул қилмасликни ўргана бошладим, чунки у кўп нарса билишига амин бўлдим. Атрофдагилар фикрига ҳудди об-ҳавога бўлгандай муносабатда бўлишни ўргандим: арзигулик фикрларни хисоб ва эътиборга оламан, лекин бундан ортифи эмас. Эндиликда ўзимни қандай тутиш ва қандай яшашни ҳал қилиш эркинлигини ўзимда қолдиряпман);

– мендан шод бўлишини истайман (ҳар сафар бирор ишимни охирига етказганимда ўзимдаги шодликни бошқаларга улашгим келаёт-ганлигини сезаман);

– пул ёки бирор нарсага муҳтож бўлиб қолишига йўл қўймайман (қайси бир китобда «Топган пулнингни фақат 70 фоизини рўзгорга сарфлаш, қолган 10 фоизини жамлаш, 10 фоизини ўз эҳтиёжингга ишлатиш ва 10 фоизини ўзинг севган иши (ёки «бизнес») учун ишилат» деган маслаҳатга амал қила бошлаганимга атиги олти ой тўлишига қарамасдан, буни уддалаш қанчалик қийинлигини ва шу билан бирга унинг ҳақиқатан ҳам бебаҳо натижаларини ўзимда синам кўрганимдан кейин билдим. Фалати, лекин айнан шу ишим аста-секин қарзларимни узишимга ҳам ёрдам беряпти);

– менинг назаримда у нотўгри иш қилиб қўйган бўлса ҳам айбсит-майман, хатоларини шу заҳоти кечираман (энг қийини ўзингни айбламаслик, хатоларингни кечириш экан. Ўтиб кетган бирон-бир воқеадан кейин ақлли бўлиш, хатоларингни қайта-қайта эслаб эзилишдан ҳам бемаънироқ иш бўлмаса керак. Лекин ўзингни айбламаслик барибир қийин. Оддий ва инкор қилиш қийин бўлган ҳақиқат: «Ўша вақтда, ўша шароитда ва ўша вақтдаги ақлим ва тажрибам билан бошқача йўл тутишим мумкин эмас эди». Бу гап ўзимни ўтган замонлардаги воқеалар учун айблашни бас қилишимга энг катта ёрдам берди. Қолаверса, агар мен бугун озми-кўпми тажрибага эга бўлсан, бу тажрибани айнан ўтмишдаги хатоларим туфайли ортирга-

ним ҳам айни ҳақиқат. «Бахт бўлишига, баҳтсизлик ёрдам берди», деган нақлни эшитганман);

— унга ҳамиша очиқ юз ёки табассум билан қарайман (судралиб юришга ўргангандар бошини мағур кўтариб юриши қанчалик қийин. Мақсадларим сари ҳар куни бир қадам ташлаганим сайин иягим билан бўйним орасидаги бурчак 90 градусга яқинлаша бошлади ва бундан жуда хурсандман. Чунки одам очиқ юз билан бошини кўтариб юриши унинг бутун ҳаётини яхши томонга ўзгартириши мумкин деб «лоф урган» қайси бир муаллиф аслида ҳечам лофчи эмас экан);

Шу вақтгача бошини эгиг мени эшитиб турган робот дафтарни ёпишим билан бошини кўтариб, деярли хато килмасдан мен ўқиган китобларнинг муаллифларини бирин-кетин айта бошлагани билан мени яна бир бор лол қолдирди:

— Садриддин Айний, Абдулҳай Абдураҳмонов, Абдураҳмон Жомий, Дейл Карнеги, Ким У Джунг, Василий Ключевский, Николай Козлов, Владимир Леви, Мишель Монтень, Алишер Навоий, Мирзакарим Норбеков, Жалолиддин Румий, Питирим Сорокин, Наполеон Хил, Бодо Шефер, Абдулла Қодирий, Ўткир Ҳошимов... Булар сен ўқиган айрим китобларнинг муаллифлари, — деди робот. Бу сен ёзган изоҳлардан сезилиб турибди. Сен жуда кўп, ва ҳатто менда ҳам бўлмаган маълумотларга эга бўлибсан. Сенга айтишим мумкин бўлган гапларни, эҳтимол ўзинг ҳам англаб етганга ўхшайсан. Истасанг айтаман.

— Албатта истайман!

— Бўлмаса эшиш, — деди робот.

Ўзингни кимлигингни билишдан мақсад — нимага қодирлигингни англашдир. Сен бу дунёга бехудага ва тасодифан келмагансан, ўзингни оламга намоён этиш учун келгансан. Табиат сенга муҳтоҷ бўлганлиги учун сени яратган. Ўзингни англаш билан табиат ва бутун олам билан ҳамнафас яшай бошлайсан, одамлар «баҳт» деб атайдиган неъматга эриша оласан.

Ўзингдан нуқсон ахтаришни бас қилишинг ўзингни айблашдан тўхташинг ва ўзингта ачинишдан воз кечишишинг билан сен асл табиатингни намоён қилишга қувват топа оласан (худди фаришталарга ўхшаш болалар каби) ҳамда ўз ҳаётингда ва ҳаётингдан ниманидир яратишга интилиш, куч ва истак сезасан. Нима яратишишингнинг аҳамияти йўқ, лекин сен яратувчига айланасан. Яъни, табиат сени яратишдан кўзлаган мақсадини амалга ошира бошлайсан. Вақтингни бехуда сарфлама. Ўзинг учун, оиласанг учун, одамлар учун, юртинг учун нимадир ярат. Ватанинг билан фуурланиш учун унга муносиб фарзанд бўлиш керак, акс ҳолда бу шунчаки қуруқ мақтанчоқлик бўлиб қолиши мумкин. Худди шунга ўҳшаб, ўзингдан, ҳаётингдан фуурлана олишишинг учун муносиб бўлишшга ҳаракат қил. Чунки аслида се-

нинг ва ҳар бир одамнинг мақоми, қадр-қиммати жудаям баланд.
Буни ҳеч қачон унутма.

Саодатга эришишнинг учта сири бор:

1. **Бошқаларга қараганда кўпроқ бил.**
2. **Бошқаларга қараганда кўпроқ ишла.**
3. **Бошқаларга қараганда камроқ нарсалардан умидвор бўл.***

САККИЗИНЧИ РЕСПОНДЕНТ

Роботнинг гапларидан кейин ғалати бўлиб кетдим, назаримда у мен билан охириги марта гаплашаётгандай эди. Унинг кўзлари ўчиб қолганидан кейин ноилож ўрнимдан туриб, қабулхонага чиқдим. Чиқдиму ўзимни йўқотиб қўйдим. Чунки қабулхона тўла одам экан ва уларнинг ҳаммаси менга табассум билан боқиб, қарсак чала бошлишди. Ўртада эса бир ласта гул билан дўстим турганди....

Довдираф қолганидан ҳозиргина ўзим чиқсан эшик томон бурилиб эшикка қўл узатдим. Ҳамма «ҳо-ҳолаб» кулиб юборди. Қайрилиб яна дўстимга қарадим.

— Азизим, — гап бошлиди у, — биринчи бор робот билан учрашган кунинг эсингдами?

— Ҳа.

— Ўшанда нима мақсадда ишхонамга келганинг-чи?

— Йўқ.

— Эслатайми?

— Ҳа.

— Балки эслашга ўзинг уриниб кўрарсан?

— Йўқ.

— Намунча «ҳа-йўқ» деб қолдинг, — деди кулиб дўстим, — ўтириб гаплашсак бўладими?

— Ҳа.

Қабулхонадагилар яна кулиб юборишли ва бўш курсиларга ўтириб олишибди. Мени котиба қизнинг курсисига ўтқазиб, дўстимнинг ўзи қўлидаги гулдаста билан ўртада тик туриб гап бошлиди:

— Бундан деярли бир йил олдин сенга «Вақт топиб ишхонамга айланиб бор, сенга ишим билан боғлиқ бир илтимосимни айтмоқчиман», дегандим, сен эса «Айланмасдан тўғри бораверсам бўлмайдими?» деб ҳазиллашдинг, эсингдами?

Мен бошимни иргаб қўйдим.

— Ўшанда сен ҳақиқатан ҳам узоқ «айланиб юрмасдан» эртаси куниёқ келдинг, лекин мен ишхонада йўқ эдим. Сен хонамга кириб

*Уильям Шекспир – (1564–1616) инглиз драматурги ва шоири.

үтирганингдан кейин эса ишларимиз кутилмаган томонга бурилиб кетди. Үшанды сени чақиришимдан мақсад робот билан гаплашиб күриштингни илтимос қилиш эди. Сен эса мен етиб келгунимча аллақачон у билан мuloқotни бошлаб қўйган экансан.

Биласан, кўпгина мамлакатларда одамга хизмат қиладиган роботлар яратиш устида жуда катта ишлар олиб борилмоқда. Биз, яъни институтимиз, сал бошқачароқ йўл тутдик. Яъни одамнинг хизматини бажарадиган эмас, балки уни ўқитиб-ўргатишга, киши қийин вазиятларга тушиб қолганида муаммони ечишга хизмат қиладиган ёнг самарали маслаҳат беришга ва тўғри йўл кўрсатишга ихтисослашган робот яратиш устида иш бошладик. Сал кам уч йил давомида биз роботнинг «хотирасига» жуда кўп маълумотларни жойлаштиридик. Бу маълумотлар кўлами шунчалик кенг эдики-ки, уларни бир одам эртадан кечгача ўқиган тақдирда ҳам бу иш учун тахминан 500 йил вақт керак бўларди. Яъни, ҳеч бир одамда бунчалик кўп маълумотларга эга бўлиш имконияти йўқ. Биз билан биргаликда жуда кўп олимлар иш олиб бормоқдалар – руҳшунослар, социологлар, педагоглар, психиаторлар, ва ҳатто тилшунослар ҳам. Тажриба ниҳоясида улар қўйган кўпдан-кўп саволларга жавоб топишимиз керак.

Робот ишга тайёр бўлганидан кейин, уни синааб кўриш учун турили ёшдаги ва турли соҳа вакиллари бўлган саккизта одам топишимиз зарур эди ва биз уларни танлаб олдик. Танланган одамларга тегишли кўрсатмалар берилди ва робот билан суҳбатлашиш учун уларнинг ҳар бирига ҳафтанинг маълум бир кунида, маълум соатларни ажратдик.

Тажрибага жалб қилинганинларни биз «респондент» деб атаемиз ва сен, яъни «саккизинчи респондент», ҳеч қандай кўрсатма ҳамда тайёргарликсиз, кутилмаган тарзда, асл мақсаддан бехабар ҳолда тажриба жараёнига қўшилиб кетдинг. Ва айнан сен биз бошлаган лойиҳани муваффақиятли якунланишини таъминладинг. Чунки робот билан бўлган суҳбатлар натижасида сенда ва ҳәётингда ўзинг билмаган ҳолда жуда кўп ўзгаришлар юз берди.

Охирги бир йил давомида сен билан деярли ҳар ойда бир марта учрашиб турдик, лекин бирор марта робот билан бўлаётган суҳбатлинг түфрисида лом-мим демадинг. Ваҳоланки, йигирма йиллик дўстлигимиз давомида ҳеч қачон мендан сир сақламагансан. Мана шунинг ўзи кўп нарсадан далолат беради. Шу бир йил давомида юриш-туришинг, гап-сўзларинг, одатларингда кескин ўзгаришлар юз берди ҳамда бу ўзгаришларнинг барчасида қандайдир вазминлик, жиддийлик ва ҳатто яхши маънодаги улуғлик сезила бошланди. Бу ҳақда ҳали бағуржга гаплашамиз.

Қолган еттига респондент ҳар хил сабабларга кўра қўпи билан икки-уч суҳбатдан кейин «ўйиндан» чиқиб кетишиди, уларнинг аксарияти роботнинг «дангаллигини» кўтара олмадилар.

Дўстим! Биз ҳаммамиз сендан жуда миннатдормиз. Сабаби – айнан сен юзлаб одамларнинг машққатли меҳнати зое кетмаганинг исботлаб бердинг. Барча ходимларимиз номидан сенга чин дилдан раҳмат айтмоқчиман!

Қабулхонадагилар қарсак чалиб юборишиди.

Дўстим менга гулдастани бериб, қучоқлади ва яна нималардир деди, эслаб қололмадим. Атрофдагиларнинг самимий табассум ва ол-қишилари мени гангитиб қўйди. Умримда биринчи бор кўпчиликнинг диққат марказида эдим.

Лекин дўстим сўзининг ниҳоясида менга пул мукофоти ажратил-ганлиги ва унинг миқдори менинг бир йиллик маошибидан кам эмаслиги ҳамда бу пулларни буғуноқ кассадан олиб кетишим мумкинлигини айтганидан кейин эсим оғишига сал қолди. Чунки хотинимнинг «топган пулингизни китобларга сарфлаяпсиз..., рўзгорни ўйламай қўйдингиз...» деган дашномлари жонимдан ўтиб кетсан эди. Қолаверса роботнинг: ақлинг қабул қилиган қарордан руҳинг ҳам яйраса, яъни қўнглинг ҳам «Ҳа, бу менга маъқул!» деса ёки қўнглинг истагини ақлинг ҳам мантиқан маъқулласа, шу қарорга, асосан, қилиган барча ишларинг мўъжизавий равишда бароридан келади, деган гаплари ҳақ бўлиб чиққанлигидан қувончим ичимга сифмаётган эди. Ахир, ҳақиқатан ҳам охириги бир йил давомида робот билан суҳбатлашишга бутун вужудим билан берилдим.

Ўй-у хаёлим эса у мен учун очган дунёни ўрганиш ҳамда тушуниш истаги билан банд бўлди ва натижада пул билан боғлиқ муаммоларим ростдан ҳам мўъжизавий равишда, мен учун мутлақо кутилмаган тарзда ўз ечимини топди. Ўзим учун ва севиб қилиган ишимга катта пул тўлайдиган одамларнинг топилиши шу вақтгача ҳаёлимга ҳам келмаган.

* * *

Менга бағишланган «тантаналар» якунлангач, дўстимнинг хонасига кирдик ва у мендан робот билан қурган суҳбатларимиз давомида қўнглимдан ўтган шахсий кечинмаларимни, ўзига хос ҳисобот тарзида ёзиб беришимни илтимос қилди, чунки лойиҳада иштирок қилаётган руҳшунос ва социолог олимлар, қолаверса унинг ўзи учун бу жуда муҳим экан.

– Нималар деяпсан?! Умримда икки қатор хат ёзолмаганману, шахсий кечинмаларимни ёзиш эмиш! Бундан кўра менга ўн вагон юк тушириш осон.

— Кўрқма, ёзган нарсаларингта ҳеч ким баҳо қўймайди. Шунчаки кўнглингдан нима ўтган бўлса шуларни қўлингдан келганича қофозга туширсанг бўлди.

— Йўқ! Ҳеч қачон. Бу иш қўлидан келмайди, вассалом!

— Ҳеч қачон «Ҳеч қачон» деб гапирма, — деди дўстим кулиб. Тушунаман, сен учун бу иш осон эмас, қолаверса ишлайдиган одамсан, асосий ишингдан бўш вақтлари, кечалари ишлашингта тўғри келади. Биламан, сен буни эплайсан! Лекин айтиб қўяй, ёзган 30–40 бет ҳисоботинг учун жуда катта миқдорда пул тўланади.

Бу гапдан сўнг ўрнимдан туришга шайланнаётгандигим эсимдан чиқди ва савол маъносидаги қўзларимни катта очиб, қошларимни кўтариб дўстимга қарадим.

— Тахминан бугун оладиган мукофотинг миқдорида, — деди у.

— Йўге!

— Ҳа-ҳа.

— Бу ҳисоботни ёзишимга менга қанча вақт берилади?

— Кўпи билан икки ой.

Ўрнимдан туриб юрарканман, хонанинг ўртасига бориб тўхтадим.

— Хўш? — сўради дўстим.

— Энди ҳеч қачон «Ҳеч қачон» деб гапирмайман.

Дўстим ёнимга келиб мени кучоқлади. Биргалашиб кассадан мукофот пулини олганимиздан кейин, у мени қўчагача кузатиб қўйди.

— Ёнингта битта тансоқчи қўшиб юборайми? — қичқирди у кетимдан.

— Бор, ишингни қил.

* * *

Уйга келганимдан кейин, бугун бўлиб ўтган ғаройиб ҳодисаларни хотинимга гапириб бериб, пул билан лиқ тўла каттагина сумкани унинг олдига қўйдим.

Ҳақиқатан ҳам хотин зотини тушуниб бўлмайди. Менинг ҳикоямни эшитиб бўлгач, у пинагини ҳам бузмасдан, гўё ҳеч қандай гайриоддий ҳодиса юз бермагандек, «лом-мим» демасдан пул тўла сумкани ичкарига олиб кириб қўйди-да, ўзича нималарнидир хиргойи қилиб, уй ишларига киришиб кетди. Мен буни хотинимнинг менга ва менинг имкониятларимга бўлган чексиз ишончи тарзида қабул қилиб, кайфиятим кўтарилганидан аёллар хусусида ёзилган бир китобдаги фикрни эсладим: «Кўчада кетаётib, динозаврни учратиб қолишингиз эҳтимоли қанча фоиз бўлиши мумкин?», деган саволга ҳар қандай эс-хушли эркак «ноль фоиз» деб жавоб беради. Аёл эса «Эллик фоиз», дейди. «Қанақасига?», деган саволингизга эса у «Ё учратаман, ё учратмайман», деб жавоб берар экан.

— Ака, нима гап ўзи? Тинчликми?

— Ука, ... биласан, ...сенин ҳар доим койиб уришишимга қарамасдан, аслида жуда яхши кўраман. Сен учун қайғурганимдан шундай қиласман.

Акам индамай қолди. Азбарои Худо, кўрқа бошладим.

— Хўш? Қулоғим сизда, ака.

— Мен сенинг соғлигингдан безовталанаяпман.

— Соғлигимга нима бўлти?!

— Ахир, ўзинг ўйлаб кўр. Кечалари ёзув-чиズув билан бўлиб, ўзингдан ўзинг рақс тушиб кетармишсан. Ёки аксинча, кўзларинг жиққа ёшланиб йиглаб ўтирармишсан. Буни қандай тушуниш мумкин, ахир, укажон?! Бунга безовталанмасдан бўладими?!

Гап нимадалигини бир зумда тушуниб етдим, шамол қаердан эса-ётганини ҳам. Бу шамолнинг сабабчиси ҳозир ҳойнаҳой эшик ортида гап пойлаб турибди. Акамнинг ёнидаги нотаниш киши эса шубҳасиз руҳий касалликлар бўйича мутахассис.

— Кечалари ишлаганимда радиони паст товушда эшитиб ўтираман. Бирон ёқимли куй ёки қўшиқ берилса ўзимни тутолмайман, рақсга тушгим келади, чунки қилаётган ишимдан, умуман ҳаётимдан жуда хурсандман. Бунинг нимаси ёмон, ака?

Жавобимни эшитиб юз-кўзи «қовун туширган» одамга ўхшаб қолган акам дастурхонга тикилиб қолди.

— Йиғлаганинг-чи, йиғлашингта сабаб нима?!

Бу сафар, дастурхонни мен томоша қила бошладим ва паст овозда жавоб бердим:

— Гоҳида ичимга сифмай кетадиган қувончдан, миннатдорликдан, шукурдан.

Нотаниш меҳмон бир хўрсиниб қўйди-да, акамга қаради:

— Уста ака, укангиз соппа-соғ. Қани эди шундай саломатлик барчага насиб қилса. Туринг, кетдик! Бу ерда мен қиладиган иш йўқ экан, Аллоҳу Акбар, — деб чаққонлик билан ўрнидан турди.

Меҳмонлар кетидан эшикни ёпиб хотинимга қарадим. У астасекин орқага юра бошлади ва мен бир қадам ташлашим билан ичкарига югуриб кириб кетди. Хонтахтани икки марта айланганимиздан кейин ётоқقا кириб эшикни қулфлаб олди. Мен қофозларимни ўртага олиб ўқий бошлаганимдан кейин унинг меҳмонхонага кириб эшик ёнида турганини сездим, лекин иложи борича жиддий бўлиб кўринишга ҳаракат қилиб, қофоздан кўзимни узмадим.

— Менга қара, шпион, агар яна бир марта акамга мен тўғримда ахборот етказсанг — ўлдирман.

Хотиним, худди лотореясига ютуқ чиққан одамдек турган жойида бир сакраб қўйди-да:

— Дадаси, иссиққина чой дамлаб берайми? — деди қувноқ оҳангда.

Ўнг кафтим билан бўш пиёлани қўлимга олаётганимни кўргач хонадан ўқдай учиб чиқди...

* * *

Ҳисоботимни якунлаб топширганимга ҳам қарийб бир ҳафта бўлди. Мукофот пулларини олганимдан кейин ишхонамдагилар ва қарин-лошларимни уйга чақириб, катта зиёфат бердик. Лекин кўнглим нимагадир фаш. Кечқурунлари уйга келганимдан кейин ўзимни қўярга жой тополмай, китоб варақлайман ёки кўчага чиқиб ёлғиз айланиб юраман. Кунлардан бир кун яна дўстимни излаб бордим.

— Яхши бўлди келганинг, биз ҳозиргина сенинг ҳисоботинг тўғрисида гаплашаётган эдик.

— Нима, қандайдир камчилиги бор эканми?

— Ўйқ, ҳаммаси жойида, шунчаки ҳамкасларим бир ажойиб ғояни ўртага ташлашди.

— Қанақа ғоя?

— Улар, агар сен яна бироз ишласанг ҳисоботингдан кўпчиликка хайр келтириши мумкин бўлган китоб чиқади, дейишяди.

— Китоб!?

— Ҳа, руҳшунос дўстларинг шундай дейишди.

— Э, борей! Кулгимни қистама, мен китоб ёзаманми!?

— Ҳа нима бўти? Тасаввурингга сиғдиришга ҳаракат қилиб кўр: ёзувни саводсизлар ўйлаб топган, оғайни! Синааб кўрмагунича нимага қодирлигини одамнинг ўзи ҳам билмайди. Сенга ишонаман, бу ишни уddyалай оласан. Ҳисоботни уddyадинг-ку, ўшандаям оёқ тираб олгандинг.

Дўстим билан узоқ тортишдик, рози бўлмадим, чунки мактабда иншо ёзишдан қийинроқ ишни билмаган одам учун китоб ёзишдан ҳам каттароқ жазо бўлиши мумкини, ахир? Лекин уйга қайтаётib одатдагидан тезроқ юриб келаётганилгимни сездим, бунинг асл сабаби эса тезроқ бориб қўлимга қофоз-қалам олиш экан. Кейинги олти ой давомида кечалари ва дам олиш кунлари дўстим айтган китобни ёзиш билан ўтказган кунларим мен учун энг лаззатли кунлар эди.

Китоб тайёр бўлди. Лекин, ...лекин бу китобни ҳали умримнинг охиригача ёёсам керак...

ИФТОРЛИК

— Тақсир, ривоятлардан гапириб беринг, — деди ифторликка келген құшниларимиздан бири, ҳали соч-соқоли оқармаган муллага қараб.

— Ривоят-ку ўз йүлиға, — вазмин гап бошлади мулла, — яқында бир одам менга савол берди, жавобини ҳеч тополмаяпман. У киши Куръони Каримнинг оялларидан бирида «Аллоҳни қарздор қилинглар», деган фикр бор. Аммо қандай қилиб одам Аллоҳни қарздор қилиши мумкин, деб сүради.

Даврада ўтирганлар қизиқиб муллани саволларга күмиб ташлаши:

—Хўш-хўш...?

— Куръонда ростдан ҳам шу гап ёзилган эканми?

— У кишига нима деб жавоб бердингиз?

Ўргага сукунат чўкканидан кейин мулла: — Куръони Каримда ҳақиқатан ҳам шундай ояллар бор, лекин ҳеч қачон бу сўзларнинг маъноси тўғрисида жиддий ўйлаб кўрмаган эканман. Шунинг учун у кишига бунинг жавобини излаб қўришга ваъда бердим, — деди.

— Хўш, жавобини топдингизми?

— Йўқ, ҳозирча тополмадим.

Айримлар ёнида ўтирган одам билан ушбу масалани муҳокама қилишга киришиб кетди, хонада «фала-ғовур» бошланди. Ҳар хил тахминлар ўргага ташланди.

— Балки бу ерда тоат-ибодатни тўлиқ адо этиш назарда тутилгандир?

— Шукурни билишга ишора қилинган бўлса керак, ҳойнаҳой.

— Менимча, бу ерда гап одамларга яхшилик қилиш тўғрисида кетаяти-ёв...

— Барча суннат ва фарзларга амал қилиш эмасмикин?

— Тавба, Парвардигорни ҳам қарздор қилиб бўларканми?

Мулланинг «Ҳамма гап шунда-да», деган сўзларидан сўнг жамоа жим бўлиб қолди. Одам боласи Яратганни қарздор қила олиши ақлга сифмайди. Лекин айнан шу гаплар ёзилган. Ва, энг қизиғи, бу намозни тўлиқ ўқиши, садақа ҳамда закот бериш ва ҳоказо деган гаплардан кейин «ва Аллоҳга қарзу ҳасана беринглар», дейилган. Яъни бу ерда намоз, суннат ва фарзларни адо этиш қаторида яна қандайдир амаллар назарда тутилган бўлса керак.

— Айтдим-ку, — деди ўргага тушган жимликни бузиб меҳмонлардан бири, — бу ерда одамларга яхшилик қилиш назарда тутилган. Бошқаларга яхшилик қиласидиганларни тириклигидаям, оламдан ўтганидан кейин ҳам одамлар бир умр дуо қилиб юришади. Яхшилик-

нинг хосиятлари тўғрисида қанчадан-қанча ривоятлар бор! Шундай эмасми, мулла ака?

Мулланинг ўрнига университет домласи жавоб берди: – Жалолиддин Румийнинг шундай сўзлари бор: «Кўрсатгин, дунёда қай бир нарса нуқул ёмонликдирки, унда яхшилик бўлмасин ва қайси нарса фақат яхшиликдирки, унда ёмонлик бўлмасин?». Бу фикрга эътиroz билдириш қийин.

Кимдир «офиз очиш вақти» келганлигини айтди ва гап шу ерда тўхтаб қолди. Аммо назаримда маъраканинг охиригача муллага берилган савол ҳеч кимнинг хаёлидан нари кетмади, шу жумладан менинг ҳам.

Робот билан қурган суҳбатларимиздан кейин орадан бир йилча вақт ўтиб, китоб нашрга деярлик тайёр бўлганидан кейин шу саволга жавоб топдим. Бироқ бу жавобни қанчалик уринмайин на бирорга тушунтира оламан, на қоғозга тушира оламан...

Бу худди бирорга ўзинг билган ажойиб бир янги куйни хиргойи қилиб эмас, сўз билан тушунтиришга ёки асал еб кўрмаган одамга унинг мазасини таърифлаб беришга, саккизинчи ранг борлигини кўрсатиб эмас, балки гап билан исботлашга, ўзинг туғилиб ўсан юртнинг тафтини ва одамларнинг сехрини расмда акс эттиришга урингана ўхшайди. Бунинг эса иложи йўқ.

Роботнинг сенинг кўзинг кўрмайди, қулогинг эшитмайди, деган маънода айтган гапларининг асл моҳиятини эндингина тушуниб етдим, назаримда. Менимча, у қалбимнинг «кўзи ва қулогини» назарда туттган бўлса керак.

Одамни ўзига тортадиган ва унга қувонч бағишлийдиган дунёнинг наинки гўзаллик ва неъматларининг барчаси, онанинг алласидан бошлаб, мумтоз куй-қўшиқлар ва рақсларгача, кўчангда оқиб турган кичкина ариқдан Ниагара шаршарасигача, мактабда биринчи марта сен ёзган шеърдан, Навоийнинг ғазалларигача, одамларнинг табассумидан, осмондаги юлдузлар жилвасигача – буларнинг бари айнан шу жавобнинг бир қисми экан.

Жавобнинг фақат биринчи жумласини уddaладим, у шундай сўзлар билан бошланиши мумкин:

«Ҳар бир тонгни қувонч билан кутиб ол, ҳар бир нафасинг учун миннатдор бўл, сендаги меҳр-муҳаббатга тўла чексиз қувват ўзини намоён этишига изн бер. Бугун сенинг қолган умрингнинг биринчи куни....». Бу жумлани ҳар ким ҳар хил давом эттириши мумкин, лекин гап овоз чиқариб айтиладиган ёки қоғозга ёзиладиган сўзларда, ҳатто маълум фикрларда ҳам эмас. Гап одамнинг қалбida содир бўлаётган ички кечинмаларида, унинг юрагида жўш ураётган туйғу-

ларида, уни ҳаракат қилишга ва яшашга ундаётган эзгу ният ва мақсадларидан. Мен топган, аниқроғи ҳис қилаётган жавобға энг яқин бўлган фикрларни чет эллик бир ёзувчининг асаридан топдим ва уни қўйидагича таржима қилдим:

«Токи одам ўзини баҳтли ҳис қилар экан — у яшаяпти.
Бошқа ҳолатларда у шунчаки кун кечиради.
Демак унинг ичида Худо йўқ.
Парвардигор ҳаётни яхши кўрганларни севади.
Бундайларни у етаклаб юради ва уларга ёрдам беради.
Беҳуда чеккан азоб-уқубатларим,
изтиробларим учун
Худо мендан рози бўлмайди.
У менга: сен баҳтли бўюлмадинг,
чунки буни ўзинг истамадинг, деб айтади».

РОБОТНИНГ АЖОЙИБ КАМЧИЛИГИ

Суҳбатларимиз давомида робот кўпинча мавзуға алоқаси бўлмаган кўп маълумотларни қўшиб айтадиган одати бор эди. У ҳар сафар янги бир сўзни эшитиши билан, шу сўз маъноси билан боғлик бўлган камида 3–4 иборани аралаш-қуралаш қилиб қўшиб юборар, уйқусида алаҳасираган одамдек ёки бир фикрни бошлаб қўйиб, якунига етказмасдан бошқасига ўтиб кетадиган маърузачидек нутқда бироз «довдираб» юрадиган бу одати мени бироз гангитиб қўйиб, баъзида асабимга тегар эди.

Лекин, ўйлаб қарасам, унинг «мен боғдан келиб, у тоғдан келган» пайтларида айтган гаплари ёки муҳокама қилишнинг кераги бўлмаган жуда фалати саволлари ҳам ўшанда жуда кўп нарсаларни англаб етишимга ёрдам берган экан. Бу гаплар бошқаларни ҳам беэътибор қолдирмас деган мулоҳаза билан қўйида уларнинг айримларини келтирмоқчиман.

Роботнинг айрим «фалати» саволлари:

— Сен «болам-чақам» деб яшаяпсанми?
Агар шундай бўлса, бола-чақанг ҳам «болам-чақам» деб яшашини истайсанми ёки «отам-онам» дебми?

* * *

— Сен ўзингни ақлли одамман, деб ҳисоблайсанми? Унда нимага муҳтожликда яшаяпсан?

* * *

— Бу дунёга нима учун келганингни биласанми? Билмасанг, ни-мага елиб-югурасан, асабийлашасан, ҳеч тиниб-тинчимайсан?

* * *

— Сен ўзингни одобли, маданиятли ва бошқалар билан яхши муомала қиласиган одамман, деб ҳисоблайсанми? Унда, айт-чи, ҳаётингда душманлар ёки сен билан келишолмайдиган, асабингга тегадиган одамлар қаердан пайдо бўлиши мумкин?

* * *

— Ҳаётингда сен учун кимдир жудаям қадрли ва керакли эканлигини англағанмидингки, бошқалар учун жуда қадрли ва керакли бўлишдан умидвор бўлсанг?

Работники муҳокама қилинаётган мавзуга оид бўлмаган айрим гаплари:

— Билим олишининг ўзи кишига етарли эмас. Бу билимни яшаб ўтиш, бошингдан кечириш, вужудингга пайвандлаш керак. Шундагина у сенга наф келтириши мумкин. «Одам егани билан эмас, ҳазм қилгани билан яшайди. Бу фикр ақл учун ҳам, тана учун ҳам бир хил тўғри келади».

* * *

Эндиғина уйғониб, лекин уйқуга тўймаган бўлсанг, ўзингни «оналик меҳри» билан севишинг, бу бемалол яна бироз мизғиб олишингга рухсат беришинг бўлади. Ўзингга нисбатан муҳаббатинг «оталик нуқтаи назаридан» бўлса — сапчиб ўрнингдан турасан, бадантарбия қилиб, яшаш учун олға!

* * *

Бирон-бир тўсиқдан сакраб ўтиш учун бир марта шиддат билан сакраш керак. Агар сен юз марта озгина куч сарфлаб сакрашга ҳараткат қилсанг, тўсиққа юз марта пешонанг билан уриласан.

* * *

Ҳар қандай жавобни ўзинг изла, тайёр жавобни ахтарма ва бошқаларга ҳам берма. Чўкаётган одамни қутқариш учун унга қўл узатишинг етарли эмас, у ҳам ўз қўлини узатиши керак.

* * *

Инсон моҳияти тўғрисидаги баҳсларда ўз нуқтаи назарингни сўзлар билан эмас, ўз ҳаётинг билан ёқлашинг керак. Муносиб одамга айланишинг билан баҳсда ютдинг!

* * *

Ҳаётдан аслида нимани исташини биладиган одам ё жуда қўп нарса билади, ёки жуда оз нарса истайди.

* * *

Кўпчилик одамлар, одатда, бекорчи бўлишади. Ҳатто ҳар куни бирор-бир соҳада тинимсиз ишлаб чарчаётган бўлишса ҳам. Масалан, эркак киши ҳар куни соат олтида туради, шошилиб уйдан чиқиб иш жойига етиб келади. Кечкурун ҳориб-толиб, йўл-йўлакай бозорга ҳам кириб чиқади ва уйига қайтади. Кечки овқатни еб, зўрга телевизор томон судралиб боради ва бироздан кейин мудрай бошлайди, ухлаб қолади. Ҳўш, бу эркак ким? Бекорчи! Чунки у ишлашга муҳтож бўлмаса, икки дунёда ҳам ишламаган бўларди. У ишлашга мажбур бўлган бекорчи. Агар ишламасликнинг иложи бўлганида эди, ў-хў – у ўзига бир зумда ўзгача машғулот топиб олган бўларди: дам олиш керак, улфатлар, майшат ва ҳоказо. Аслида бундай бекорчи ишдан кейин яхшилаб дам олиш учун ишлайди. Уста эса (уни шундай аташ мумкин бўлса) кўнтилдагидек ҳордиқдан кейин, яхшилаб ишлаш учун дам олади.

* * *

Сен кўпинча ўз мулоҳазаларингни, фикрингни айтмасанг ҳақиқат ҳимоясиз қолиши ва дунё қулаб кетиши мумкин, деб ўйлайсан. Аслида эса сен жим турсанг ҳам ҳаёт давом этаверади. Буни тан олиш жуда оғир, лекин борлиқ ва унинг қонунларини қандай бўлса шундайлигича қабул қил – дунё сенсиз ҳам яшай олади! Унинг сенсиз ҳам яшашига кўна олсанг, сенда бағрикенглик ўз-ўзидан пайдо бўлади.

* * *

Тилни одамлар баъзан фикрларини ифодалаш учун, баъзан фикрларини яшириш учун, баъзида эса фикрлар ўрнига ҳам ишлатиши мумкин.

* * *

Келинлар камдан-кам ҳолларда оналари ўйлаганчалик яхши ва қайноналари ўйлаганчалик ёмон бўлиб чиқишиди.

* * *

Дунё лаззатларга тўла. Сенга нафас ато этувчи ҳаво лаззатга тўла. Тирик ва тетик тананг лаззатга тўла. Оламнинг ранг-баранг ўралгалири лаззатга тўла... Лаззатни ҳовучлаб олса бўлади, агар қўлларининг ва қалбингни чанг-губор ва ичи пуч нарсалар билан банд қилимсанг, албатта...

* * *

Юқорига қўтарилаётганингда жуда кўп одамларни учратасан Уларни хафа қилма, чунки пастига тушаётганингда улар билан яна қўришсан.

* * *

Бахт сен истаган нарсага эга бўлишда эмас, ўзингда борини асраб авайлангда ва қадрига етиб яшашда.



**ХАТО БЎЛМАСА СЎЗЛАРИМ,
ОЧИЛМАС ЭКАН КЎЗЛАРИМ.**

МУНДАРИЖА

Танишув.....	5
Билими бор, ақли йўқ.....	11
Тухумни чақмасдан қовуриб бўлмайди.....	17
Даҳолар сири.....	23
Пири комилдан сўрадим.....	31
«Тўтиқуш»нинг мuloҳазалари.....	37
Лаборатория каламуши.....	47
Интеллектуал ринг.....	53
Саргарош.....	60
Жавобсиз қолган саволлар.....	63
Масъулият.....	70
Авваламбор ўзинг учун қил.....	78
Саккизинчи респондент.....	82
Ифторлик.....	90
Роботнинг ажойиб камчилиги.....	92



5

Шавкат Рассоқов

ЎЗЛИКНИ АНГЛАШ ЗАВҚИ ёхуд Сизни ўзгартирадиган китоб

*Муҳаррир Умидад Содикова • Бадиий муҳаррир Жоҳонгир Бадалов
Техник муҳаррир Елена Толочко • Кичик муҳаррир Гулбайра Ералиева
Мусаххих Умидад Ражабова • Матн териувчи Гулчехра Азизова*

Лицензия рақами № 163. 09.11.2009. Босишга 2014 йил 8 апрелда руҳсат этилди. Бичими 60×84¹/₁₆. Офсет қозози. Times TAD гарнитураси. Шартли босма табоғи 5,58 Нашр табоғи 4,9. Адади 3000 нусха. Шартнома № 19–2014. Буюртма № 379. Баҳоси келишилган нарҳда.

O'zbekiston Matbuot va axborot agentligining Cho'lpon nomidagi nashriyot-matbaa ijodiy uyi. 100129, Toshkent, Navoiy ko'chasi, 30.
Telefon: (371) 244-10-45. Faks (371) 244-58-55.

«TOSHKENT TEZKOR BOSMAXONASI» mas'uliyati cheklangan jamiyatি bosmaxonasida chop etildi. 100200, Toshkent, Radialniy tor ko'chasi, 10.

Китоб тўғрисидаги фикр-мулоҳазаларингизни www.kitobxon.uz сайтига юборишингиз ёки +99890-959-25-26 ва +99890-178-35-74 телефон рақамлари орқали билдиришингиз мумкин.

«Меҳринур консалтинг сервис» МЧЖ. Урганч ш. А.Баҳодирхон кўчаси, 187-й. х/р 20208000804492345001 АИТБ «Тинчлик» филиали МФО: 00580, ИНН:206318280 Тел. 8-362-224-21-53, факс: +99890-178-35-74



*Cho'lpón nomidagi
nashriyot-matbaa ijodiy uyi*

ISBN 978-9943-05-631-2

9 789943 056312